

Vuj chirij ri xquibanala' ri apóstoles

Ri Lok'olej Espíritu can xtipe-vi

1 ¹Nimalej Teófilo,^a chupan c'a ri jun vuj ri xinben-el chave nabey, nutz'iban c'a el ri samaj ri xutiquiriba' can rubanic ri Jesús, y ri xutiquiriba' chuka' can ruc'utic chiquivech ri vinek. ²Y xutanaba' can chupan ri k'ij tok rija' xbe chila' chicaj.^b Pero tok rija' c'a man jani nibe chila' chicaj, riq'uin ri ruchuk'a' ri Lok'olej Espíritu xubij c'a chique ri ru-apóstoles ri e rucha'on, ri nic'atzin chi niquiben^c can, tok rija' xtibe. ³Y rija' can xutej pokon, y xcamisex. Pero tok rija' c'astajinek chic pe, xuc'utula' c'a ri' chiquivech.^d Cavinek k'ij ri xubanala' queri'. Y c'o ch'aka' chic ri xubanala' richin tetamex chi can q'ues vi. Y c'o c'a chuka' xubila' chique chirij tok ri vinek ye'oc pa rajavaren o pa ruk'a' ri Dios.

⁴Y jun bey tok ri Jesús y ri e ru-apóstoles quimolon-qui', ri Jesús xubij chique: Quixc'oje' c'a re vave' pa tinamit Jerusalem,^e y tivoyobej ri nubin chive; tivoyobej c'a ri rusujun-pe ri Dios chi can nuya'.^f ⁵Roma rix ivetaman chi ri Juan riq'uin ya' xeruben bautizar ri vinek. Jac'a rix, pa ca'i-oxi' k'ij apo, riq'uin ri Lok'olej Espíritu xquixban bautizar,^g xcha' ri Jesús.

Tok ri Jesús xtzolin-el chila' chicaj

⁶Y ri quimolon c'a qui' xquic'utuj chire ri Jesús: Ajaf, ¿man cami ja ta k'ij re' tok yojacol roj israelitas y nic'oje' chic ri k'atbel-tzij pa kak'a'?'^h xecha' chire.

⁷Pero ri Jesús xubij chique: C'a ja na ri Dios nibin jampe' xtibanatej ri', y man nic'atzin ta chi nivetamaj rix.ⁱ ⁸Xaxe c'a tivetamaj, chi tok ri Lok'olej Espíritu xtika-pe pan ivi', xtic'ul c'a uchuk'a', y xquinik'alajirisaj chique ri vinek pa tinamit Jerusalem, y chique ri vinek ri ec'o pa ch'aka'

a Lc. 1:3. b 1 Ti. 3:16. c Mt. 28:19; Mr. 16:15; Jn. 20:21. d 1 Co. 15:5. e Lc. 24:49. f Jn. 14:16, 26; 15:26; 16:7. g Mt. 3:11; Hch. 11:16. h Is. 1:26; Dn. 7:27; Am. 9:11; Lc. 17:20. i Dt. 29:29; 1 Ts. 5:1.

chic tinamit vave' pa Judea y ri pa Samaria, y chique chuka' conojel vinek pa ch'aka' chic ruvach'ulef chi nej chi nakaj, xcha' ri Jesús.

⁹Y can xe chic c'a ri ch'abel ri' ri xubij can. Roma ri ec'lo riq'uín ri Jesús ri chiri', can quitzuliben c'a tok xyacatej-el chiquivech pa cak'ik', y xoc-el pa jun sutz', y man chic xquitz'et ta.^j ¹⁰Y ri apóstoles can c'a quitzuliben na c'a el ri xbe chicaj. Tok c'a xquina' xebec'ulun e ca'i' achi'el achi'a' quiq'uín, ri quicusalon sek tak tziek. ¹¹Y ri ca'i' achi'el achi'a' ri' xquibij c'a chique ri e ru-apóstoles can ri Jesús: Achi'a' ri yixpe pa Galilea, ¿achique roma tok yixtzu'un chicaj? Re Jesús re xitz'et chi xbe chicaj re vacami, can xtipe chic c'a jun bey. Y can achi'el re xuben-el re xbe, can que chuka' ri' xtuben ri pa ruca'n bey tok xtika-pe chila' chicaj,^k xecha' chique.

Ri Matías xoc apóstol pa ruq'uexel ri Judas

¹²Y ri apóstoles xe'el c'a pe ri chiri' pa ruvi' ri juyu' rubini'an Olivos, y xetzolin ri pa tinamit Jerusalem. Ri Olivos man nej ta c'o-vi chire ri Jerusalem, xa pa jun la'ek kilómetro.^l ¹³Y tok xe'apon c'a, xejote-el ri pa ruca'n vik jay^m (cavek jay) ri acuchi can ec'lo-vi-pe: Ri Pedro, ri Jacobo, ri Juan, ri Andrés, ri Felipe, ri Tomás, ri Bartolomé, ri Mateo, ri Jacobo ri ruc'ajol ri jun achin rubini'an Alfeo, ri Simónⁿ ri c'o quiq'uín ri achi'a' ri nibix celadores^o chique, y ri Judas^p ri rach'alal ri Jacobo. ¹⁴Y conojel rije' can jantape' c'a niquiben orar, junan quivech conojel, e cachibilan ri ixoki',^q y chuka' ri María ri rute' ri Jesús, y ri e rach'alal^r ri Jesús.

¹⁵Y jun k'ij tok quimolon c'a qui' jun la'ek ciento veinte kach'alal, ri Pedro xbepa'e-pe chiquivech, y xubij c'a chique: ¹⁶Vach'alal, ri jun ka-rey ri xc'oje' ojer can y xubini'aj David, rutz'iban c'a can ri ch'abel ri xeruya' ri Lok'olej Espiritu^s pa ránima. Chupan c'a ri vuj ri rutz'iban can rija', c'o c'a ri nich'on chirij ri Judas^t ri xuc'uan quibey ri vinek ri xebe chuchapic ri Jesús. Can c'o-vi c'a chi xbanatej ri'.^u ¹⁷Y ri Judas^v ri' can xoc-vi kachibil, y c'o c'a samaj ri xuben chuka'. ¹⁸Y riq'uín ri ru-mero^w rija' xlok' jun ulef. Ja mero ri' ri xuc'ul roma xujech-el ri Jesús. Ri Judas xucamisaj-ri'.^x Rija' xcubucu', y ronojel ri rupan c'a quela' xeka-vi, tok xka' pan ulef. ¹⁹Y tok xbanatej re', conojel c'a ri vinek aj-Jerusalem xe'etaman, y romari' tok Acéldama xbix chire ri ulef ri'. Y jari' ri bi'aj ri niquiya' rije' chire jun ulef richin quic'.^y ²⁰Romari' bin can chupan ri vuj rubini'an Salmos:

j Jn. 6:62. k Dn. 7:13; Jn. 14:3; 1 Ts. 1:10; Ap. 1:7. l Ri Nuevo Testamento griego niquibij: Ri bey ri yatiquir nabinbey pa jun k'ij sábado. Quere' niquibij roma ri israelitas yetiquir c'a yebiyin vuku' estadios pa jun sábado, romari' yojtiquir nikabij chi ri juyu' Olivos nakaj c'o-vi chire ri tinamit Jerusalem, xa pa jun la'ek kilómetro. Jun estadio jubama 200 metros, y 7 bey 200 junan riq'uín 1,400 metros, y ri' jubama junan riq'uín jun kilómetro riq'uín nic'aj. m Mr. 14:15; Lc. 22:12. n Mt. 10:4. o Lc. 6:15. p Jud. 1. q Lc. 23:49. r Mt. 13:55. s 2 S. 23:2; He. 3:7; 1 P. 1:11. t Jn. 18:3. u Sal. 41:9. v Lc. 6:16; Hch. 1:25. w 2 P. 2:15. x Mt. 27:5, 7. y Mt. 27:8.

Man jun c'a tic'oje' chupan ri rachoch,
xa timalix can.^z

Y chuka' nubij:

Toc chic jun ruq'uexel richin nipa'e' can chuvech ri rusamaj,^a nicha'.

²¹Roma c'a ri', can nic'atzin c'a chi nikacanoj jun ruq'uexel, pero can ja ri chiquicojol ri achi'a' ri can ronojel tiempo ec'o-pe kiq'uin, y ri can e benek-vi kiq'uin tok xc'oje' ri Ajaf Jesús. ²²Jun chique ri can ec'o-pe kiq'uin tok xban bautizar ri Jesús roma ri Juan, c'a tok xbe chila' chicaj,^b y xel-el chikacojol. Can nic'atzin c'a chi nuk'alajirisaj^c junan kiq'uin roj achique rubanic tok ri Jesús xbec'astej-pe chiquicojol caminaki',^d xcha' ri Pedro.

²³Y jac'ari' xquiya' quibi' e ca'i'. Xquiya-apo ri rubi' ri José ri rubini'an Barsabás y niqubij chuka' Justo chire, y ri rubi' ri Matías. ²⁴Y xquiben c'a orar, quere': Ajaf, rat ri natz'et ri cánima^e conojel, tac'utu' c'a chikavech achique c'a chique re ca'i' achi'a' re' ri acha'on, ²⁵richin noc can apóstol' pa ruq'uexel ri Judas, y nipa'e' chuvech ri samaj. Roma ri Judas xa xuya' can ri samaj, roma ri itzel xerubanala'. Y vacami rija' xapon yan chupan ri lugar ri ruc'amon chi napon-vi, xecha'.

²⁶Y ri achin c'a ri xc'oje' can pa ruq'uexel ri Judas richin noc cachibil ri julajuj apóstoles, ja ri rubini'an Matías, roma pa ruvi' rija' xka-vi^g can ri samaj ri'.

Ri k'ij tok xka-pe ri Lok'olej Espíritu

2 ¹Y tok xoka' c'a ri k'ij richin ri quinimak'ij ri israelitas rubini'an Pentecostés,^h ri quiniman c'a ri Ajaf Jesús quimolon c'a qui' pa jun jay. Can junan c'a quivech.ⁱ ²Y can man jun c'a runabexic tok jari' c'o jun ri xk'ajan ri chicaj, can achi'el tok c'o jun nimalej cak'ik' ri nik'ajan petenek. Y re' xunojisaj' ri jay ri quimolon-vi-qui', e tz'uuyul. ³Y ri ec'o c'a chiri', xquitz'et c'a chi ri achi'el ruxak-k'ak'^k nuch'arala-ri' y jujun ri xec'oje' pa quivi' chiquijujunal. ⁴Y xquichop yech'on pa ch'aka' chic ch'abel' ri xa man e quetamalon ta.^m Pero queri' xbanatej roma ri Lok'olej Espírituⁿ xunojisaj ri cánima, y jari' ri xbanon chique richin chi xech'on pa ch'aka' chic ch'abel.

⁵Y ri chiri' pa tinamit Jerusalem ri k'ij ri', e janíla c'a israelitas ri niquiya' ruk'ij ri Dios ri quimolon-qui'. E janíla c'a chique ri ec'o pa ch'aka' chic ruvach'ulef, ri e okavinek. ⁶Pero roma ri xk'ajan, ri vinek xebec'ulun-pe y xquimol-apo-qui'. Y stape' re vinek re' xa man junan ta quich'abel, roma man junan ta ri e petenek-vi, pero tok ri e tzekelbey richin ri Jesús xebech'on-pe, xk'ax chiquivech, roma can pa jalajoj c'a ruvech ch'abel xech'on-vi. Ri vinek xsach quic'u'x tok xcac'axaj

z Sal. 69:25. a Sal. 109:8. b Hch. 1:2. c Hch. 1:8. d Hch. 4:33. e Jn. 2:24; He. 4:13; Ap. 2:23. f Ro. 1:5. g Lv. 16:8; 1 S. 14:41, 42. h Lv. 23:15. i Hch. 1:14. j Hch. 4:31. k Mt. 3:11. l 1 Co. 13:1. m Mr. 16:17; 1 Co. 12:10, 28, 30. n Hch. 1:5; 1 Co. 14:2.

re'. ⁷Can xsach-vi quic'u'x roma ri xcac'axaj y niqubila' c'a chiquivech: ¿Man aj-Galilea^o ta cami re yech'on? ⁸¿Y achique c'a roma tok roj nikac'axaj ri niqubij? Tok roj xa man junan ta kach'abel chikajujunal, yecha'. ⁹Roma ec'o chike roj ri e aj-vave' pa Judea, ec'o e petenek ri pa Partia, ri pa Media, ri pan Elam, ri pa Mesopotamia, ri pa Capadocia, ri pa Ponto, ri pan Asia,^p ¹⁰ri pa Frigia, ri pa Panfilia, ri pan Egipto, y ec'o chuka' e petenek más c'a quela' chire ri Cirene ri pa nimalej ruvach'ulef rubini'an África. Ec'o e petenek pa Roma. Y chiquicojol rije' ec'o ri can e israelitas pa calaxic y ec'o xaxe roma ri niquinimaj ri nubij ri ley ri richin ri Moisés. ¹¹Y ec'o c'a chuka' vinek ri e petenek ri pa Creta y ri pan Arabia. Y conojel c'a re vinek re^o xcac'axaj ri nimalej rusamaj ri Dios, y can pa tak quich'abel ka rije' xcac'axaj-vi, xecha'.

¹²Y conojel man jun bey c'a quitz'eton chi nibanatej ta quere'. Romari' man niquil ta c'a achique niquich'ob, y niqubila' c'a chiquivech: ¿Achique nic'ulun chi tzij re'? yecha' ri ch'aka'.

¹³Pero ec'o c'a vinek ri xa yetze'en-apo chiquij ri e nojinek riq'uin ri Lok'olej Espíritu,^r y niqubila' c'a: La' xa e k'abarela', yecha'.

Tok ri Pedro c'a nabey xutzijoj ri Jesucristo chiquivech ri israelitas

¹⁴Y ri Pedro y ri e julajuj chic apóstoles xebepa'e-pe chiquivech ri vinek. Y ri Pedro xch'on c'a, y xubij: Nuvinak ri can ix aj vave' pa Judea, y rix chuka' ri ixco re pa Jerusalem re k'ij re', tivac'axaj c'a ri xtinbij chive, y tivetamaj ¹⁵chi chike konojel re kamolon-ki' vave' man jun ri k'abarel ta. Man achi'el ta c'a ri nich'ob rix. Xa c'ari' las nueve. Xa c'a janíla nimak'a' chi c'o ta jun ri k'abarel ta chic. ¹⁶Re xbanatej re vacami, can tz'ibatel c'a can chupan ri ruch'abel ri Dios, y jac'a ri achin ri xk'alajirisan ri ruch'abel ri Dios ojer can, ri xubini'aj Joel, ri tz'ibayon can. ¹⁷Y chupan ri rutz'iban can rija', ri Dios nubij:

Chupan ri ruq'uisibel tak k'ij,

xtinya-pe ri Lok'olej Espíritu^s pa quivi' ri vinek,

y chi xtani' chi alabon xtiquik'alajirisaj^t ri ninbij chique.

Y ri c'a e c'ajola', pa jun achi'el achic' xtiquitz'et ri nink'alajirisaj chique.

Y ri achi'a' e rijita'k chic, pa cachic' c'a ri c'o xquen'alajirisaj chique.^u

¹⁸Can xtintek chuka' ri Lok'olej Espíritu pa quivi' ri nusamajela', chi achi'a' chi ixoki',

y rije' xtiquik'alajirisaj^v ri xtinbij chique.

¹⁹Y chupan ri caj xtinben chi xquebanataj ri man jun bey e tz'eton ta, y que chuka' ri', ri chuveh ri ruvach'ulef.

Xtinben c'a chi xtitz'et quic', k'ak', y sib ri can achi'el chic nima'k tak sutz!^w

²⁰Y ri k'ij man xtisakirisan ta chic.

o Mr. 14:70; Hch. 1:11. p 1 P. 1:1. q Ex. 12:48; Is. 56:6. r 1 Co. 2:14. s Pr. 1:23; Is. 32:15, 16; Ez. 36:27; Zac. 12:10; Hch. 10:45. t Hch. 21:9. u Jl. 2:28. v Hch. 21:4; 1 Co. 12:10, 28; 14:1. w Jl. 2:30.

Ri ic' xtoc achi'el quic'.^x

Que c'a re' ri xtibanatej nabey tok man jani noka' ri k'ij richin ri Ajaf, chupan ri nimalej k'ij tok xtik'at tzij pa quivi' ri vinek.

21 Y conojel c'a ri xquec'utun chi ja ri Ajaf ri nito'on quichin, can xquecolotej-vi,^y nicha'.

22 Y ja chuka' ri' tok ri Pedro xubij: Nuvinak israelitas, tivac'axaj c'a jebel re xtinbij chive: Ri Jesús ri aj-Nazaret, can jac'a ri Dios ri banayon-pe chire chi q'uiy ri xerubanala' chi'icojol. Xerubanala' milagros^z ri man jun bey e tz'eton ta. Can c'o-vi ri xerubanala' rija' richin xk'alajin chivech chi can ja vi ri Dios ri takayon-pe richin. Rix can ivetaman chuka'.²³ Pero ri Dios xuya' c'a k'ij chi xjach ri Jesús pan ik'a', roma can queri' ri ruch'obon-pe.^a Y rix xiya' pa quik'a' vinek ri xa man niquben ta ri nubij ri ruch'abel ri Dios,^b xaxe richin chi xquicamisaj chuva ri cruz. ²⁴ Pero riq'uin ri ruchuk'a' ri Dios, ri Jesús xbec'astej-pe,^c y xcolotej-pe pa ruk'a' ri camic,^d roma ri camic man xtiquir ta xch'acon chirij. ²⁵ Romari' ri rey David rubin c'a can chirij ri Jesús:

Can jantape' c'a nintz'et chi ri Ajaf ic'ovinek chinuvech.

Man jun achique ta xtibanon chuve richin ninxibij-vi', roma can c'o viq'uin pa vajquik'a'.^e

26 Y romari' niqicot ri vánima, y quicoten chuka' yich'on.

Y stape' xquiquen (xquicom), can cukul-el nucl'u'x chi nincl'ul ri rutzil ri Dios.

27 Rat nu-Dios, can man c'a xquinaya' ta can chiquicojol ri caminaki', ni man c'a chuka' xtaya' ta k'ij chi ri nuch'acul yin, ri Lok'olej Ac'ajol,^f nik'ey ta.^g

28 Can nac'ut c'a ri utzilej rubeyal richin re c'aslen chinuvech, y janíla xtiqicot ri vánima tok xquic'oje' aviq'uin, nicha' ri rutz'iban can ri David.

29 Y jac'a chuka' ri' tok ri Pedro xubij: Nuvinak, rix ivetaman chi ri jun kamama', ri rey David xquen (xcom), y xmuk.^h Y ri acuchi mukun-vi can, can c'a c'o re tiempo re'. ³⁰ Y ri Davidⁱ can jun k'alajirisey richin ri xbx chire roma ri Dios. Can retaman c'a chi ri Dios can xuben-vi jurar chi jun chique ri riy-rumam'^j rija' jari' ri Cristo,^k y jari' ri xtic'oje' can pa ruq'uel xel rija', y xtoc Rey'^l

³¹ Y ri David, can achi'el xutz'et yan c'a ri xquebanatej. Xch'on chirij ri c'astajibel richin ri Cristo, chi ri ránima man xtic'oje' ta can chiri' chiquicojol ri caminaki', y chi ri ruch'acul man xtic'oje' ta chuka' can richin nik'ey-ka.^m ³² Y konojel roj, yin y re ec'o viq'uin, ketaman y nikatzijoj chi ja ri Dios ri xbanon chire ri Jesús richin xbec'astej-pe.ⁿ ³³ Y xuc'uex chuka' chila' chica'^o roma ri ruchuk'a' ri Dios. Y rija' xuc'ul c'a ri Lok'olej Espíritu ri sujun roma ri Rutata'. Y tok rija' xuc'ul

x Mt. 24:29. y Ro. 10:13. z He. 2:4. a Hch. 4:28. b Lc. 24:44. c Hch. 4:10; 10:40; 13:30; 17:31; Ro. 4:24; 8:11. d Hch. 3:15. e Sal. 16:8. f Lc. 1:35. g Sal. 16:10; Hch. 13:35. h Hch. 13:36. i 2 S. 1:13. j Ro. 1:3. k 2 Ti. 2:8. l Lc. 1:32. m Sal. 16:10; Hch. 13:35. n Hch. 2:24; 3:15. o Ef. 4:8; He. 10:12.

yan c'a ri Lok'olej Espiritu, xutek c'a pe^q kiq'uin roj, y ja yan c'a rusamaj re' ri xitz'et y xivac'axaj-el kiq'uin re vacami.^g 34Y tok ri David xch'on c'a chirij ri jun ri nic'astej-pe chiquicojol ri caminaki', man chirij ta ka rija' xch'on-vi, roma ri xc'astej-el y xbe chila' chicaj, ja ri Cristo. Y ri David rutz'iban c'a chuka' can:

Ri Ajaf Dios xubij chire ri Vajaf ri Cristo:

Catz'uye-pe re pa vajquik'a,^r

35 y xquenyá' pan ak'a' ri ye'etzelan avichin.

Queri' ri rutz'iban can ri David.

36Vacami yin yich'on c'a chive chi'ivonojel rix ri riy-rumam can ri Israel; rix ri ixc'o-pe y chuka' ri man ec'o ta pe. Tivetamaj c'a chi can kitzij vi chi ri Jesús ri xitek rucamisaxic chuva ri cruz, can ja vi rija' ri banon-pe chire roma ri Dios chi ja rija' ri Cristo y chi ja rija' ri Rajaf ronojel.^s

37Y tok ri vinek xcac'axaj ri xubij ri Pedro, xk'axon cá'nima,^t y xquic'utuj c'a chire ri Pedro y ri ch'aka' chic apóstoles: Kach'alal, çachique ri ruc'amon chi nikaben?^u xecha.

38Y ri Pedro xubij chique: Titzolej-pe ic'u'x riq'uin ri Dios, y pa rubi' ri Ajaf Jesucristo tibana-el bautizar ivi', richin queri' nicuyutej ri imac.^v Y ri Dios xtuya' ri Lok'olej Espiritu chive. 39Roma jare' ri rusujun ri Dios,^w man xe ta chive rix, ni man xe ta chuka' chique ri ivale'ual rix, xa can chique c'a conojel vinek^x ri ec'o neḡ' y ri ec'o nakaj, can chique vi c'a conojel ri vinek ri yeroyoj ri Kajaf Dios.

40Y ri Pedro c'o c'a ch'aka' chic ch'abel ri xeruk'alajirisala' chique. Rija' xuya' c'a rubeyal chiquivech ri vinek quiq'uin ch'abel achi'el re': Quixel-pe chiquicojol ri vinek richin re tiempo re', ri xa e sachinek pa quimac, richin queri' yixcolotej c'a pe, nicha' c'a chique.

41Y ri vinek c'a ri xec'ulun ri ruch'abel ri Dios pa tak cá'nima chupan ri k'ij ri', xeban bautizar. Ri quiniman, can xeq'uuyer c'a, roma chupan ri k'ij ri' xe'oc c'a quiq'uin e jun la'lek oxi' mil vinek. 42Y can man jun bey c'a niqumalij ta quic'u'x, xa can jantape' c'a niqumol-qui^z richin nicac'axaj ri quitijonic^a ri apóstoles. Can junan chuka' quivech. Junan niqumol-qui' richin niquitej ri caxlan-vey richin niquinataj ri rucamic ri Ajaf Jesús, y can junan chuka' niquben orar.^b Can jantape' c'a queri' niquben.

Ri rubanic c'aslen ri xquic'uj ri nabey tak nimanela' richin ri Jesucristo

43Y can conojel c'a ri vinek quixibin-qui'.^c Y q'uiy c'a milagros ri yebanalox^d coma ri apóstoles;^e y re milagros re yequibanala' rije', can niquik'alajirisaj c'a chi e rusamajela' ri Dios. 44Y conojel ri quiniman, can c'o c'a jun ach'alalri'il quiq'uin, y niquicomonij c'a ronojel ri c'o quiq'uin.^f 45Y richin yequitola' ri

p Jn. 15:26. q Hch. 1:4. r Sal. 110:1; Mt. 22:44; Ef. 1:20; He. 1:13. s Lc. 2:11; Hch. 5:31. t Zac. 12:10. u Hch. 9:6. v Lc. 24:47. w Ro. 9:8. x Jl. 2:28. y Ef. 2:13. z He. 10:25. a 2 Ti. 1:13. b Ro. 12:12; Col. 4:2. c Hch. 5:5, 11. d Mr. 16:17. e Hch. 4:33. f Hch. 4:32.

kach'alal ri c'o nic'atzin chique, yequic'ayila^g ri achique oc ri ec'o quiqu'uin.^h
⁴⁶Y ri pa rachoch ri Diosⁱ can k'ij-k'ij c'a ec'o-^j y junan c'a quivech conojel.
 Y tok niquiben c'a va'in pa jun jay, can riq'uin c'a ronojel quic'u'x y quicoten.^k
⁴⁷Y niquiya' ruk'ij ri Dios.^l Can k'ij-k'ij c'a ec'o más ri yecolotej, roma can jac'a
 ri Ajaf ri nibanon chique chi yequ'uiyer.^m Y rije' utz c'a yetz'et coma ri vinek.

Pa rubi' ri Jesucristo xc'achojirisex jun achin ri man nitiquir ta nibiyin

3 ¹Ri Pedro y ri Juan cachibilan-qui' e benek c'a el richin yebe pa rachoch ri Dios. Las tres ri tikak'ij jari' tok e benek-el, chupan ri hora ri richin oración.ⁿ ²Y chiri' pa jun ruchi' ri rachoch ri Dios ri Jebel Oc Nitzu'un niquibij chire, ronojel c'a k'ij c'o ri yebeyo'on can jun achin c'utuy-limosna.^o Re jun achin re' can pa ralaxic c'a pe ri man tiquirinek ta biyinek. Rija' nuc'utuj c'a can limosna chique ri vinek ye'oc-^p apo ri chiri'. ³Y tok ri Pedro y ri Juan ye'oc yan c'a apo ri pa rachoch ri Dios, ri achin c'utuy-limosna c'o c'a nuc'utuj chuka' can chique rije'. ⁴Pero ri Pedro xutzu-xutzu' ri achin, y chuka' queri' xuben ri Juan, y c'ari' ri Pedro xubij chire ri achin: Kojatzu' na pe', xcha'.

⁵Y ri achin can xerutzu' na vi, y royoben c'a achique ri xtiquiya' can chire. ⁶Jari' tok ri Pedro xubij chire: Yin man jun k'anapuek y sakipuek^q ri c'o viq'uin^r richin chi ninya' ta chave. Xa can xe c'a ri yo'on chuve, jari' xtinya'^s chave,^t xcha'. Y jari' tok xubij chire: Pa rubi'^u ri Jesucristo ri aj-Nazaret^v cayacatej, y cabiyin-el, xcha'.

⁷Y ri Pedro xuchop c'a ri rajquik'a' ri achin richin xpa'e'. Y can jac'ari' xchojmir. Ri raken xec'oje' c'a el cuchuk'a' y que chuka' ri' ri rukul tak raken. ⁸Y ri achin ri', tok xchap ruk'a' roma ri Pedro richin nipa'e-el, jutzoc' xuya', y xbiyin c'a el. Y junan chic ri xoc-^w apo quiqu'uin ri Pedro y ri Juan ri chiri' pa rachoch ri Dios.^y Niropin^z c'a ri benek, y nuya' chuka' ruk'ij ri Dios. ⁹Y e janíla c'a vinek ri xetz'eton richin, chi nibiyin y nuya' ruk'ij ri Dios^x ri achin ri'. ¹⁰Ri vinek can quetaman c'a chi ja achin ri' ri c'utuy-limosna, ri nic'oje' ri chiri' pa ruchi-jay ri Jebel Oc nibix chire, ri jun ruchi-jay ri richin ri rachoch ri Dios. Romari' ri vinek ri' xsach quic'u'x chirij y quixibin-qui' roma ri xbanatej ri chiri'.

Tok ri Pedro xch'on chiquivech ri vinek chiri' pa rachoch ri Dios

¹¹Y ri achin ri xc'achojirisex e ruchapapen c'a ri Pedro^y y ri Juan. Y e janíla ri vinek ri xe'apon chiquitz'etic ri chiri' pa jun corredor, ri Richin Salomón^z yecha' chire. Chanin c'a xquimol-^q apo-qui'. Re vinek c'a re' man jun bey quitz'eton

g Hch. 4:34. h Is. 58:7. i Hch. 3:1; 5:20, 21, 25, 42. j Lc. 24:53. k Jn. 16:22. l Lc. 24:53. m Hch. 5:14; 11:24. n Lc. 1:10; Hch. 10:30. o Lc. 18:35; Jn. 9:8. p Mt. 10:9. q 2 Co. 8:9. r 2 Co. 6:10. s 1 P. 4:10. t Mt. 7:22; Mr. 16:17. u Hch. 4:10. v Jn. 5:8, 9, 14. w Is. 35:6; Lc. 6:23. x Hch. 4:21. y Hch. 5:15. z Jn. 10:23.

ta chi nibanatej quere'. ¹²Y tok ri Pedro xerutz'et ri vinek, xubij c'a chique: Nuvinak israelitas, ¿achique c'a roma tok achi'el nisach ic'u'x roma re xbanatej? ¿Y achique roma tok ja roj ri yojitzu'? Roma re achin re' xbiyin-el, pero man ja ta ri kuchuk'a' roj ri xbanon,^a y chuka' man ja ta ri utz ri nikaben chuveh ri Dios ri xbanon. ¹³Tivac'axaj c'a re xtinbij chive: Ri Katata' Dios, ri qui-Dios chuka' ri kati't-kamama^b ri xec'ase' ojer can, achi'el ri Abraham, ri Isaac, ri Jacob, rija' can xuben c'a chire ri Jesús, ri Ruc'ajol, chi c'o ruk'ij-ruc'ojlen.^c Pero rix man xivajo' ta xinimaj chi ja rija' ri Ruc'ajol ri Dios. Xa xiya' pa ruk'a' ri k'atoy-tzij rubini'an Pilato. Y tok ri k'atoy-tzij can rubin chic chi nuco-el, rix man xivajo' ta. Rix xa q'uiy ri xibij-apo chirij. ¹⁴Xa ja ri jun camisanel xibij chi ticol-el, y ri lok'olej^d y choj chuka' ri ruc'aslen, jari' ri xiya' can pa ruq'uexel.^e ¹⁵Y riq'uin ri' xitek c'a pa camic ri Jesús ri niyo'on c'aslen. Pero ri Dios xuben chire chi xbec'astej-pe^f chiquicojol ri caminaki'. Nikabij c'a quere' chive roma roj can xkatz'et-vi tok c'astajinek chic pe. ¹⁶Y re jun achin re nitz'et-pe rix re c'o vave' y ivetaman chuka' ruveh, xc'achoj, roma can pa rubi' ri Jesús^g xkac'utuj-vi. Y re achin can xc'achoj-vi roma can xucukuba' chuka' ruc'u'x^h riq'uin ri Jesús.

¹⁷Rix nuvinak y ri principal-i' ri ec'o chi'icojol, tok xiya' pa camic ri Jesús, xich'ob chi rija' xa choj jun achin y man xitz'et ta chi can ja rija' ri Cristo.ⁱ ¹⁸Can xbanatej-vi c'a achi'el ruch'obon-pe ri Dios. Y queri' ri tz'iban c'a can coma conojel ri achi'a' ri xek'alajirisan ri xbix chique roma ri Dios ri ojer can. Rije' quitz'iban c'a can chi ri Cristo c'o c'a chi nuc'ovisaj na tijoj-pokonal.^j ¹⁹Vacami titzolej c'a pe ic'u'x riq'uin ri Ajaf Dios^k y tijalatej ri ic'aslen, richin queri' nicuyutej y nisachatej ri imac. Y xquepe c'a tiempos richin uxlanen tok ri Ajaf can c'o chic iviq'uin. ²⁰Y ri Ajaf Dios can xtutek c'a pe ri Jesucristo ri pa ruca'n bey,^l ri Jesucristo ri can yo'on-pe rutzijol chive roma ri Ajaf Dios. ²¹Jac'a re vacami, c'o chi nic'oje' na ri chila' chicaj,^m can c'a tok xtapon na ri k'ij tok xtiban rutzil ronojel. Queri' nubij ri Dios chupan ri e quitz'iban can ri lok'olej tak achi'a' ri xek'alajirisan ri xbix chique roma ri Dios ri ojer can. ²²Y ri Moisés xubij c'a chique ri kati't-kamama': Ri Kajaf Dios xtuyec c'a pe jun ri xtik'alajirisan ri ruch'abel chique ri kiy-kamam, can achi'el rubanon viq'uin yin.ⁿ Rija' can kavinak vi y tivac'axaj c'a ronojel ri xtubij chive. ²³Y achique c'a ri man xtiniman ta chire, xtika' c'a ri camic pa ruvi^o y xtelex c'a el chiquicojol ri e rutinamit chic ri Dios, nicha' ri rutz'iban can ri Moisés.

²⁴Y ri Pedro xubij chic c'a chuka' chique ri vinek: Conojel ri xek'alajirisan ri ch'abel ri xbix chique roma ri Dios ri ojer can, achi'el ri Samuel y ri ch'aka' chic, chirij re tiempo re' e ch'ovinek-vi can. ²⁵Y can ivichin c'a rix^p ri e rusujun can ri Dios chupan ri e tz'ibatel can coma ri achi'a' ri xek'alajirisan ri xbix chique roma ri Dios ri ojer can. Y can ivichin chuka' rix ri xusuj

a 2 Co. 3:5. b Hch. 5:30. c Jn. 7:39. d Sal. 16:10; Mr. 1:24. e Hch. 7:52. f Hch. 2:24. g Hch. 4:10. h Mt. 9:22; Hch. 14:9; 1 P. 1:21. i Hch. 13:27; 1 Co. 2:8. j Sal. 22; Is. 50:6. k Hch. 2:38. l Hch. 1:11. m He. 8:1. n Dt. 18:15; Hch. 7:37; He. 3:2-5. o He. 2:2, 3; 10:29. p Ro. 9:4; 15:8.

tok xuben ri jun trato quiq'uin ri ojer tak kati't-kamama', tok xubij chire ri Abraham chi ri vinek^q ri ec'o chuveh re ruvach'udef xtiquic'ul c'a utzil roma ri riy-rumam rija', ri xte'alex. ²⁶Y tok ri Dios xuben c'a chi ri Jesús ri Ruc'ajol xbec'astej-pe, chi'icojol c'a rix xutek-vi nabey. Rija' xrajo' c'a xuya' can ri rutzil chi'icojol, richin queri' chi'ijujunal xiya' ta can rubanic ri mac.

**Ri Pedro y ri Juan xechap y xe'uc'uex chiquivech ri
can e principal-i' vi chiquicojol ri israelitas**

4 ¹Ri Pedro y ri Juan c'a yech'on na c'a chiquivech ri vinek, tok xe'oka' ri sacerdotes e cachibilan-pe ri achi'a' saduceos, y chuka' ri achin uc'uey quichin ri achi'a' e chajinela' pa rachoch ri Dios. ²Y re achi'a' c'a re' jan'la yacatajinek-pe coyoval chiquij ri Pedro y ri Juan, roma yequitijoj ri vinek. Can niqutzijoj c'a chique ri vinek achique rubanic tok ri Jesús xc'astej y xa can caminek chic el, y romari' ri caminaki' can xquec'astej chuka', yecha' c'a chique ri vinek. ³Romari' xequichop-el ri ca'i' apóstoles ri', y xequiya' pa cárcel. Y man xechojmirisex ta c'a ri k'ij ri', roma xa xkak'ij yan chiri'. Xa can c'a ja ri ruca'n k'ij. ⁴Y can e q'uiy c'a chique ri vinek xeniman ri ruch'abel ri Dios. C'a ri k'ij ri', xaxe ri achi'a' ec'o la'ek jun vo'o' mil.^r

⁵Chupan c'a ri ruca'n k'ij, xquimol-qui' ri chiri' pa Jerusalem ri e principal-i' chiquicojol ri israelitas, ri rijita'k tak achi'a' ri c'o quik'ij, y ri etamanela' chirij ri ley. ⁶Y chuka' ri Anás ri nimalej sacerdote, ri Caifás, ri Juan, ri Alejandro, y conojel c'a ri e quiy-quimam can ri nimalej tak sacerdotes, xquimol chuka' apo qui' quiq'uin. ⁷Y c'ari' c'a xquitek quic'amic ri Pedro y ri Juan. Y tok ec'o chic c'a apo ri chiri' chiquivech, xquic'utuj c'a chique: ¿Achique yoyon k'ij chive richin chi rix niben quere'?'s ¿Y achok bi' xinataj richin xic'achojirisaj ri achin? xecha'.

⁸Y ri Pedro, can nojinek c'a ri ránima riq'uin ri Lok'olej Espíritu,^t xubij c'a chique: Rix achi'a' ri ix principal-i' chupan re katinamit Israel, y rix chuka' rijita'k ri c'o ik'ij: ⁹Rix nic'utuj c'a chike chirij ri utzil ri xkaben chire jun achin yava', richin nivetamaj achique rubanic tok xc'achoj. ¹⁰Tivetamaj c'a rix ri ixc'o-pe vave', y tiquetamaj c'a chuka' conojel ri kavinak israelitas, chi re jun achin re c'o vave' chivech xc'achoj tok xkanataj ri rubi' ri Jesucristo ri aj-Nazaret,^u ri Jesucristo ri xitek rucamisaxic chuva ri cruz, pero ri Dios xuben chi xbec'astej-pe chiquicojol ri caminaki'. ¹¹Ri Jesús ibanon c'a chire chi man jun nic'atzin-vi, can achi'el niquiben ri ch'aka' banoy tak jay chire jun abej, niquibij chi xa man nic'atzin ta. Pero re Abej re' xa jare' ri nic'atzin richin chi man nitzak ri jay.^v Y ri Jesús xban c'a chire vacami chi ja rija' ri más nic'atzin. ¹²Y can man jun chic c'a ri nilitej ta colotajic riq'uin. Roma chuveh re ruvach'udef xa can man jun chic ri yo'on ta pe chike roj vinek richin yojcolotej ta,^w xcha' ri Pedro.

q Gn. 12:3; Mt. 1:21; Lc. 24:47; Hch. 2:39; Ga. 3:8. **r** Hch. 2:41. **s** Mt. 21:23. **t** Mt. 10:19; Mr. 13:11; Lc. 12:11, 12; 21:14, 15. **u** Hch. 3:6. **v** Sal. 118:22; Mt. 21:42. **w** Mt. 1:21.

¹³Y tok ri achia' ri can e principal-i' vi xequit'et ri Pedro y ri Juan, can achique la xequit'et. Roma stape' man q'uiy ta etamabel c'o quiq'uin,^x can man jun xibinri'il ri c'o ta quiq'uin. Can janfla c'a k'alaj chi rije' xec'oje' riq'uin ri Jesús. ¹⁴Y can man jun c'a xquibij chic chique ri e ca'l' apóstoles, roma c'o-apo ri achin ri xc'achojirisex. Pa'el-apo ri chiri' quiq'uin. ¹⁵Y ri Pedro y ri Juan xe'elesex c'a el ri acuchi ec'o-vi ri achia' ri can pa comon yek'aton tzij, richin queri' pa quiyonil na ri achia' ri' yech'obon can. ¹⁶Y re achia' re' niquibila' c'a chiquivech: ¿Achique c'a nikaben chique? Roma man jun vinek vave' pa Jerusalem ri man ta etamayon chi xbanatej jun nimalej milagro.^y Y roj man yojtquir ta nikevaj chuka'. ¹⁷Y xaxe c'a richin man nibiyin más rutzijol ri xbanatej, quekaxibij-el, richin queri' man niqutzijoj chic ri Jesús chique ri vinek.

¹⁸Y tok xe'oyox chic c'a apo ri Pedro y ri Juan, xbix c'a chique chi can man chic quequitijoj ri vinek, chi man chic tiquitzijoj ri Jesús chique ri vinek.^z ¹⁹Pero ri Pedro y ri Juan xech'on-apo, y xquibij chique: Tibij na c'a chike: ¿Achique ta camí nubij ri Dios, xa ta ja ri nibij rix ri nikaben y man nikaben ta ri nubij rija'?^a ²⁰Roj man yojtquir ta nikaben chi man ta chic nikabij chique ri vinek ri xkatz'et y xkac'axaj riq'uin ri Jesús,^b xecha'.

²¹Y jac'ari' tok ri achia' ri can pa comon yek'aton tzij, q'uiy c'a ri xquibij-el chique ri Pedro y ri Juan xe richin yequixibij. Y c'ari' xquiya-el k'ij chique richin xebe. Xa man jun xquil xquiben ta chique, roma ri vinek xa can niquiya' c'a ruk'ij-ruc'ojlen ri Dios roma ri achin xc'achojirisex.^c ²²Roma ri achin c'a ri' más yan cavinek rujuna', pero xc'achoj roma ri milagro ri'.

Ri nimanela' niquie'utuj c'a cuchuk'a' chire ri Dios

²³Y tok ri Pedro y ri Juan xe'isk'opix-el, choj xetzolin c'a quiq'uin ri cachibil, y xbequitzijoj c'a chique ronojel ri bin-el chique coma ri principal-i' tak sacerdotes y ri rijita'k tak achia' ri c'o quik'ij. ²⁴Y tok ri cachibil xcac'axaj ri xquitzijoj, junan c'a xquiben orar conojel y xquibij c'a chupan ri qui-oración: Nimalej Ajaf Dios,^d rat ri xabanon ronojel, rat ri xabanon ri caj y ri ec'o chupan, rat ri xabanon re ruvach'ulef^e y re ec'o chuveh, rat ri xabanon ri mar y ri ec'o chupan. ²⁵Rat ri xaben chi xsamej ri Lok'olej Espíritu pa ránima ri asamajel xubini'aj David, richin xubij:

¿Achique c'a roma tok ri pa tak ruvach'ulef xaxe itzel tak ch'obonic yequibanala',

y ri vinek ri ec'o pa tak tinamit xaxe ri man jun rejkalen ri yequinojjij?

²⁶Y yebeatej-pe ri k'atoy tak tzij richin re ruvach'ulef.

Y ri principal-i' chiquicojol xquimol c'a qui',

richin xeyacatej chavij rat Ajaf Dios, y chirij chuka' ri Cristo ri acha'on.^f Queri' rutz'iban can ri David.

x 1 Co. 1:27. y Hch. 3:9, 10. z Hch. 5:40. a Hch. 5:29; Ga. 1:10. b Hch. 1:8; 2:32; 1 Jn. 1:1-3. c Hch. 3:7, 8. d Sal. 107:2; Is. 44:6. e Ex. 20:11; 2 R. 19:15. f Sal. 2:1, 2.

²⁷Y can kitzij vi, chi achiel ri tz'ibatel can, queri' ri xbanatej. Roma ri rey Herodes y ri jun chic k'atoy-tzij rubini'an Poncio Pilato, ri israelitas y ri man e israelitas ta, xquimol-qui' vave' pa tinamit Jerusalem richin xeyacatej chirij ri Jesús ri lok'olej^g Ac'ajol ri xatek-pe.^h ²⁸Pero can nic'atzin c'a chi nibanatej na ri can ja ri pan ak'a' rat c'o-vi, y ri ach'obon-peⁱ ojer-ojer, y can ja vi re' ri xquiben rije'. ²⁹Ajaf, vacami c'a tatzu' chi re vinek re' yexibin, roma yacatajinek coyoval chikij roj asamajela'. Y romari' roj nikac'utuj c'a chave chi tabana' chike chi man ta jun xibinri'il kiquin richin nikatzijoj ri ach'abel.^j ³⁰Y nikac'utuj c'a chuka' chave, chi riq'uin ri avuchuk'a' xquec'achoj ta ri yava'i', y chi yeban ta milagros xaxe riq'uin ninatex ri rubi' ri Jesús ri lok'olej Ac'ajol. Y ronojel re' xtic'atzin ta richin nik'alajin chi can kitzij ri nikatzijoj chique ri vinek,^k xecha'.

³¹Y tok xetane' chire ri oración, ri acuchi quimolon-vi-qui' xsilon janíla. Y tok nojinek chic c'a ri cánima riq'uin ri Lok'olej Espíritu,^l man jun c'a xibinri'il chiquivech rije' richin niquitzijoj ri ruch'abel ri Dios.

Can ronojel c'a niquicomonij

³²Y janipe' c'a ri vinek ri quiniman chic, junan c'a quivech^m y jun cánima quibanon. Man jun c'a ri nibin chi can xe ta richin ka rija' ri c'o riq'uin,ⁿ roma can jun quibanon conojel. ³³Ri apóstoles can riq'uin c'a uchuk'a'^o niquitzijoj ri rubanic tok xc'astej-pe ri Ajaf Jesús chiquicojol ri caminaki', y nim ri rutzil ri Dios c'o pa quivi' conojel. ³⁴Y chiquicojol c'a ri quiniman chic ri Dios, man jun c'a meba'il, roma ri c'o culef y c'o cachoch, yequic'ayila^p y ri rajel niquic'uaj-apo. ³⁵Niquic'uaj-apo chique ri apóstoles, y ri mero ri' nitalux c'a chiquivech ri c'o nic'atzin chique.^q ³⁶Que c'a ri' c'o jun achin ri chiquicojol rubini'an José. Y re José riy-rumam can ri Leví, y alaxinek pa Chipre. Pero ri apóstoles xquiya' chic c'a jun rubi'. Romari' tok xubini'aj Bernabé.^r Y jare' ri jun chic rubi' ri xquiya' ri José, roma rija' can nucukuba-vi quic'u'x conojel. ³⁷Y re Bernabé c'a re' xuc'ayij c'a jun rulef, y ri rajel xberujacha' pa quik'a' ri apóstoles.^s

Ri xquimacuj ri Ananías y ri Safira ri rixjayil

5 ¹Pero jun achin rubini'an Ananías rachibilan ri rixjayil rubini'an Safira, xquic'ayij c'a jun culef. ²Y che ca'i' xquiya' chiquivech chi niquiq'uen can ch'aka' chire ri rajel ri ulef, y ri ch'aka' chic xuc'uaj-el ri Ananías richin xberuya' pa quik'a' ri apóstoles. ³Pero ri Pedro xubij chire ri Ananías: ¿Achique c'a roma tok xaya' k'ij chi ri Satanás xunojisaj ri avánima, richin chi xatz'uc tzij chuveh ri Lok'olej Espíritu, y xaq'uen can

g He. 7:26. h Is. 61:1; Jn. 10:36. i Hch. 2:23. j Ef. 6:19. k Hch. 5:12. l Hch. 2:2-4. m Ro. 15:5; Fil. 1:27; 2:2. n Hch. 2:44. o 1 Ts. 1:5. p Hch. 2:45. q Stg. 1:27; 1 Jn. 3:17. r Hch. 9:27; 11:22-24; 15:37-39. s Pr. 3:9.

ch'aka' chire ri rajel ri ulef ri xac'ayij? ⁴Xa ta ri ulef xc'oje' ta queri' y man ta xac'ayij, ¿c'o cami jun nibin chi xa man avichin ta rat? Y tok xac'ayij, ¿c'o cami jun ri nibin ta chave chi man avichin ta rat ri rajel ri avulef? ¿Achi que c'a roma tok xpe ri jun itzel ch'obonic aviq'uin? Rat man chiquivech ta c'a vinek xatz'uc-vi tzij, rat can chuvech c'a ri Dios xatz'uc tzij, xcha' ri Pedro.

⁵Y ri Ananías, ri achin ri xc'ayin ri ulef, can xe c'a xrac'axaj ri ch'abel xerubij ri Pedro, xquen-ka (xcom-ka). Y conojel c'a ri xe'ac'axan ri xbanatej, xpe c'a jun xibinri'il chique janíla. ⁶Y ec'o c'a ca'i-oxi' ri c'a e c'ajola' na ri chanin xeyacatej-el richin xbequibana-pe rutzil ri caminek, y c'ari' xquic'uaj-el richin xebe chumukic.

⁷Y c'a jun la'ek oxi' horas tic'ulvachitej-ka ri rucamic ri Ananías, tok xapon ri rixjayil. Rija' man runaben ta c'a ri xc'ulvachitej chiri'. ⁸Y ri Pedro xuc'utuj chire ri ixok ri': Ri mero ri ruc'amon-pe ri Ananías, ¿jari' ri rajel ri ulef ri xic'ayij?

Y ri ixok xubij: Ja', jari' ronojel mero ri rajel ulef.

⁹Pero ri Pedro xubij c'a chire: ¿Achi que c'a roma rix can xiben chi man yixrutz'et ta pe ri Lok'olej Espíritu richin ri Ajaf Dios?' ¿Achi que roma rix can xiya' chivech chi xiben queri'? Romari' ri avachijil jari' xbemuk can. Y ri e benek mukuy richin, jari' ye'oc yan pe, richin queri' yatoquic'ama' chic el rat, richin yatbequimuku' can chuka', xcha'.

¹⁰Y can jari' xtzak-ka ri ixok ri chiri' chuvech ri Pedro, y xquen-ka (xcom-ka). Tok xe'oka' c'a ri c'ajola' ri xebemukun can ri Ananías, y xquitz'et chi caminek chuka' ri ixok, xquic'uaj y xbequimuku' can riq'uin ri rachijil. ¹¹Y ri kach'alal can janíla c'a xquixibij-qui' roma ri xbanatej. Y can que chuka' ri' xquic'ulvachij ri ch'aka' chic ri xe'ac'axan ri xbanatej. Can janíla xquixibij-qui'.

Ri apóstoles q'uiy milagros yequibanala'

¹²Y ri apóstoles janíla c'a q'uiy nima'k tak milagros ri man jun bey e tz'eton ta, ri yequibanala' chiquivech ri vinek, richin queri' tik'alajin chi ri apóstoles can kitzij vi ri niquibij.^u Y ri can quiniman chic ri Dios, junan c'a quivech niquimol-qui' pa jun corredor richin ri rachoch ri Dios. Ri corredor ri' Richin ri Salomón yecha' c'a chire. ¹³Can ec'o-vi c'a vinek ri man yejel ta apo quiq'uin roma ri niquixibij-qui' niquiben queri'. Jac'a ri ch'aka' chic vinek ri ec'o chupan ri tinamit, can niquiya-vi quik'ij. ¹⁴Pero can janíla e q'uiy ri vinek ri yeniman ri Ajaf Jesucristo. Romari' ri e nimanela' k'ij-k'ij más e q'uiy;^v chi ixoki' y chi achi'a'. ¹⁵Can que vi ri', roma ri yava'i' ye'elesalox c'a pe ri pa tak bey y yeyolox pa tak ch'at y pa tak varabel, richin queri' tok ri Pedro nik'ax-el, ri rumujal nik'ax ta c'a pa quivi' jun ca'i' chique ri yava'i' ri' y yec'achoj ta. ¹⁶Y e q'uiy c'a chuka' vinek ri ec'o pa tak tinamit ri ec'o-pe chunakaj ri Jerusalem, xe'oka' ri chiri' pa tinamit, y e quic'amalon-pe quiyava'. Ec'o c'a ri choj e yava'i' riq'uin yabil, y ec'o ri ec'o pa pokonal pa quik'a' itzel tak espíritu. Y conojel c'a yec'achojirisex-el.^w

t Nm. 14:22; 1 Co. 10:9. u He. 2:4. v Hch. 2:47. w Mr. 16:17, 18.

Tok xechap ri apóstoles

¹⁷Pero ri nimalej sacerdote e rachibilan ri achil'a' quibini'an saduceo, itzel c'a niquina' chique ri apóstoles roma ri yetiquir niquben. ¹⁸Romari' xebequichapa-pe^x y xebequiya' can pa cárcel. ¹⁹Y ri chak'a', ri Ajaf Dios xutek c'a pe jun ánge^l ri pa cárcel quiq'uin ri apóstoles. Y re ánge^l re' xujek-el ri ruchi' ri cárcel chiquivech, richin yeresaj-el. Y xubij c'a chique: ²⁰Quixbiyin c'a. Y tok xquixapon chic c'a pa rachoch ri Dios, titzijoj chique ri vinek ronojel ri ch'abel ri richin ri c'ac'a' c'aslen^z ri nuya' ri Jesucristo, xcha' ri ánge^l.

²¹Can xe xcac'axaj re' ri apóstoles, nimak'a' yan ruca'n k'ij xebe ri pa rachoch ri Dios, y yequitijoj c'a ri vinek.

Y chupan c'a ri hora ri', juc'an chic, ri nimalej sacerdote y ri rachibil xequitek c'a coyoxic ri rijita'k tak achil'a' ri c'o quik'ij. Y can conojel c'a ri achil'a' ri pa comon yek'aton tzij xquimol-qui'. Y c'ari' xquitek quic'amic ri apóstoles ri ec'o pa cárcel. ²²Pero tok ri jusol achil'a' chajinela' ri e takon-el xe'apon chuchi-cárcel y xe'oc-apo richin yebequic'ama-pe, xquitz'et chi xa man jun c'o ri chiri'. Can jac'ari' xetzolej, y xbequiya' rutzijol.

²³Y xbequibij c'a: Ri pa cárcel man jun chique rije' c'o. C'a ja na roj ri xojbejakon, pero xa man jun ri c'o chiri'. Ri cárcel can jebel rutz'apexic banon can, y ri chajinela' ec'o ri chiri' chuchi-cárcel, yechajin, xecha'.

²⁴Ri nimalej sacerdote, ri achin uc'uey quichin ri chajinela' ri richin pa rachoch ri Dios, y ri principal-i' tak sacerdotes, tok xcac'axaj ri xbequibij ri chajinela' chique, man niquil ta c'a achique niquich'ob, y romari' niqubila' c'a chiquivech: ¿C'a acuchi c'a xtapon-vi re'? yecha'.

²⁵Y jac'ari' tok c'o c'a jun ri xapon chiri' quiq'uin ri quimolon-qui', y xberubij chique: Ri achil'a' ri xe'iya' pa cárcel, ye'ajin chiquitijoxic ri vinek chiri' pa rachoch ri Dios, xcha'.

²⁶Y can jac'ari' tok ri achin ri uc'uey quichin ri chajinela' y ri chajinela' xebe chiquic'amic ri apóstoles. Pero chi utzil c'a xequiq'uen-pe, roma rije' niquixibij-qui' chi yec'ak chi abej coma ri vinek. ²⁷Y tok ri achil'a' ri xebe chiquic'amic ri apóstoles, xe'oka' y e quic'amon-pe, can choj c'a xebequipaba' chiquivech ri achil'a' ri can pa comon yek'aton tzij. Y ri nimalej sacerdote xubij c'a chique ri apóstoles: ²⁸Roj kabin-el chive chi man chic tiya' ri tijonic chirij ri Jesús chique ri vinek.^a Pero vacami re tinamit Jerusalem nojinek chic riq'uin ri itijonic, y nik'alajin c'a jebel chi chikij roj nivajo' niya-vi ri rucamic ri jun achin xubini'aj Jesús,^b xcha'.

²⁹Pero ri Pedro y ri ch'aka' chic apóstoles xquibij c'a apo chique: Nic'atzin chi ja ri nubij ri Dios ri nikanimaj, y man ja ta ri nicajo' ri vinek.^c ³⁰Roma ri xbanon chire ri Jesús richin xc'astej-el, ja ri Dios,^d ri Dios

x Lc. 21:12. y Sal. 34:7; He. 1:14. z Jn. 6:68; 17:3. a Hch. 4:18. b Mt. 27:25; Hch. 2:23; 3:15; 7:52. c Hch. 4:19; Ga. 1:10. d Hch. 2:24.

kichin roj y quichin chuka' ri kati't-kamama'. Pero rix xicamisaj tok xibij chi tibajix chuva ri cruz. ³¹Y ri Dios chuka' xunimirisaj c'a ruk'ij ri Jesús, riq'uin ri xutz'uyuba-apo pa rajquik'a',^e y xuben chire chi ja rija' ri nuc'uan kichin y ri nicolon^f kichin chuka', richin queri' nuya' k'ij chike roj israelitas richin nitzolin kac'u'x riq'uin ri Dios y nicuyutej kamac. ³²Y ronojel re' kitzij, y can ja roj xojtz'eton, romari' nikatzijoj. Y ri Lok'olej Espíritu chuka' ruchapon c'a ruk'alajirisaxic^g chi can kitzij vi. Konojel c'a ri vojniman rutzij ri Dios, can ruyo'on c'a ri Lok'olej Espíritu chike, xecha'.

³³Y tok ri achi'a' ri can yek'aton tzij pa comon xcac'axaj ri xquibij ri apóstoles, xyacatej c'a coyoval y xquich'ob chi yequicamisaj. ³⁴Pero ri chiquicojol c'a ri achi'a' ri can pa comon yek'aton tzij, c'o c'a jun achin ri cachibil ri fariseos, y re achin c'a re' rubini'an Gamaliel. Rija' jun tijonel richin ri ley richin ri Moisés, y janíla c'a chuka' ruk'ij chiquivech ri vinek. Re achin re' xpae' c'a, y xubij chi que'elesex-el juba' ri apóstoles ri chiri'. ³⁵Y c'ari' xch'on c'a chique ri rachibil, ri achi'a' ri can pa comon yek'aton tzij y xubij c'a chique: Nuvinak, tich'obo' c'a jebel achique ri xtiben chique re achi'a' re'. ³⁶Roma toka' chi'ic'u'x tok xbec'ulun-pe ri jun achin xubini'aj Teudas. Re Teudas re' xubij chi rija' jun achin janíla ruk'ij, y ec'o la'ek jun caji' ciento achi'a' ri xe'achibilan richin. Y tok xcamisex, conojel ri xeniman rutzij xetalutej y xeq'uis. ³⁷Y chirij re', tok xbanatej ri tz'iban bi'aj, xbec'ulun-pe chuka' jun chic achin ri rubini'aj Judas. Re jun achin re' aj-Galilea, y rija' xtiquir c'a xuben chi e janíla e q'uiy vinek ri xetzekelben richin. Y tok xcamisex c'a chuka' re Judas re', conojel ri xeniman rutzij, xetalutej. ³⁸Y roma c'a ri' ninbij chive chi que'ya' can re achi'a' re'. Roma vi xa quich'obonic vinek ri ye'ajin chubanic, rije' xqueq'uis.^h ³⁹Pero vi richin ri Dios, man jun c'a xquixtiquir xtiben richin nichup.ⁱ Tichajij-ivi' jebel, man xa tec'ulun-pe chi rix yixajin chi oyoval riq'uin ri Dios, xcha'.

⁴⁰Y conojel xka' chiquivech ri xubij ri achin rubini'an Gamaliel. Y c'ari' xquibij chi ye'uc'uech chic apo ri apóstoles. Y tok ri apóstoles ec'o chic chiri', xech'ay y xbix chic el chique chi man chic tiquitzijoj ri Jesús chique ri vinek.^j Y c'ari' xquiya-el k'ij chique richin xebe. ⁴¹Y tok ri apóstoles xe'el-el ri chiri' chiquivech ri achi'a' ri can pa comon yek'aton tzij, niquicot c'a ri cánima xebe, roma ri Dios ruyo'on k'ij chique richin chi niquic'ovisaj tijoj-pokonal^k roma ri rubi' ri Jesús, chi q'uiy ri niban y nibix chique. ⁴²Y rije' can man c'a niquiya' ta can rutzijoxic ri Jesucristo. Can ronojel k'ij niquic'ut y niquitzijoj ri Jesucristo, ri pa rachoch ri Dios y chi tak jay.

Tok ri nabey tak kach'alal xequicha' e vuku' diáconos

6 ¹Chupan c'a ri tiempo ri', ri kach'alal quichapon yeq'uiyer. Y c'o c'a sujunic quichin ri kach'alal ri yech'on griego chiquij ri kach'alal yech'on hebreo. Ri kach'alal ri yech'on griego niqubij c'a chi ri malcani'a'

e He. 12:2. f Mt. 1:21; Ef. 1:7; Col. 1:14; He. 2:10. g Jn. 15:26, 27. h Pr. 21:30. i Hch. 9:5. j Hch. 4:18. k Mt. 5:12; Ro. 5:3.

tak ixoki' ri ec'o chiquicojol niban chique chi juba' oc quejkalen tok niban ri jachoj-cosas¹ ri richin k'ij-k'ij. ²Roma c'a ri' ri cablajuj apóstoles xequimol c'a conojel kach'alal, y xquibij chique: Man c'a rue'amon ta chi roj nikamaliy can ri ruk'alajirisaxic ri ruch'abel ri Dios, richin ja rix yixkilij. ³Vacami c'a kach'alal, que'icha-pe vuku' achi'a' ri chi'icojol, achi'a' ri can etaman chi choj ri quic'aslen, c'o etamabel quiquin y nojinek ri cánima riq'uin ri Lok'olej Espíritu, richin queri' jari' ri xquekaya' chuech ri jachoj-cosas. ⁴Y roj can xtikaben-vi ri samaj achi'el ri kabanon-pe. Jantape' xtikaben orar, y xtikak'alajirisaj ri ruch'abel ri Dios,^m xecha' chique.

⁵Y can conojel kach'alal xka' chiquivech ri xbij chique coma ri apóstoles, y xequicha' c'a ri e vuku' achi'a'. Ri jun c'a ri xquicha' rubini'an Esteban, y re' jun achin ri can jebel vi cukul ruc'u'x riq'uin ri Dios y nojinek ránima riq'uin ri Lok'olej Espíritu. Xequicha' chuka' ri achi'a' quibini'an Felipe, Prócoro, Nicanor, Timón, Parmenas y ri Nicolás ri aj pa tinamit Antioquía. Re achin re rubini'an Nicolás man israelita ta, pero can nunimaj c'a ri nubij ri ley ri richin ri Moisés, y can quiquin c'a ri israelitas c'o-vi tok c'a man janí runiman ta ri Jesucristo chiri'. ⁶Y jac'a vuku' achi'a' re' ri xebepabex chiquivech ri apóstoles. Xepe ri apóstoles xquiben c'a orar, y c'ari' xquiya' quik'a' pa quivi^m ri achi'a' ri', richin tik'alajin chi jari' niquichop ri quisamaj.

⁷Y ri ruch'abel ri Dios riq'uin ruchuk'a' benek, y yeq'uiyer c'a chuka' ri nimanela' ri chiri' pa tinamit Jerusalem. Y e janíla c'a chuka' chique ri sacerdotes ri yeniman.

Tok xchap ri Esteban

⁸Ri Esteban jun achin ri can c'o c'a ri ruchuk'a' ri Dios riq'uin, y can c'o chuka' ri rutzil ri Dios riq'uin. Romari' tok c'o milagros ri man jun bey e tz'eton ta, ri yerubanala' chiquivech ri vinek, richin queri' tik'alajin chi rija' can kitzij vi ri nuk'alajirisaj. ⁹Pero ec'o vinek ri xebeyacatej-pe y xquichop-qui' riq'uin ch'abel riq'uin ri Esteban. Re vinek c'a re' e richin jun jay ri can richin vi nitzijox ri ruch'abel ri Dios, ri quichin ri lok'on tak samajela' e colotajinek chic pe nibix chire. Y quichin chuka' ri vinek aj-Cirene, aj-Alejandría, aj-Cilicia y aj pan Asia. ¹⁰Y roma ri Esteban can ja ri Lok'olej Espíritu ri xyo'on etamabel chire, romari', tok rija' xch'on, ri vinek ri e yacatajinek chirij xa man xetiquir ta riq'uin.^o ¹¹Roma c'a ri' xequitoj ch'aka' vinek richin queri' tiquibij chi xcac'axaj chi ri Esteban itzel xch'on chirij ri ley richin ri Moisés y chirij chuka' ri Dios. ¹²Can xquiya' c'a quina'oj ri rijita'k achi'a' ri c'o quik'ij, ri etamanela' chirij ri ley y ri vinek, richin xebeyacatej c'a pe chirij ri Esteban. Xbequichapape, y xquic'uaj chiquivech ri achi'a' ri can pa comon yek'aton tzij. ¹³Y xequic'uaj c'a achi'a' richin chi niqutz'uc tzij chirij ri Esteban, y ri achi'a'

1 Hch. 4:35. m Hch. 2:42. n Hch. 13:3; 1 Ti. 4:14. o Is. 54:17; Lc. 21:15.

ri' niqubij c'a: Re jun achin re' man nitane' ta c'a juba' richin nubij itzel chirij re lok'olej rachoch ri Dios y chirij ri ley richin ri Moisés. ¹⁴Roma kac'axan c'a chi nubila' chi ri Jesús aj-Nazaret xtuvulaj re rachoch ri Dios, y chi xtujel-el ronojel ri rubin can ri Moisés ri nic'atzin chi tikabana'.^p

¹⁵Y jac'ari' tok ri achi'a' ri pa comon yek'aton tzij y e tz'uyul ri chiri', xquitzu-xquitzu' ruvech ri Esteban. Y jari' tok xquitz'et chi xjalatej ruvech, xoc achi'el titzu'un jun ángel.

Tok ri Esteban paban c'a apo chiquivech ri yek'aton tzij pa ruvi'

7 ¹Y ri nimalej sacerdote xuc'utuj c'a chire ri Esteban: ¿Kitzij c'a ri c'ari' nibix-ka chavij?

²Ri Esteban xubij: Nuvinak israelitas y rix ri principal-i' chupan re katinamit, tivac'axaj na c'a re xtinbij chive re vacami: Ri Dios ri c'o ruk'ij-ruc'ojlen, xuk'alajirisaj-ri' chuvech ri katata' Abraham. Y ri' ja ri ojer can, tok c'a c'o na c'a ri chiri' chupan ri lugar rubini'an Mesopotamia, tok c'a man jani rutzijol chi nec'oje' ta ri pan Harán.^q ³Jari' tok ri Dios xubij chire ri Abraham: Catel-pe chiquicojol ri avach'alal, y taya' can ri aruvach'ulef, y xcabec'oje' c'a pa jun ruvach'ulef ri xtinc'ut chavech,^r xcha' ri Dios chire. ⁴Y ri Abraham can xuya-vi c'a can ri Caldea ri lugar ri c'o-vi,^s y xk'ax ri pan Harán. Y caminek chic c'a can ri rutata' ri Abraham ri chiri' pan Harán, tok ri Dios xuq'uen c'a pe ri Abraham chupan re ruvach'ulef Canaán re ojc'o-vi vacami. ⁵Y ri Dios can man jun c'a ulef xuya' ta can chire ri Abraham chupan re ruvach'ulef re', stape' ta xaxe richin nipa'e-vi. Can man jun vi ri xrichinaj can. Pero ri Dios can xusuj-vi c'a chire chi re ruvach'ulef re' xtoc richin rija' y quichin ri riy-rumam.^t Quere' xubij ri Dios chire ri Abraham, stape' man jun ralc'ual chiri'. ⁶Y xbix c'a chuka' chire roma ri Dios, chi ri riy-rumam rija' xquebec'oje' c'a pa jun chic ruvach'ulef quiq'uin jun vi chic quivech vinek. Y ri vinek ri' xquequiya' pa samaj y xtiquiben chique chi xtiquitej pokon caji' ciento juna'.^u ⁷Y ri Dios xubij c'a chuka' chi ri vinek ri xquebanon queri' chique ri riy-rumam ri Abraham, xtuya' c'a ruca'yeval pa quivi'. Y c'ari' c'a xque'el-pe^v chiquicojol ri vinek ri', y xquepe chupan re lugar re', chinusamajixic y chuya'ic nuk'ij, xcha'. ⁸Y ri Dios can xuben c'a chuka' jun trato riq'uin ri Abraham. Ri trato ri' can c'o c'a jun retal. Y ri retal ri trato ri', can jac'a ri circuncisión ri niban chique ri achi'a'.^w Y tok ri Abraham xalex ri ruc'ajol xubini'aj Isaac, xuben c'a ri circuncisión chire tok xa c'ari' vakxaki' ruk'ij.^x Que chuka' ri' xuben ri Isaac tok xalex ri Jacob ri ruc'ajol.^y Y ja chuka' xuben ri Jacob quiq'uin ri cablajuj ruc'ajol^z ri xe'oc tata'aj richin re tinamit Israel.

p He. 8:13; 9:1-28; 10:1-39. **q** Gn. 11:31. **r** Gn. 12:1. **s** Gn. 11:31; He. 11:8. **t** Gn. 12:7; 13:15; 17:8. **u** Gn. 15:13; Ex. 12:40. **v** Gn. 15:14; Ex. 3:12. **w** Gn. 17:9-12. **x** Gn. 21:2-4. **y** Gn. 25:26. **z** Gn. 29:31-35:18.

⁹Y ri ch'aka' c'a ruc'ajol ri Jacob itzel c'a xquina' chire ri quichak' rubini'an José, roma can ja rija' ri más najovex.^a Y romari' tok xquic'ayij-el, y xuc'uex-el c'a pan Egipto. Jac'a ri Dios can c'o-vi riq'uin ri José,^b ¹⁰y xucol chuveh ronojel tijoj-pokonal. Xuben c'a chire chi ri Faraón ri rey richin ri ruvach'ulef Egipto utz xutz'et y xutz'et chuka' chi c'o etamabel riq'uin. Y romari' ri rey xuben chi ri José xoc chuka' jun k'atoy-tzij pa ruvi' ri Egipto, y pa ruk'a' chuka' rija' xujech-vi ri rupan ri rachoch richin nuchajij.^c

¹¹Y ri tiempo ri' ri pan Egipto y pa Canaán, xpe c'a jun vayjal, jun nimalej tijoj-pokonal. Y ri kati't-kamama' ri ec'o pa Canaán man c'a niquil ta chic achique niquitej. ¹²Y ri Jacob ri rutata' ri José, xapon rutzijol riq'uin chi ri chiri' pan Egipto c'o trigo. Romari' xerutek c'a el chulok'ic trigo ri ruc'ajol,^d ri e kati't-kamama' roj. ¹³Y jac'a tok xebe chic jun bey, jac'ari' tok ri José xuk'alajirisaj-ri' chiquivech ri rach'alal chi ja rija' ri José.^e Y roma ri Faraón xretamaj e achique ri rach'alal ri José, romari' xretamaj chi can jun hebreo vi. ¹⁴Y jac'ari' tok ri José xutek quic'amic ri Jacob ri rutata'^f y ri rach'alal. E setenta y cinco chiconojel.^g ¹⁵Y que c'a re' rubanic tok xxule-ka ri Jacob pan Egipto. Chiri' xquen-vi (xcom-vi) rija'^h y ri e ruc'ajolⁱ ri e kati't-kamama' roj. ¹⁶Pero ri quich'acul,^j pa jun lugar rubini'an Siquem, chiri' xemuk-vi. Xemuk pa jun xoral, ri acuchi can c'o c'o'jlibel richin yebemuk-vi can caminaki'. Re jun xoral re', can jac'a ri Abraham ri lok'oyon can chique ri e ralc'ual ri achin rubini'an Hamor.

¹⁷Y ri k'ij c'a richin nibanatej ri rusujun ri Dios chire ri Abraham,^k ri can xuben jurar chire chi can nuben-vi, xa can nakaj chic c'o-vi. Y ri tinamit Israel chuka' can ruchapon c'a ninimer y niq'uiyer ri chiri' pan Egipto. ¹⁸Y jac'a tiempo ri' tok ri chiri' pan Egipto xoc c'a can jun c'ac'a' rey ri xa man xretamaj ta el ruveh ri José.^l ¹⁹Y re c'ac'a' rey re' can novinek c'a chubanic ri etzelal chique ri kavinak israelitas. Y xuben c'a chique chi xquic'ovisaj tijoj-pokonal ri kati't-kamama', tok can xuben c'a chique chi ri calc'ual xa c'a calaxic xebetrix can,^m roma can xrajo' chi man ta xeq'uiyer. ²⁰Chupan c'a ri tiempo ri' xalex ri Moisésⁿ ri chiri' chuka' pan Egipto. Y chuveh ri Dios, re ac'ual re' yalan jebel. Oxi' c'a ic' ri xilix coma ri rute-rutata'. ²¹Y c'ari', can c'o c'a chi xbemalix can pa ruvi' ri raken-ya', xbequiya' c'a can pa ruk'a' ri camic. Pero ri xuc'uan-el ri ac'ual jac'a ri rumi'al ri rey, ri rey ri can nibix chuka' Faraón chire. Ri rumi'al ri rey Faraón can achil'el ral c'a xuben chire ri Moisés.^o ²²Y roma c'a ri' ri Moisés can xtijox-vi jebel riq'uin ronojel ruveh etamabel ri c'o quiq'uin ri nima'k tak vinek aj-Egipto. Y can jun nimalej achin vi. Y nik'alajin tok c'o nubij y tok c'o nuben.

a Gn. 37:4. b Gn. 39:2, 3. c Gn. 41:37-40. d Gn. 42:1-3. e Gn. 45:1-4. f Gn. 45:9. g Gn. 46:27; Dt. 10:22. h Gn. 49:33. i Ex. 1:6. j Ex. 13:19. k Gn. 15:13-16. l Ex. 1:8. m Ex. 1:22. n Ex. 2:2; He. 11:23. o Ex. 2:3-10; He. 11:24.

²³Jac'a tok ri Moisés rutz'akatisan chic cavinek rujuna', xalex pa ránima richin xbe chiquitz'etic ri ruvinak israelitas. ²⁴Y xutz'tet c'a chi jun aj-Egipto janíla c'a nuben chire jun israelita, ruvinak rija'. Y richin nuto' ri ruvinak ri' y nuben ruq'uexel chire, xucamisaj ri achin ri',^p ri janíla nuben. ²⁵Y pa ruc'u'x rija' chi ri e ruvinak israelitas xtiquinabej chi ja rija' ri takon roma ri Dios richin yerucol-el pa quik'a' ri aj-Egipto, pero xa man que ta ri' xbanatej. Ri israelitas xa man xquinabej ta chi jari' ri rusamaj. ²⁶Y pa ruca'n k'lij, ec'o c'a e ca'i' vinek israelitas niqubén oyoval, y ri Moisés xapon c'a apo quiquin, y xrajo' ta xoc chiquicojol richin chi man ta niqubén oyoval. Romari' rija' xubij chique: ¿Achiq'ue c'a roma niben oyoval? Rix can ivach'alal ivi'. Ix israelitas chi ix ca'i', xcha' chique. ²⁷Jac'a ri jun chique ri niqubén oyoval, ri can nic'o ruvi' nuben, xunim ri Moisés, y xubij: ¿Achiq'ue xbin chave rat chi nim ak'lij y chi yatiquir chuka' nak'et tzij pa kavi'? ²⁸¿O xa navajo' yinacamisaj, achi'el xaben chire ri jun achin aj vave' pan Egipto,^q ri ivir? xcha'. ²⁹Y tok ri Moisés xrac'axaj queri', c'a juba' ri' xanmej-el y xuya' c'a can ri Egipto y xbe c'a pa jun chic ruvach'ulef ri rubini'an Madián.^r Y ri chiri', chiquicojol vinek ri man e israelitas ta, chiquicojol ri' xc'oje-vi. Chiri' xc'ule-vi chuka', y xec'oje' e ca'i' ruc'ajol.

³⁰Y k'axinek chic c'a cavinek juna' tic'oje' ri Moisés ri chiri' pa Madián, jari' tok rija' xuc'ut-ri' jun ángel' chuveh pa jun ruxulu-quiej, jun k'ayis ri c'o ruq'uixal y nijinon pa k'ak'. Re' xutz'tet ri pa tz'iran ruvach'ulef, ri acuchi c'o-vi ri juyu' rubini'an Sinaí. ³¹Y tok ri Moisés xutz'tet re', xsach ruc'u'x. Y richin nutz'tet jebel, xjel-apo. Pero jari' tok xbech'on-pe ri Ajaf chire, y xubij c'a: ³²Ja yin ri Dios ri xquinimaj ri avati't-amama'. Ja yin c'a ri qui-Dios ri Abraham, ri Isaac y ri Jacob,^t xcha'. Y ri Moisés man c'a xtiquir ta chic xtzu'un-apo, xa nibaybot c'a (nibarbot c'a) roma xibinri'il. ³³Y ri Ajaf xubij c'a chuka' chire ri Moisés: Tavelesaj la axajab chi'avaken, roma la acuchi at pa'el-vi, can jun lok'olej lugar, roma can in kajinek-pe aviquin vave'.^u ³⁴Y vacami yatintek c'a el pan Egipto, chucolic ri nutinamit, roma nintz'tet c'a chi janíla pokonal niquic'ovisaj, y vac'axan chuka' ri ok'ej ri niqubén, y jac'are' xika-pe chiquicolic, xcha' ri Ajaf chire ri Moisés.

³⁵Y ri Esteban xubij c'a chuka': Can ja ri Dios ri xtakon-el ri Moisés chiquicolic ri ruvinak, y chi can ja chuka' rija' ri nuc'uan quichin. Y ri xto'on richin ri Moisés, ja ri ángel' ri xuc'ut-ri' chuveh chupan ri ruxulu-quiej, jun k'ayis c'o ruq'uixal y nic'at. Y re Moisés re', jare' ri xetzelex coma ri ruvinak, y achok che bin-vi: ¿Achiq'ue biyon chave chi nim ak'lij y yatiquir chuka' nak'et tzij pa kavi'? Ja Moisés re' ri xtak-el roma ri Dios. ³⁶Jac'a rija' ri xcolon-pe quichin ri kati't-kamama' ri chiri' pan Egipto.^w Rija' c'o c'a milagros ri man jun bey e tz'eton ta ri xerubanala' chiquivech ri vinek, richin queri' tik'alajin chi can ja ri Dios ri takayon-el richin. Ec'o c'a ri xerubanala' ri chiri' pan Egipto,^x ri pa nimalej ya' rubini'an Mar Rojo,^y

p Ex. 2:11, 12. **q** Ex. 2:13, 14. **r** Ex. 2:15; 4:19, 20. **s** Ex. 3:2; Is. 63:9. **t** Ex. 3:6; Mt. 22:32. **u** Ex. 3:5; Jos. 5:15. **v** Ex. 14:19; Nm. 20:16. **w** Ex. 12:41; Dt. 6:21. **x** Ex. 7-11. **y** Ex. 14.

y ri pa tz'iran ruvach'ulef.^z Cavinek c'a juna' xquiben ri pa tz'iran ruvach'ulef ri'.
³⁷Y ri Moisés xubij c'a chuka' chique ri kavinak ri tiempo ri'. Ri Kajaf Dios xtuyec
 c'a pe jun ri xtik'alajirisan ri ruch'abel chique ri kiy-kamam, can achi'el rubanon
 viq'uin yin. Tivac'axaj c'a rutzij ri rusamajel ri Dios. Y ri samajel ri' jun kavinak,^a
 cha'inek can ri Moisés. ³⁸Ri Moisés xc'oje' c'a chiquicojol ri e cha'on roma ri Dios,
 ri pa tz'iran ruvach'ulef. Y ja chuka' rija' ri xbin chique ri kati't-kamama' ri tzij ri
 xubij ri ángel^b richin ri Dios ri xc'oje' pa ruvi' ri juyu' Sinaí.^c Can chire vi c'a rija'
 xjach-vi ri ch'abel richin c'aslen y rija' tuya' chike roj.

³⁹Xa ja chic c'a ri kati't-kamama' ri' man xeniman ta chire ri Moisés.
 Pa ruq'uexel chi xeniman ta chire, ri cánima rije' chanin xtzolin c'a chila'
 pa ruvach'ulef Egipto. ⁴⁰Y tok ri Moisés c'a c'o c'a pa ruvi' ri juyu' Sinaí,
 xquibij c'a chire ri Aarón: Que'abana' c'a vachibel richin ye'oc ka-dios,
 y jari' ri ye'uc'uan kichin. Roma ri Moisés ri xelesan-pe kichin ri pan
 Egipto, man ketaman ta achique roma tok man tzolijinek ta pe.^d ⁴¹Y can
 xquiben c'a ruvachibel jun ti váquix. Y janfla c'a yequicot riq'uin ri xa
 ja rije' ri xebanon-ka. Romari' xequicamisala' c'a chicop chuvech, richin
 niquiya' ruk'ij. ⁴²Y jac'ari' tok ri Dios xeruya' can^e ri kavinak, roma rije'
 xa xquichop niquiya' quik'ij dios ri man e kitzij ta. Ri Dios xuya' c'a k'ij
 chique chi tiquiya' na c'a quik'ij quivachibel conojel ri e tz'etel ri chicaj.^f
 Can que c'a ri' quitz'iban can ri achi'a' ri xek'alajirisan ri ruch'abel ri Dios
 ojer can. Chupan ri e tz'ibatel can, ri Dios nubij c'a:

Rix vinek aj-Israel, tok xixbiyin cavinek juna' ri pa tz'iran ruvach'ulef,
 ¿xe'icamisala' cami ri chicop richin xe'isuj chuve yin? Xa man xiben
 ta queri'.

⁴³Pa ruq'uexel chi que ta ri' xiben, xa xe'itelela' ruvachibel ri rachoch
 ri dios Moloc,
 ri ruvachibel ri ch'umil, ri i-dios rubini'an Renfán.
 Y ja vachibel ri' ri xe'ibanala' rix, richin xiya' quik'ij.
 Roma c'a ri' yin, xcha' ri Dios, xtinben chive chi yixbec'oje' c'a más
 quela' chire ri Babilonia.^g

Queri' nubij chupan ri e tz'ibatel can coma ri rusamajela' ri Dios.

⁴⁴Y tok ri kati't-kamama' xebiyin ri pa tz'iran ruvach'ulef, can jantape' c'a
 quic'uan ri rachoch ri Dios banon riq'uin tziek, y chiri' c'a nuk'alajirisaj-vi-ri' ri
 Dios chiquivech. Ri rachoch ri Dios ri', can achi'el c'a ri xrajo' ri Dios, can queri'
 rubanic xban chire, roma ri Dios can xuc'ut-vi chuvech ri Moisés ri rubanic nrajo'
 chi niban chire.^h ⁴⁵Y ja rachoch ri Dios ri' ri quic'amon-pe ri kati't-kamama' tok
 xe'oc-pe chupan re ruvach'ulef re', tok e c'amon-pe roma ri Josué.ⁱ Y xec'oje' c'a ka
 vave', tok quichapon chic yequich'ec ri vinek ri ec'o chupan re ruvach'ulef re'. Can

z Ex. 16:1-36; 17:1-7; Nm. 9:15-23. a Dt. 18:15. b Is. 63:9; Ga. 3:19; He. 2:2. c Ex.
 19:1-3; Jn. 1:17. d Ex. 32:1. e Ro. 1:24; 2 Ts. 2:11. f Dt. 17:3. g Am. 5:25-27. h Ex.
 25:40; He. 8:5. i Jos. 3:14.

jac'a ri Dios xto'on quichin. Y ri rachoch ri Dios ri quic'amon-pe tok xe'oka', can c'a jari' ri c'o pa ru-tiempo ri rey David. ⁴⁶Y re rey re' can ruc'ulun-vi c'a ri rutzil ri Dios chupan ri ruc'aslen. Romari' tok rija' xuc'utuj c'a utzil chire ri Dios chi tuya' k'ij chire richin chi nuben jun rachoch,^j ri Dios ri can ru-Dios vi ri kamama' Jacob chuka'. ⁴⁷Pero man ja ta c'a ri rey David ri xbanon ri jay. Xa c'a ja ri Salomón ri ruc'ajol ri rey David, jari' ri xbanon ri rachoch ri Dios. ⁴⁸Pero chuka' man can ta nic'atzin chi c'o ta jun jay ri nic'oje-vi ri nimalej Dios.^k Romari' c'o ri jun achin ri xk'alajirisan ri ruch'abel ri Dios ojer can, rutz'iban can: ⁴⁹Ri Ajaf Dios nubij c'a:

Jac'a ri caj ri nutz'uyubal,
y ri ruvach'ulef nupalibal.

¿Achique c'a rubanic chi jay niben rix richin noc vachoch?

¿Y acuchi c'o-vi ri lugar ri niben rutzil richin yinuxlan?

⁵⁰ ¿Rix nibij chi nic'atzin jun jay chuve richin chi yic'oje' chupan?

Manek. Xaxe na pe' toka' chi'ic'u'x chi ja yin ri xibanon ronojel.^l

Queri' nubij ri rutz'iban can ri rusamajel ri Dios.

⁵¹Y ri Esteban xubij c'a chuka' chique: Rix covirinek^m ri ivánima chupan ri etzelal, roma man nivajo' ta nivac'axaj ri nubij ri Dios chive, ni man niya' ta chuka' k'ij richin noc ri pa tak ivánima, y man jun bey nivajo' chi ja ta ri Lok'olej Espíritu ri nuc'uan ivichin. Y can achi'el xquibanala' ri ojer tak kati't-kamama', can que c'a chuka' ri' niben rix re vacami. ⁵²¿C'o ta cami jun chique ri k'alajirisey ruch'abel ri Dios ojer can, ri man ta xutej pokon pa quik'a' ri kati't-kamama'?'ⁿ Man jun. Ri kati't-kamama' xequicamisaj c'a ri xebin chi ri Cristo ri can choj, xtipe na vi. Y tok can xoka' c'a ri Cristo, ja chic c'a rix ri xixjachon richin, y xic'utuj chi ticamisex.^o ⁵³Y ri ley ri xuya' ri Dios chire ri Moisés, can ángeles c'a ri xebin chire.^p Y jac'a ley re' ri ic'ulun rix. Y stape' can ángeles ri xebin, rix man ninimaj ta, xcha' ri Esteban.

Tok ri Esteban xcamisex

⁵⁴Y tok ri achi'a' ri can pa comon yek'aton tzij xcac'axaj ri xubij-ka ri Esteban, xyacatej c'a coyoval, y can niquikach'ach'ela' c'a quey chirij ri Esteban roma itzel xquina' chire. ⁵⁵Pero ri Esteban can jun achin c'a ri nojinek ránima riq'uin ri Lok'olej Espíritu. Romari', tok rija' xtzu'un ri chicaj, xutz'et c'a ri ruk'ij-rucojlen ri Dios, y xutz'et chuka' ri Jesús pa'el-apo pa rajquik'a' ri Dios.^q ⁵⁶Y can jac'ari' tok xubij: Yin nintz'et chi la caj jakel y nintz'et ri Jesús ri xo'alex-ka chikacojol c'o-apo pa rajquik'a' ri Dios, xcha'.

⁵⁷Y ri vinek c'a ri ye'etzelan richin ri Esteban, xaxe richin chi man nicac'axaj, xquitz'apela' c'a pa tak quixiquin. Re vinek c'a re' can janíla c'a pa quichi' xquiben tok xebe chirij ri Esteban richin xbequic'ama-pe. ⁵⁸Y xquelesaj c'a el c'a chuchi' ri tinamit, y xquichop ruc'akic chi abej richin niquicamisaj. Y ri xetz'ucun c'a tzij chirij ri Esteban xquisovila' can ri quitziak riq'uin ri jun

j 1 R. 8:17. k 2 Cr. 2:6. l Is. 66:1, 2. m Is. 48:4. n 2 Cr. 36:16. o Hch. 3:14, 15; 1 Ts. 2:15. p Ga. 3:19. q Sal. 110:1; He. 9:24.

ala' rubini'an Saulo, richin queri' utz yec'akon. ⁵⁹Y ri Esteban xuben c'a orar tok chapon ruc'akic chi abej, y nubij c'a: Vajaf Jesús, tac'ulu' c'a ri vánima.

⁶⁰Y jac'ari' tok rija' xxuque', y can riq'uín c'a ruchuk'a' xch'on y xubij: Vajaf, man c'a taben chique chi niquejkalej re niquiben chuve,' xcha'.

Y can xe c'a xubij quere', xquen (xcom).

Ri Saulo xuchop c'a yeruya' pa tijoj-pokonal ri kach'alal

8 ¹Ri Saulo can xka' chuveh chi ri Esteban xcamisex. Y ri chiri' pa Jerusalem, jac'a k'ij ri' tok xtiquir can chiquij ri yeniman ri Jesucristo chi janíla ye'etzelex y niban chique chi niquitej pokon. Ri apóstoles c'a xec'oje' na can chiri' pa Jerusalem. Jac'a conojel ri ch'aka' chic kach'alal xetalutej,^s roma ec'o xebe pa ch'aka' chic tinamit ri chiri' pa Judea, y ri ch'aka' chic xebe c'a pa Samaria. ²Y ri Esteban xmuk y xok'ex janíla coma juley achi'a' ri can c'o-vi c'a Dios pa cánima. ³Y ri Saulo janíla c'a nuben chique ri kach'alal. Can e ruyo'on-vi c'a pa tijoj-pokonal,^t roma can chi jujun chi jujun ri jay noc-vi richin yeberesala-pe, y chi ixoki' y chi achi'a' yeberukirela-pe y c'ari' nutek c'a quitz'apexic pa tak cárcel.

Ri Felipe nutzijoj ruch'abel ri Dios pa Samaria

⁴Y ri kach'alal c'a ri ec'o pa Jerusalem, xetalutej-el. Rije' ronojel c'a lugar xe'apon-vi, yebiyaj richin nequitzijoj ri utzilej ch'abel richin colotajic.^u ⁵Y ri Felipe jun c'a chique ri kach'alal ri xebanon queri'. Rija' xapon c'a chupan jun tinamit ri c'o chiri' pa Samaria. Y tok c'o chic ri chiri', xuchop c'a rutzijoxic ri Cristo chique ri vinek e aj chiri'. ⁶Y can janíla c'a vinek ri niquimol-qui' riq'uín ri Felipe, richin nicac'axaj ri nubij, roma q'uiy ri milagros niquitzu' chi nubanala'. Can nik'alajin-vi c'a chi ja ri ruch'abel ri Dios ri nutzijoj.^v ⁷Can e q'uiy vi c'a vinek ri nrelesala-el itzel tak espíritu ri e oquinek quiq'uín. Y ri itzel tak espíritu ri' can riq'uín cuchuk'a' yech'on tok ye'elesex-el. Y ec'o c'a chuka' vinek ri man choj ta yebiyin, ri xa e jetz' yebiyin, y ri e siquirinek, xec'achojirisex c'a chuka' el roma ri Felipe.^w ⁸Roma c'a ri', ri vinek ri ec'o chiri' pa tinamit ri xapon-vi ri Felipe, janíla c'a yequicot.

⁹Pero chupan c'a chuka' ri tinamit ri', tok c'a man jani tapon ri Felipe, c'o jun achin aj-itz y rubini'an Simón. Can jebel c'a e ruk'olon^x ri vinek ri aj chiri' pa Samaria riq'uín ri yerubanala'. Rija' can nubila' c'a chuka' chique chi rija' jun vinek ri janíla ruk'ij. ¹⁰Y can conojel c'a vinek yeniman rutzij ri aj-itz ri', chi cocoj chi nima'k. Y ri vinek ri can yetzekelben richin, niquibila' c'a chirij ri aj-itz ri': Ri nimalej ruchuk'a' ri Dios can c'o-vi c'a riq'uín ri Simón, yecha'.

¹¹Y can q'uiy yan c'a tiempo jebel e ruk'olon ri vinek riq'uín ri itz ri yerubanala'. Romari' tok ri vinek can niquinimaj ri rutzij. ¹²Jac'a

r Lc. 23:34. s Hch. 11:19. t Fil. 3:6. u Hch. 11:19. v He. 2:4. w Mr. 16:17, 18; Jn. 14:12. x Ef. 4:14.

tok ri Felipe xapon chiri', ri vinek xquinimaj ri nutzijoj rija' chirij ri rubi' ri Jesucristo y ri utzilej ruch'abel ri Dios ri nich'on chirij tok ri vinek ye'oc pa rajavaren o pa ruk'a' ri Dios. Y can chi achi'a' y chi ixoki' xeban bautizar. ¹³Y chuka' ri Simón ri achin aj-itz, xunimaj ri ruch'abel ri Dios y xban bautizar. Re Simón re', can acuchi c'a benek-vi ri Felipe, can tzeketel c'a el chirij. Pero rija' can achi'el c'a nisach ruc'u'x tok yerutz'et ri nima'k tak milagros ri yerubanala' ri Felipe chiquivech ri vinek, richin queri' tiquetamaj chi can ja vi ri ruch'abel ri Dios nutzijoj.

¹⁴Y ri quiquin ri apóstoles ri chiri' pa tinamit Jerusalem' xoka' c'a rutzijol chi ri vinek ri ec'o pa Samaria quichapon c'a niqunimaj ri ruch'abel ri Dios. Romari' xequitek c'a ri apóstol Pedro y ri apóstol Juan chiquitz'etic. ¹⁵Y tok ri apóstoles xe'apon c'a, xquiben orar coma ri kach'alal ri ec'o chiri' pa Samaria, richin queri' nika-pe ri Lok'olej Espíritu^z ri pa quivi'. ¹⁶Y can c'a man jun c'a chique ri kach'alal ri' kajinek ta ri Lok'olej Espíritu pa ruvi', xa can c'a xe c'a e banon bautizar pa rubi' ri Ajaf Jesús.^a ¹⁷Y roma c'a ri' tok ri Pedro y ri Juan xquiya' quik'a' pa quivi' y xquic'ul c'a ri Lok'olej Espíritu.^b

¹⁸Y tok ri achin rubini'an Simón xutz'et chi nika-pe ri Lok'olej Espíritu pa quivi' ri vinek, tok ri apóstoles niquiya' quik'a' pa quivi', ri Simón xusuj c'a qui-mero, ¹⁹y xubij chique: Tibana' c'a chuve richin nic'oje' la uchuk'a' la' viq'uín, richin queri' tok ninya' c'a nuk'a' pa ruvi' xabachique vinek, xtuc'ul ta c'a chuka' ri Lok'olej Espíritu, xcha' chique.

²⁰Y ri Pedro xubij c'a chire ri Simón: C'a ta pa k'ak' xcabeka-vi, rachibilan ri a-mero, roma rat nach'ob chi riq'uín ri mero nalok' ri nusipaj ri Dios. ²¹Y chuka' rat man jun ak'a' chire re samaj re', roma ri avánima xa man choj ta chuka' chuvech ri Dios.^c ²²Y que'aya' c'a can ri xa man e utz ta ri ec'o pan avánima,^d titzolej-pe ac'u'x y tac'utuj c'a cuyubel amac chire ri Dios, roma chuvech rija' can man utz ta ri ch'obonic ri xpe pan avánima. ²³Y nintz'et c'a chi ri itzel c'a c'o na pan ac'aslen, y c'a at ruximon na, xcha' ri Pedro.

²⁴Pero ri Simón xubij c'a chique ri apóstoles: Tibana' c'a orar voma yin, y tic'utuj chire ri Ajaf Dios richin man c'a tinc'ulvachij ri achi'el ri xibij-ka chuvij.

²⁵Y tok ri apóstoles quitzijon y quik'alajirisan chic can ri ruch'abel ri Dios chique ri vinek pa jun tinamit chiri' pa Samaria, c'ari' q'uiy c'a tak tinamit ri ec'o chuka' chiri', ri xebe-vi. Rije' xebe richin xbequitzijoj ri utzilej ch'abel richin colotajic chique ri vinek. Y c'ari' xetzolin pa Jerusalem.

y Hch. 8:1. z Hch. 2:33. a Hch. 2:38. b Hch. 19:6. c Jer. 17:9. d Is. 55:7.

Ri Felipe y ri achin aj-Etiopía

26Y c'o c'a jun ángel richin ri Ajaf Dios ri xch'on riq'uin ri Felipe,^e y xubij c'a chire: Tachojmirisaj c'a el avi', roma c'o chi yabe chupan ri jun bey ri nel-el pa Jerusalem y nibe-ka pa xulan, c'a pa tinamit Gaza. Re bey re' jare' ri nik'ax ri pa tz'iran ruvach'ulef.

27Y ri Felipe can xuchojmirisaj na vi el ri', y xbe c'a. Y jac'a tok ruchapon-el bey, xutz'et c'a jun achin aj-Etiopía. Re achin c'a re' jun achin eunuco, y ja rija' ri c'o pa ruvi' ronojel ri rubeyomel ri jun ixok k'atoy-tzij pa ruvi' ri ruvach'ulef Etiopía, y rubini'an Candace. Ri achin c'a chuka' ri' jun k'atoy-tzij nisamej riq'uin ri Candace, y xpe ri pa Jerusalem richin xoruya' ruk'ij ri Dios.^f 28Y jac'ari' ruchapon-el tzolejen pa ruruvach'ulef, tz'uyul-el pa jun carruaje. Y rija' nusiq'uij c'a jun vuj ri benek, ri vuj ri tz'iban can roma ri Isaías, ri jun ri xk'alajirisan ri ruch'abel ri Dios ojer can. 29Y ri Lok'olej Espíritu xubij c'a chire ri Felipe chi tuk'i' ri carruaje ri acuchi benek-vi ri achin eunuco, y junan tibe riq'uin.

30Y tok ri Felipe ruk'i'on chic ri carruaje ri', xrac'axaj c'a chi ri achin benek chiri' jac'a ri vuj ri rutz'iban can ri Isaías ri rusamajel ri Dios, jari' ri nusiq'uij benek. Romari' ri Felipe xuc'utuj chire: ¿Nik'ax c'a chavach ri yatajin chusiq'uixic? xcha'.

31Pero ri achin ri' xubij: Xa man jun nibin chuve. ¿Achi'el ta c'a tok xtik'ax chinuvech?

Y ri achin ri' xubij c'a chire ri Felipe chi tijote-el, y titz'uye-el riq'uin.

32Ri ruch'abel ri Dios ri najin chusiq'uixic ri achin ri', jac'a ri nubij:

Xuc'uex c'a richin necamisex, achi'el nuc'uex jun carne'l.

Can achi'el c'a nuben ri alaj carne'l ri man nik'ajan ta tok nisoquex rij, que c'a chuka' ri' xuben rija', man jun xubij.

33Xquiben c'a chire chi man jun ruk'ij, y stape' man jun rumac, ja rija' ri xka' can chuxe' ronojel mac.

Y xapon c'a jun tiempo tok ri vinek xq'uiyer ri etzelal quiq'uin, y xquicamisaj.^g

Que c'a re' ri nubij chupan ri vuj ri rutz'iban can ri Isaías, ri jun ri xk'alajirisan ri ruch'abel ri Dios ojer can.

34Y ri achin eunuco xuc'utuj c'a chire ri Felipe: Tabana' utzil tabij chuve: ¿Achok chij c'a nich'on-vi ri rusamajel ri Dios re vave'? ¿Chirij ka rija' nich'on-vi, o chirij chic jun? xcha'.

35Ri Felipe, tok xu chop xch'on-apo, xutiquiriba' c'a el riq'uin ri mocaj ri tz'ibatel can roma ri Isaías, richin chi xch'on chirij ri utzilej ruch'abel ri Jesús ri nic'amon-pe colotajic.^h 36Jac'a tok xe'apon pa jun lugar ri c'o ya', ri achin eunuco xubij c'a chire ri Felipe: Vave' c'o ya'. ¿C'o ta cami ri nibanon chuve chi yin man ta utz chi yiban bautizar? xcha'.

e Hch. 8:5-13. f 1 R. 8:41; Sal. 68:31; Is. 43:6; 56:3-8. g Is. 53:7, 8. h Lc. 24:27; 1 P. 1:11, 12.

³⁷Y ri Felipe xubij c'a chire ri achin ri!: Vi can riq'uín ronojel avánima nanimaj ri Jesucristo, utz chi yaban bautizar,ⁱ xcha'!

Y ri achin can xubij c'a: Ja', ninnimaj chi ja ri Jesucristo ri Ruc'ajol ri Dios.

³⁸Y romari' ri achin xubij chi tipa'e' juba' ri carruaje. Y jari' tok xeka' che ca'i', y ri Felipe xuben c'a bautizar ri achin ri chiri' pa ya'. ³⁹Tok che ca'i' e elenek chic c'a pe ri chiri' pa ya', ri Felipe xuc'uex c'a el roma ri Lok'olej Espíritu richin ri Ajaf Dios. Y ri achin eunuco man chic c'a xutz'et ta ri Felipe, pero janíla quicoten ri xuchop chic el ri rubey. ⁴⁰Y jac'a ri Felipe xapon pa jun tinamit rubini'an Azoto. Y ri chiri' xuchop chic c'a el jun rubey, xk'ax-el ri pa tak tinamit nutzijola' ri utzilej ch'abel richin colotajic. Queri' xuben hasta que xapon c'a ri pa tinamit rubini'an Cesarea.^j

Tok ri Saulo xjalatej ri ruc'aslen

9 ¹Jac'a ri achin ri rubini'an Saulo man c'a nic'o ta ri royoval yacatajinek chiquij ri kach'alal,^k y can nrajo-vi c'a ri quicamic. Romari' rija' xbe c'a riq'uín ri nimalej sacerdote, ²richin xberuc'utuj-pe vuj chire, richin chi tuya-el k'atbel-tzij pa ruk'a'. Y riq'uín ri k'atbel-tzij ri c'o chic pa ruk'a' nibe c'a ri pa tinamit Damasco, richin ne'oc ri pa tak jay ri can nitzijox-vi ri ruch'abel ri Dios, richin yeberucanola-pe ri quitzekelben ri Jesús, ri Bey.^l Y tok xqueril-pe, e ximil c'a yeruq'uén-pe c'a pa Jerusalem, vi achi'a' o ixoki', nicha' c'a ri Saulo. ³Rija' ruchapon c'a binen. Y jac'a tok xa c'o chic apo chunakaj ri tinamit Damasco ri c'o chi napon-vi, xka' c'a jun sakil pa ruvi,^m jun sakil ri petenek chila' chicaj. ⁴Y ri Saulo can jari' xtzak c'a pan ulef, y xrac'axaj c'a chi c'o jun ri nich'on chire,ⁿ y nubij: Saulo, Saulo, ¿achique c'a roma tok achapon ch'a'oj chuvij yin? xcha'!

⁵Y ri Saulo xuc'utuj: ¿At achique c'a rat? xcha'!

Pero ri nich'on c'a riq'uín ri Saulo xubij chire: Ja yin ri Jesús, y chuvij yin achapon-vi rubanic ch'a'oj.^o Xa ayon c'a rat nasoc-avi', roma achapon ch'a'oj chuvij. Xa ayon rat naya-avi' chutza'n ri puya, xcha' chire.

⁶Y ri Saulo nibaybot (nibarbot) roma xibinri'il, xubij: Ajaf, ¿achique c'a ri ruc'amon chi ninben ta? xcha'!

Y ri Ajaf Jesús xubij chire: Cayacatej c'a el, y cabiyin c'a pa tinamit, y chiri' xtibix c'a chave achique ri ruc'amon chi nabén, xuche'ex.

⁷Y ri achi'a' c'a ri e rachibilan-el ri Saulo^p xenacano', roma nicac'axaj chi c'o jun nich'on,^q pero man niquitz'et ta achique ri!^r ⁸Y can jac'ari' tok ri Saulo xyacatej-el ri chiri' pan ulef. Y tok xerujek ri runak'-ruvech, c'ari' xunabej chi xa man nitzu'un ta. Romari' tok quiyuken xquic'uaj c'a pa Damasco. ⁹Oxi' c'a k'ij ri xbec'oje' chiri'. Y chi oxi' k'ij ri' moyirinek, y can man jun chuka' xutej ni ta xukun.

i Mt. 28:19; Mr. 16:16. j Hch. 21:8. k Hch. 8:3. l Hch. 19:9. m Hch. 22:6; 26:12. n 1 Co. 15:8. o Hch. 5:39; 1 Ti. 1:13. p Hch. 26:13, 14. q Hch. 22:9. r Dn. 10:7.

¹⁰Pero ri chiri' pa Damasco c'o c'a jun nimanel richin ri Jesucristo, ri rubini'an Ananías.^s Y ri Ajaf Jesucristo xuc'ut c'a ri' chuvech pa jun achi'el achic', y xubij chire: ¡Ananías! xcha'.

Y ri Ananías xubij: Jare' inc'o vave', Ajaf, xcha' rija'.

¹¹Y ri Ajaf xubij c'a chire: Cayacatej-el. Cabiyyin c'a pa rachoch ri Judas, ri c'o pa jun bey ri nibix Choj chire. Chiri' c'a te'acanoj-vi jun achin aj-Tarso' y rubini'an Saulo. Can cabiyyin c'a, roma re vacami, rija' najin c'a chubanic orar. ¹²Y chuka' pa jun achi'el achic' xinben chire chi xutz'et chi c'o jun achin rubini'an Ananías ri xapon riq'uín, y xuya' ruk'a' pa ruvi' richin chi nitzu'un, xcha' chire.

¹³Tok xrac'axaj queri' ri Ananías, xubij: Ajaf, e q'uuiy c'a ri e biyon chuve ri itzel rubanobal ri jun achin ri', ri e rubanalon chique ri lok'olej tak kach'alal^u ri ec'o pa Jerusalem.^v ¹⁴Y re c'o vave' pa Damasco vacami, can yo'on c'a chuka' pe k'atbel-tzij pa ruk'a' coma ri principal-i' tak sacerdotes richin chi yeruxim-el conojel ri can niquiya-vi ak'ij,^w xcha' ri Ananías.

¹⁵Y ri Ajaf Jesucristo xubij chire: Te'acanoj c'a ri Saulo, roma ja rija' ri nucha'on^x richin nibe chuk'alajirisaxic ri nubi' chiquivech ri vinek ri xa man e israelitas ta,^y y richin chi nubij chuka' chique ri reyes^z y ri vinek israelitas. ¹⁶Y ri janipe' tijoj-pokonal^a ri xterutija' roma ri nubi' yin, c'a ja na yin ri xquic'utun chuvech.

¹⁷Y ri Ananías can xberucanoj na vi ri Saulo c'a ri jay ri bin-vi-el chire. Jac'a tok c'o chic ri chiri' pa jay riq'uín ri Saulo, xuya' c'a ruk'a' pa ruvi' y xubij c'a chire: Vach'alal Saulo, ri Ajaf Jesús ri xuc'ut-ri' chavech tok achapon-pe bey pa Damasco, xirutek c'a pe aviq'uín richin chi yatzu'un chic jun bey,^b y richin chi nika' chuka' ri Lok'olej Espírituf pan avi' richin nunojisaj ri avánima,^d xcha' ri Ananías chire.

¹⁸Y can jac'ari' tok ri pa tak runak'-ruvech ri Saulo xetzak-el achi'el rij-quer, y xtzu'un chic jun bey. Y can ja chuka' ri' xyacatej-el richin xban bautizar.^e ¹⁹Jac'a tok va'inek chic, xuna' chi ri ruchuk'a' xtzolin-pe. Y ri Saulo xc'oje' c'a ka ca'i-oxi' k'ij quiquín ri kach'alal ec'o ri chiri' pa Damasco.^f

Ri Saulo nutzijoj pa Damasco chi ri Jesús jari' ri Cristo

²⁰Y ri Saulo can chanin c'a xuchop rubixic chique ri vinek ri pa tak jay ri can nitzijox-vi ri ruch'abel ri Dios, chi ri Jesús jari' ri Cristo ri Ruc'ajol ri Dios.^g ²¹Y conojel c'a ri vinek ri ye'ac'axan richin ri Saulo, xsach quic'u'x^h y niquibila' c'a chirij: ¿Man ja ta cami re' ri achin ri janíla xuben chique ri can niquiya-vi ruk'ij ri Jesús ri chiri' pa tinamit Jerusalem y xuben chique chi xquic'ovisaj tijoj-pokonal? Y vacami xoka' vave' re pa Damasco richin chi e ximon yeruc'uj-el ri niquiya' ruk'ij ri Jesús, y yeberuya' pa quik'a' ri principal-i' tak sacerdotes, yecha'.ⁱ

s Hch. 22:12. t Hch. 21:39. u Hch. 8:3; 9:1, 32, 41; Ro. 1:7. v Hch. 26:10. w 1 Co. 1:2. x Hch. 13:2; Ro. 1:1, 5. y Hch. 22:21; Ga. 2:7, 8. z Hch. 25:22, 23. a Hch. 20:23. b Hch. 22:12, 13. c Hch. 8:17. d Hch. 2:4; 4:31; 13:52. e Hch. 22:16. f Hch. 26:20; Ga. 1:17. g Hch. 8:37. h Mt. 13:54, 55. i Hch. 8:3; Ga. 1:13.

²²Pero ri Saulo xc'oje-el más ruchuk'a', y man nuya' ta can rutzijoxic ri ruch'abel ri Dios. Y nuk'alajirisala' c'a chi ri Jesús jari' ri Cristo.^j Y roma c'a ri' ri israelitas ri ec'o chiri' pa Damasco man niqil ta c'a achique niqich'ob chirij ri Saulo.

Tok ri Saulo xel-pe pa Damasco

²³Y c'o yan chic c'a k'ij tic'oje' ri Saulo chiri' pa Damasco, tok ri israelitas xquich'ob chi niqicamisaj.^k ²⁴Pero ri quich'obon chirij xapon rutzijol riq'uin rija'. Y ri vinek ri ye'ajovan yecamisan ri Saulo, can chi pak'ij y chi chak'a' coyoben c'a ri pa tak puertas ri niban-vi-apo oquen y elen ri pa tinamit, richin niqicamisaj.^l ²⁵Pero ri kach'alal, pa jun tocok'a' xquiya-el ri Saulo pa jun chaquech nim, y xquikasaj-ka^m chuveh ri jun nimalej tz'ak ri rusurin rij (rusutin rij) ri tinamit. Y xbe.

Tok ri Saulo xc'oje' pa Jerusalem

²⁶Y jac'a tok ri Saulo xapon ri pa tinamit Jerusalem,ⁿ xrajo' c'a xc'oje' ta quiq'uin ri kach'alal ri ec'o chiri'. Pero rije' xquipokonaj, roma man can ta cukul quic'u'x chi ri Saulo jalatajinek chic ri ruc'aslen y jun nimanel chic richin ri Jesús. ²⁷Jac'a ri jun kach'alal rubini'an Bernabé,^o xuc'uaj ri Saulo quiq'uin ri apóstoles. Y ri Bernabé xutzijoj c'a chique chi ri Saulo xch'on c'a ri Ajaf riq'uin, chi xuc'ut c'a ri' chuveh tok ruchapon-el bey pa Damasco, y chi ri Saulo chuka' man xuxibij ta ri' xutzijoj ri Ajaf Jesús chique ri vinek ri ec'o chiri' pa Damasco, xcha' ri Bernabé chique ri apóstoles.^p ²⁸C'ari' xquiq'uen ruveh, y romari' ri Saulo xc'oje-ka ri chiri' pa Jerusalem, y xabacuchi c'a yebe-vi ri apóstoles, cachibilan-el ri Saulo. ²⁹Y man jun c'a xibinri'il riq'uin rija' richin nuk'alajirisaj ri Ajaf chique ri vinek. Nuchop c'a ri' riq'uin ch'abel quiq'uin ri israelitas ri yech'on pa quich'abel ri aj-Grecia,^q chirij ri ruch'abel ri Dios.^r Pero re israelitas^s c'a re' xa niqicanoj c'a jun rubanic richin niqicamisaj. ³⁰Romari', tok ri kach'alal xquinabej ri niqich'ob ri vinek chirij ri Saulo, xquic'uaj c'a el c'a pa jun tinamit rubini'an Cesarea.^t Y tok ec'o chic ri chiri' pa Cesarea, xquitek c'a el c'a pa jun chic tinamit rubini'an Tarso.^u

³¹Y ri tiempo ri', ri kach'alal ri ec'o pa tak tinamit ri chiri' pa Judea, ri Galilea y ri Samaria, man c'a niqic'ovisaj ta chic tijoj-pokonal. Xa can quichapon c'a q'uiyinen chupan ri ruch'abel ri Dios,^v y niqixibij c'a qui' yamacun chuveh ri Ajaf, y xeq'uiyer janíla roma ri ruchuk'a' ri Lok'olej Espíritu.

j Hch. 18:28. k Hch. 23:12; 25:3. l 2 Co. 11:32. m Jos. 2:15; 1 S. 19:12. n Hch. 22:17; Ga. 1:17. o Hch. 4:36; 11:22-25. p Hch. 13:2. q Hch. 6:1. r Hch. 11:20. s 2 Co. 11:26. t Hch. 8:40. u Hch. 9:11. v Sal. 119:165.

Tok ri Pedro xuc'achojirisaj ri Eneas

³²Y jac'a tok ri Pedro elenek chiquitz'etic^w ri lok'olej tak kach'alal ri ec'o pa ch'aka' chic tinamit,^x xapon c'a chuka' quiq'uin ri ec'o chiri' pa tinamit rubini'an Lida. ³³Y chupan ri tinamit ri' xberila' jun achin rubini'an Eneas, y c'o yan c'a vakxaki' juna' cotz'ol-pe. Re achin c'a re' siquirinek. ³⁴Roma c'a ri' ri Pedro xubij chire ri achin rubini'an Eneas: Jac'a ri Jesucristo' ri yac'achojirisan.^z Cayacatej^a c'a, y tachojmirisaj la avarabel,^b xcha' ri Pedro chire.

Y ri Eneas can jari' xpa'e-el. ³⁵Y can janíla c'a vinek ri aj-Lida y aj-Sarón^c ri xetz'eton chi ri Eneas xc'achoj. Y re vinek re' xquinimaj ri Ajaf Jesús^d y xjalatej quic'aslen.

Tok ri Pedro xuc'asoj jun ixok caminek chic

³⁶Chupan ri tinamit rubini'an Jope, ri tiempo ri' c'o c'a jun kach'alal ixok^e rubini'an Tabita, y Dorcas nibix chire ri pa ch'abel griego. Re ixok c'a re' janíla jebel quiq'uin ri vinek, rija' yerutola^f c'a ri vinek ri man jun c'o quiq'uin. ³⁷Y chupan c'a ri k'ij ri' ri Dorcas xu chop yabil, y xquen (xcom). Y tok ch'ajch'ojirisan y vikon chic (vekon chic), ri ruch'acul xuc'uex c'a el pa jun ruca'n vik jay^g (cavek jay). ³⁸Y ri tinamit Jope man nej ta c'a quicojol riq'uin ri tinamit Lida, ri lugar ri c'o-vi jun ca'i-oxi' k'ij ri Pedro. Y ri kach'alal ri ec'o pa Jope, roma xcac'axaj chi ri Pedro c'o ri pa Lida, xequitek c'a el ca'i' achi'a' riq'uin, richin xbequibij chire: Tabana' utzil catampe chanin pa Jope, roma yac'atzin chike, xecha' chire.

³⁹Y ri Pedro can xbe c'a quiq'uin c'a pa Jope. Tok xe'apon, ri Pedro xucusex c'a pa jay ri li'an-vi ri caminek. Y ri malcani'a' tak ixoki' xe'apon riq'uin ri Pedro, ye'ok' y niquic'utula' c'a apo chuveh, ri tziek ri xerubanala' ri Dorcas tok c'a q'ues na. ⁴⁰Y ri Pedro xubij c'a chique conojel ri ec'o riq'uin, chi que'el-el^h juba'. Rija' xxuque-ka,ⁱ y xuben c'a orar.^j Y xutzu-apo ri caminek, y xubij: Tabita, cayacatej.^k

Y ri ixok ri' can jari' xbetzu'un-pe, y tok xutzu' c'a chi c'o ri Pedro, xyacatej-pe. ⁴¹Ri Pedro xu chop c'a apo ruk'a' ri ixok richin xpa'e'. Y ri Pedro xeroyoj c'a ri malcani'a' tak ixoki' y ri ch'aka' chic lok'olej tak kach'alal,^l richin xberuya-pe ri Dorcas chique. Rija' man c'a caminek ta chic. ⁴²Y re xbanatej re', xetamex c'a coma conojel vinek ri ec'o chiri' pa tinamit Jope, y e janíla c'a vinek xeniman ri Ajaf Jesús chiri'. ⁴³Y ri Pedro q'uuiy c'a k'ij ri xc'oje-ka quiq'uin, ri chiri' pa tinamit Jope. Xc'oje' pa rachoch jun achin rubini'an Simón, ri nitzacon y nak'oman quij o quisale'y chicop.^m

w Hch. 8:14. x Hch. 1:8. y Hch. 4:10. z Mt. 8:3; 9:29, 30. a Hch. 3:6. b Mt. 9:6; Jn. 5:8. c 1 Cr. 5:16. d Hch. 11:21. e 1 Ti. 2:10. f Pr. 31:31; 1 Ti. 5:10; Stg. 1:27. g Hch. 1:13. h Mt. 9:25. i Hch. 7:60. j 1 R. 17:19-23; 2 R. 4:32-36; Hch. 20:36. k Mr. 5:41; Jn. 11:43. l Hch. 9:13. m Hch. 10:6.

Ri Pedro nitak royoxic roma jun achin rubini'an Cornelio

10 ¹Y ri pa tinamit rubini'an Cesarea c'o c'a jun achin rubini'an Cornelio, y rija' jun Capitán. Ec'o c'a jun ciento soldados pa ruk'a', y ri juk'at soldados ri' e richin ri jutzobaj (juk'ataj) soldados ri aj-Italia nibix chique. ²Ri Cornelio y ri e aj pa rachoch e yo'ol c'a ruk'ij ri Dios,ⁿ y niquixibij c'a qui' yemacun chuech ri Dios. Y rija' can jantape' c'a nuben orar, y can q'uiy c'a yerutola-vi ri vinek ri man jun c'o quiq'uin. ³Y pa jun tikak'ij tok rubanon chic la'ek las tres, rija' pa jun achi'el achic' jebel xutz'et chi c'o jun ángel^o richin ri Dios ri xoc-apo riq'uin, y xubij chire: ¡Cornelio! xcha' ri ángel ri'.

⁴Y ri Cornelio rutzuliben c'a ri ángel, y janíla ruxibin-ri'. Y xubij chire ri ángel: ¿Achique c'a ri navajo'? xcha'.

Y ri ángel xubij chire: Ri oraciones^p ri ye'aben e kajinek chuech ri Dios, y que chuka' ri' can kajinek chuech ri ye'ato' ri vinek ri nic'atzin quito'ic,^q y romari' ri Dios yarunataj-pe re vacami. ⁵Romari' vacami que'ataka' c'a el achi'a' c'a pa Jope^r richin quebe chiroyoxic ri Simón ri nibix chuka' Pedro chire. ⁶Y rija' c'o c'a pa rachoch ri jun achin rubini'an chuka' Simón, ri Simón ri nitzacon y nak'oman quij o quisale'y chicop,^s y c'o rachoch chuchi' ri nimalej ya' rubini'an mar. Y jac'a tok xtoka' ri Pedro avi'uin, xubij c'a chave ri nic'atzin chi naben,^t xcha' ri ángel^u chire ri Cornelio.

⁷Y tok ri ángel ri xch'on can chire ri Cornelio benek chic, ri Cornelio xeroyoj c'a e ca'i' rusamajela' y jun soldado ri can jun yo'ol chuka' ruk'ij ri Dios. Re soldado c'a re', jare' ri jantape' c'o riq'uin ri Cornelio, y nuben chuka' ri nibix chire. ⁸Y ri Cornelio xutzijoj c'a ronojel chique, y xerutek-el c'a pa tinamit Jope.

⁹Y ruca'n k'ij chire ri quichapon-el bey ri achi'a', xa juba' chic c'a chiquij richin ye'apon-apo ri pa tinamit Jope, pa nic'aj-k'ij la'ek ri'. Jari' tok ri Pedro xjote' c'a el pa ruq'uisibel vik (vek) chire ri jay, richin xberubana' orar.^v ¹⁰Rija' can janíla c'a ninum chic, y nurayij c'a niva' yan. Y riq'uin c'a ri royoben richin nichojmirisex ri xtitij, ri Dios can jac'ari' xuben chire ri Pedro chi xuben achi'el jun achic'.^w ¹¹Rija' xutz'et c'a chi ri caj jakatajinek,^x y chila' c'a nika-vi-pe jun nimalej achi'el tziek, ri e chapalon ri caji' rutza'n. Y can k'alaj chi c'o ri petenek chupan, roma ch'okoch'ic nitzu'un. Y ri achi'el tziek ruchapon-pe kajen chuech re ruvach'ulef. ¹²Y tok kajinek chic c'a pe, ri Pedro xutz'et c'a chi chupan ec'o-pe ronojel quivech chicop. Ec'o ri chicop ri caji' caken, ec'o ri aj-xic' tak chicop ri yebe pa cak'ik' y ch'aka' chic

n Hch. 10:7; 22:12. o Sal. 34:7; 91:11; Hch. 5:19; 11:13; He. 1:14. p Sal. 141:2; Stg. 5:16; 1 P. 3:12; Ap. 5:8; 8:3. q Fil. 4:18; He. 13:16. r Hch. 9:36, 43. s Hch. 9:43. t Hch. 9:6. u Hch. 11:14. v Sal. 55:17; Hch. 11:5. w Hch. 22:17. x Ez. 1:1; Mt. 3:16; Hch. 7:56; Ap. 19:11.

quivech chicop. ¹³Y can jac'ari' tok ri Pedro xrac'axaj chi c'o jun ri nich'on chire, y nubij c'a: Pedro, cayacatej. Que'acamisaj chicop, y tatija', xuche'ex.

¹⁴Y ri Pedro xubij: Ajaf, yin man xquentej ta re chicop re'. Yin can man jun bey e nutijon ta chicop achi'el re', ri can e c'utun chinuvech chi man e ch'ajch'oj ta, ri xa xajan richin yetij,^y xcha'.

¹⁵Y ri jun c'a ri nich'on riq'uin ri Pedro, xubij c'a pe chire ri pa ruca'n bey: Ronojel ri ch'ajch'ojirisan chic pe roma ri Dios, can ch'ajch'oj vi ri', y man c'a tabij chi xajan.^z

¹⁶Oxi' bey c'a ri xbitej queri', y c'ari' ri nimalej achi'el tziek xtzolin-el chicaj. ¹⁷Ri Pedro c'a c'o na c'a ri chiri', y man nril ta achique nuch'ob chirij ri achi'el achic' ri xuben tok ri achi'a' ri e takon-el roma ri Cornelio jari' xe'apon, niqicanosj c'a ri rachoch ri achin rubini'an Simón. Y tok xquil ri jay ri achi'a' ri e takon-el, ¹⁸xquic'utuj c'a apo vi chiri' c'o-vi ri Simón ri nibix chuka' Pedro chire. ¹⁹Y roma ri Pedro c'a najin na chuch'obic rij ri achi'el achic', can jac'a ri Lok'olej Espíritu^a ri xbin chire: Ec'o e oxí' achi'a' ri yatquicanoj. ²⁰Cayacatej c'a el y caka-ka quiq'uin, y chuka' man tapokonaj yabe quiq'uin,^b roma ja yin xitakon-pe quichin c'a re vave' aviq'uin.

²¹Y ri Pedro can xbeka-vi-pe quiq'uin ri e oxí' achi'a' ri e takon-el roma ri Cornelio, y xubij chique: Ja yin ri Pedro ri nicanoj. ¿Achique c'a roma tok ix petenek chinucanoxic? xcha'.

²²Y ri achi'a' xquibij chire ri Pedro: Jun Capitán rubini'an Cornelio oj rutakon c'a pe chi'avoyoxic. Y re achin c'a re' jun achin choj ruc'aslen, jun achin ri nuxibij-ri' nimacun chuvech ri Dios. Y conojel ri vinek israelitas janíla nicajo', y jebel yech'on chirij.^c Y c'o c'a jun lok'olej ángel ri xoch'on riq'uin ri Cornelio, y re ángel re' xubij can chire chi caroyoj rat, y trac'axaj ri achique xtabij chire. Roma c'a ri' xojpe chi'avoyoxic, xecha' ri achi'a' e takon-el.

²³Y ri Pedro xerucusaj-apo pa jay ri achi'a' ri', richin yec'oje' na el ri junak'a' chiri'. Y ri pa ruca'n k'ij, ri Pedro can xbe na vi quiq'uin ri achi'a' e petenek c'a pa Cesarea. Y ec'o c'a kach'alal ri aj chiri' pa Jope xetzeke-el chirij ri Pedro.^d

²⁴Y c'a pa ruca'n k'ij chire ri que'el-pe ri pa Jope, c'ari' xe'apon ri pa tinamit Cesarea. Y chupan ri tinamit ri', ri Cornelio^e e royon c'a ri e rach'alal y chuka' e royon vinek ri can janíla yerajo', y e coyoben-apo ri Pedro. ²⁵Y tok ri Pedro noc c'a apo pa rachoch ri Cornelio, ri Cornelio xbexuque' chuvech.^f Quere' ruc'ulic xuben-apo, y richin chuka' xuya-apo ruk'ij. ²⁶Pero ri Pedro richin xuyec, xubij c'a chire: Capa'e!. Man c'a caxuque'^g chinuvech yin richin naya' nuk'ij,^h roma yin xa jun chuka' vinek achi'el rat.ⁱ

y Lv. 11:4; 20:25; Dt. 14:3; Ez. 4:14. z Mt. 15:11; Ro. 14:14, 17, 20; 1 Co. 10:25; 1 Ti. 4:4, 5. a Jn. 16:13; Hch. 11:12; 16:6; 21:4. b Mt. 28:19; Mr. 16:15; Hch. 15:7. c Hch. 22:12. d Hch. 10:45; 11:12. e Hch. 10:1. f Hch. 16:29. g Ex. 34:14; 2 R. 17:36. h Col. 2:18; Ap. 14:7. i Hch. 14:14, 15; Ap. 19:10.

²⁷Y ri Pedro y ri Cornelio yetzijon c'a, xe'oc-apo pa jay. Y jac'a tok xe'oc-apo pa jay, jari' tok ri Pedro xutz'et chi e q'uiy vinek ri quimolonqui' ri chiri'.^j ²⁸Y rija' xubij c'a chique ri vinek ri': Rix can jebel vi ivetaman chi roj israelitas man c'a yo'on ta k'ij chike chi junan kavech iviq'uin y vojoc ta pa tak ivachoch rix ri xa man ix israelitas ta.^k Pero ri Dios xuc'ut c'a chinuvech chi man ruc'amon ta chi ninbij chire jun vinek, xa roma man israelita ta, chi man ch'ajch'oj ta.^l ²⁹Romari', can xe c'a xe'apon ri achi'a' ri e itakon-el richin yibecoyoj, can man jun c'a xinbij chi man yipe ta, xa can jari' xipe quiq'uin. Y re vacami ninvajo' c'a ninvetamaj achique roma tok xitek voyoxic, xcha' ri Pedro.

³⁰Pero can jari' xch'on-apo ri Cornelio, y xubij c'a: C'o yan caji' k'ij ri', y que tak va la'ek hora chuka' ri', ri las tres, tok yin man in va'inek ta c'a richin ninben orar ri tikak'ij, jac'ari' tok jun achi'el achin,^m niyic'lun rutziaq,ⁿ xuc'ut-ri' chinuvech. ³¹Y xubij c'a chuve: Cornelio, ri Dios utz rac'axan ri a-oración, y chuka' can kajinek chuvech ri Dios chi ye'ato'^o ri vinek ri nic'atzin quito'ic y romari' yarunataj c'a pe.^p ³²Y que'ataka' c'a el achi'a' c'a pa tinamit Jope richin yebe chiroyoxic ri Simón ri nibix chuka' Pedro chire, y c'o pa rachoch jun achin rubini'an chuka' Simón. Y re jun Simón re' c'o rachoch chunakaj ri nimalej ya' rubini'an mar, y nitzacon y nak'oman chuka' quij o quisale'y chicop. Y tok ri Pedro xtoka' aviq'uin, c'o c'a ri xtorubij chave, xcha' ri ángel ri'. ³³Romari' can jari' xintek acanoxic, y matiox c'a chi can xape. Y can chuvech vi c'a ri Dios oje'o-vi konojel re kamolon-ki' vave', y nikajo' c'a nikac'axaj ri xtak'alajirisaj chikavech, ri can ja ri Dios biyon chave richin tak'alajirisaj rat, xcha' ri Cornelio chire ri Pedro.

Tok ri Pedro nutzijoj chic ri Jesucristo pa rachoch ri Cornelio

³⁴Y ri Pedro can jac'ari' xuchop nich'on, y xubij: Can kitzij c'a nic'ulun chinuvech chi ri Dios can junan rubanon chike konojel. Man xe ta jun tinamit nrajo', y yeretzelay ta can ri ch'aka' chic. Man que ta ri' nuben.^q ³⁵Xabachique ta ri katinamit chiri', ri Dios can utz vojruz'et konojel, xaxe vi can nikaxibij-ki' chi yojmacun chuvech y e choj ri kabanobal ri yekabanala'.^r ³⁶Y ri Dios can xutek c'a pe ri Jesucristo vave' chuvech re ruvach'ulef, ri Jesucristo ri Kaja'^s konojel roj vinek, y xorutzijoj-ka ri utzilej ch'abel richin colotajic, ri niyo'on uxlanen' pa tak kánima. Y chikacojol c'a roj israelitas xorutzijoj-vi-ka. ³⁷Rix ri' noka' chi'ic'u'x ronojel c'a ri xbanatej ri tiempo ri' ri pa ronojel Judea. Pa nabey, ja ri Juan ri Bautista ri xtzijon ri ruch'abel ri Dios y xeruben bautizar ri vinek. Y c'ari' ja ri Jesús ri xbetiquiriban rutzijoxic ri ruch'abel ri Dios ri pa Galilea.^u ³⁸Y ivetaman

j Hch. 10:24. k Jn. 4:9; Hch. 11:3; Ga. 2:12, 14. l Hch. 15:8, 9; Ef. 3:6. m Hch. 1:10. n Lc. 24:4. o He. 6:10. p Dn. 10:12. q Dt. 10:17; 2 Cr. 19:7; Job 34:19. r Ro. 2:13; 3:22. s Ro. 10:12. t Is. 57:19. u Lc. 4:14.

chuka' ri' chi ri Jesús ri aj-Nazaret, can c'o-vi ri Lok'olej Espíritu riq'uín,^y ri yo'on-pe chire roma ri Dios, y romari' can c'o-vi uchuk'a' pa ruk'a'. Y can xe c'a ri utz ri xerubanala' chique ri vinek. Xeruc'achojirisala' chuka' vinek ri e chapon roma ri itzel-vinek. Quere' ri xerubanala' ri Jesús, roma can c'o-vi ri Dios riq'uín. ³⁹Y ri janipe' ri xerubanala' ri Jesús ri pa Jerusalem y ri pa ch'aka' chic lugar richin ri Judea, can xkatz'et c'a roj^w ri apóstoles richin rija'. Y jari' ri yojajin chuk'alajirisaxic chiquivech ri vinek. Ri Jesús xbajix c'a chuva jun cruz richin xcamisex. ⁴⁰Y pa rox k'ij chire ri ticamisex, ri Dios xuc'asoj-pe^x chiquicojol ri caminaki'. Y jac'a tok c'astajinek chic pe, xuben chire chi xuc'utula-ri'. ⁴¹Y man c'a chiquivech ta xabachique vinek xuc'ut-ri', xa can xe chikavech roj^y ri can ruch'obon-vi-pe ri Dios pa kavi' ri ojer chi nikak'alajirisaj ri c'astajibel richin ri Jesús. Y junan c'a xojva-xojuc'ya^w riq'uín ri Jesús, tok c'astajinek chic pe chiquicojol ri caminaki'. ⁴²Y rija' can janíla c'a xuchilabej can chike chi tikatzijoj ri rubi' rija^a y tikak'alajirisaj chi ri Dios xuben chire chi ja rija' ri nik'aton tzij^b pa quivi' ri vinek ri e q'ues y pa quivi' chuka' ri vinek ri e caminek chic el.^c ⁴³Can ojer c'a ri bitajinek can coma ri xek'alajirisan ri ruch'abel ri Dios, chi conojel c'a ri xqueniman richin ri Cristo, xticuyutej quimac.^d Queri' ri quibin can chirij ri Jesús ri rusamajela' ri Dios.

Tok ri Lok'olej Espíritu xka-pe pa quivi' ri vinek man e israelitas ta

⁴⁴Y can c'a nich'on c'a ri Pedro chiquivech ri vinek ri quimolon-qui' pa rachoch ri Cornelio, tok ri Lok'olej Espíritu jari' xka-pe pa quivi' ri ye'ac'axan richin. ⁴⁵Romari' ri israelitas, ri kach'alal ri e petenek chirij ri Pedro, xsach quic'u'x tok xquitz'et chi ri Lok'olej Espíritu can nisipex-pe chuka' chique ri vinek ri' y rije' xa man e israelitas ta.^e ⁴⁶Ri kach'alal e israelitas yecac'axaj c'a ri kach'alal ri xa man e israelitas ta, chi yech'on pa ch'aka' chic ch'abel ri man quetamalon ta^f y niquiya' ruk'ij ri Dios. ⁴⁷Y ri Pedro xubij c'a: ¿Can c'o ta cami jun xtibin chi man queban bautizar re xquic'ul yan ri Lok'olej Espíritu achi'el ri xkac'ul chuka' roj?^g xcha'.

⁴⁸Y ri Pedro xubij c'a chi queban bautizar^h ri Cornelio y conojel ri quimolon-qui' riq'uín. Y pa rubi' c'a ri Ajaf Jesúsⁱ queban bautizar. Y ri kach'alal ri xeban bautizar, xquic'utuj c'a chire ri Pedro chi tic'oje-ka ca'i-oxi' k'ij quiquín.

Ri Pedro nutzijoj ri xbanatej riq'uín ri Cornelio

11 ¹Y ri apóstoles y ri ch'aka' chic kach'alal ri ec'o pa Judea xcac'axaj c'a chi ec'o vinek ri man e israelitas ta ri xeniman ri ruch'abel ri Dios.^j ²Romari', tok ri Pedro xtzolin chic c'a pa Jerusalem, ri kach'alal e israelitas ri yebin chi c'o chi niban ri circuncisión chique ri ch'aka' chic kach'alal, stape'

v Lc. 4:18. w Hch. 2:32. x Hch. 2:24. y Jn. 14:17, 22. z Jn. 21:13. a Mt. 28:19, 20. b Jn. 5:22; 2 Co. 5:10. c 2 Ti. 4:1; 1 P. 4:5. d Is. 53:11; Jer. 31:34; Dn. 9:24; Mi. 7:18; Zac. 13:1; Mal. 4:2. e Hch. 11:18; Ga. 3:14. f Hch. 2:4; 19:6. g Hch. 11:17; 15:8, 9; Ro. 10:12. h Hch. 2:38; 1 Co. 1:17. i Hch. 8:16. j Gn. 49:10; Zac. 2:11.

man e israelitas ta,^k xech'ojin chuvech ri Pedro, ³y xquibij c'a chire: ¿Achi que c'a roma tok rat xatapon quiqu'in ri vinek ri xa man banon ta ri circuncisión chique?^l ¿Y achique c'a roma can xava-xatuc'ya' chuka' quiqu'in? xecha' chire.

⁴Jac'ari' tok ri Pedro can pa rucholajen xuchop rubixic chique chirij ri xbanatej.^m Rija' xubij c'a: ⁵Yin jac'a ri pa tinamit Jope inc'o-vi chiri'. Y jac'a tok yinajin che oración,ⁿ xintz'et pa jun achi'el achic' chi c'o jun nimalej achi'el tziek ri e chapalon ri caji' rutz'a'n. Y can k'alaj chi c'o ri petenek chupan roma can ch'okoch'ic nitzu'un, y ruchapon c'a pe kajen ri chila' chicaj y nika-pe c'a viq'uin. ⁶Y jac'a tok nutzuliben-nutzuliben, xintz'et c'a chi xa ronojel quivech chicop e petenek chupan ri jun nimalej achi'el tziek ri'. Ec'o chicop ri caji' caken, chi c'uxunel y man c'uxunel ta. Ec'o aj-xic' tak chicop y ch'aka' chic quivech chicop. ⁷Y xinvac'axaj c'a chi c'o jun ri nich'on-pe chuve, y nubij c'a: Pedro, cayacatej. Que'acamisaj ri chicop, y tatija', xcha'. ⁸Jac'a yin xinbij chire ri xch'on-pe chuve: Ajaf, yin man xquentej ta re chicop re'. Yin can man jun bey nutijon ta chicop achi'el re', roma xa can c'utun chinuvech chi man e ch'ajch'oj ta,^o chi can xajan vi yetij, xicha'. ⁹Pero ri jun c'a ri nich'on viq'uin, xch'on chic c'a pe chuve jun bey ri chila' chicaj, y xubij: Ronojel ri ch'ajch'ojirisan chic pe roma ri Dios, can ch'ajch'oj vi ri', y man c'a tabij chi xajan, xinuche'ex. ¹⁰Y oxil' c'a bey ri xbitej queri', y c'ari' ri jun nimalej achi'el tziek ri' xtzolin chic c'a el chicaj. ¹¹Y can c'ari-c'ari nintz'et-ka yin ri', tok can ja yan ri' ec'o e oxil' achi'a' xe'apon ri pa ruchi' ri jay ri inc'o-vi, yiniquanoj. Re achi'a' c'a re' e takon roma ri Cornelio, ri jun achin ri c'o pa tinamit Cesarea. ¹²Y ri Lok'olej Espiritu^p can xubij c'a chuve chi man tinpokonaj yibe quiqu'in.^q Y chuka' re vaki' kach'alal re' xetzeke' c'a el chuvij.^r Y can xojapon na vi ri pa rachoch ri achin rubini'an Cornelio.^s ¹³Y rija' xuchop c'a rutzijoxic chike chi c'o jun ángel' ri xuc'ut-ri' chuvech^t pa rachoch, y chi ri ángel ri' pa'el-apo riq'uin tok xubij chire: Que'ataka' c'a el achi'a' c'a pa Jope chiroyoxic ri Simón ri nibix chuka' Pedro chire. ¹⁴Y ja rija' c'a ri xtibin chave achique rubanic xtaben richin queri' yacolotej rat y ri e aj pan avachoch,^v xuche'ex cha can roma ri ángel. ¹⁵Y tok yin xinchop yich'on chuvech ri Cornelio y chiquivech ri vinek ri ec'o-apo riq'uin, xka' c'a pe ri Lok'olej Espiritu^w pa quivi', can achi'el c'a tok ri xka-pe pa kavi' roj ri pa nabey. ¹⁶Y romari' xoka' c'a chinuc'u'x ri tzij ri rubin can ri Ajaf Jesús, chi ri Juan riq'uin ya' xeruben bautizar ri vinek.^x Jac'a rix riq'uin ri Lok'olej Espiritu^y xquixban bautizar, cha'inek can rija'. ¹⁷Vi can ja ri Dios ri xyo'on ri Lok'olej Espiritu ri pa quivi' ri vinek ri', achi'el xuben chuka' chike roj^z ri kaniman ri Ajaf Jesucristo, ¿achique ta c'a xtinch'ojij yin chire ri Dios?^a

k Ga. 2:12. l Hch. 10:28. m Lc. 1:3. n Hch. 10:9. o Ez. 4:14. p Jn. 16:13. q Hch. 8:29; 10:19, 20. r Hch. 10:23. s Hch. 15:7. t Hch. 12:11; He. 1:14. u Hch. 10:30. v Hch. 10:2; 16:15, 31-34. w Hch. 2:4; 4:31. x Jn. 1:26. y Is. 44:3; Jl. 2:28; Mt. 3:11; Mr. 1:8; Lc. 3:16; Hch. 1:5. z Hch. 10:47; 15:8, 9. a Job 9:12-14; Dn. 4:35; Mt. 20:14, 15.

18Y tok ri kach'alal ri ec'o pa Jerusalem cac'axan chic ka ri xubij ri Pedro chique, man chic c'a xech'on ta apo. Ri kach'alal ri' niquiya' c'a ruk'lij-ruc'ojlen ri Dios, y niqubij c'a: Ri Dios can xuya' c'a chuka' k'ij chique ri man e israelitas ta^b richin chi nitzolin-pe quic'u'x riq'uin rija', richin chi niqul quic'aslen riq'uin, xecha'.

E q'uiy ri yeniman richin ri Jesucristo ri pan Antioquía

19Y jac'a tok xc'ulvachitej ri rucamic ri Esteban, jari' tok ri kach'alal xquitej pokon pa quik'a' ri ye'etzelan quichin.^c Y romari' tok ec'o xebe c'a pa Fenicia, ec'o chuka' xebe c'a pa Chipre, y ec'o xebe c'a pan Antioquía, y niqutzijoj c'a ri ruch'abel ri Dios chique ri vinek ri can e israelitas vi. 20Pero ec'o c'a ch'aka' achi'a' ri e aj pa Chipre y e aj pa Cirene ri xe'apon ri pan Antioquía, y can man xe ta c'a chique ri vinek israelitas xquitzijoj-vi ri utzilej ruch'abel ri Ajaf Jesús ri nic'amon-pe colotajic, xa can xquitzijola' c'a chuka' chique ri vinek ri xa man e israelitas ta.^d 21Ri ruchuk'a' ri Ajaf Dios can c'o-vi quiq'uin^e ri achi'a' ri'. Romari' tok e janíla c'a e q'uiy vinek ri xeniman ri Ajaf. Can xtzolin c'a pe quic'u'x riq'uin ri Ajaf Jesucristo.^f

22Y ronojel c'a re' xapon rutzijol quiq'uin ri kach'alal ri ec'o pa tinamit Jerusalem. Y re kach'alal re' xquichilabej c'a chire ri Bernabé^g chi tibe c'a pan Antioquía. 23Y tok ri Bernabé xapon, xutz'et c'a chi ri Dios can ruyo'on-vi c'a ruk'a' pa ruvi' ri quisamaj ri kach'alal. Romari' janíla xquicot ránima ri Bernabé, y xubij c'a chique conojel chi can ticuker-vi quic'u'x riq'uin ri Ajaf Jesucristo,^h y chi can riq'uin ronojel cánima quec'oje' riq'uin.ⁱ 24Ri Bernabé, can jun achin c'a ri cukul ruc'u'x riq'uin ri Dios, y can nojinek-vi chuka' ri ránima riq'uin ri Lok'olej Espíritu. Rija' jun utzilej achin. Y ri vinek ri xeniman ri Ajaf Jesucristo, can janíla vi e q'uiy.^j Que c'a ri' xbanatej chupan ri k'ij ri'.

25Y ri Bernabé xbe c'a pa tinamit Tarso,^k chucanoxic ri Saulo.^l Y tok ri Bernabé xril-pe, xuq'u'en c'a pe pan Antioquía. 26Y chiri' xec'oje-vi quiq'uin ri kach'alal. Jun juna' c'a ri xec'oje' quiq'uin, roma rije' xequitijoj c'a janíla vinek riq'uin ri ruch'abel ri Dios. Y chiri' c'a pan Antioquía^m ri nabey xbix-vi cristianos chique ri e tzelbey richin ri Jesucristo.ⁿ

27Y chupan c'a ri tiempo ri', ec'o c'a ch'aka' kach'alal ri yek'alajirisan ri nibix chique roma ri Dios.^o Re kach'alal c'a re' xe'el-el ri pa Jerusalem, y xebe c'a pan Antioquía. 28Y jun c'a chique ri kach'alal ri', ja ri Agabo.^p Y roma ri Lok'olej Espíritu can ruyo'on-vi ch'abel chire, romari' tok xbepa'e-pe chiquivech ri kach'alal can xuk'alajirisaj-vi^q c'a chi xtipe jun nimalej vayjal pa ruvi' re ruvach'ulef; y ri nimalej vayjal ri' can xpe na vi ri pa ru-tiempo ri k'atoy-tzij rubini'an Claudio César. 29Y

b Ro. 10:12; 15:9. c Hch. 8:1. d Hch. 6:1; Ef. 3:8. e Lc. 1:66. f Hch. 9:35; 15:19.

g Hch. 9:27. h Hch. 13:43; 14:22. i Dt. 10:20; 1 Co. 15:58. j Hch. 5:14. k Hch. 9:11.

l Hch. 9:30. m Hch. 11:22. n Hch. 26:28; 1 P. 4:16. o Hch. 2:17; 13:1; 1 Co. 12:28.

p Hch. 21:10. q Ef. 4:11.

romari' ri kach'alal ri ec'o pan Antioquía xquich'ob c'a yequito-el' ri kach'alal ec'o pa Judea, chi chiquijujunal c'a niquiya-el ri janipe' yetiquir niquiya!^s ³⁰Y can jac'a ri Bernabé y ri Saulo ri requitek-el richin ja rije' ri xe'uc'uan-el ri janipe' xmolotej-el richin yequito' ri kach'alal niquitej vayjal. Y janipe' c'a ri quic'uan-el ri Bernabé y ri Saulo, xquijech c'a pa quik'a' ri achi'a' uc'uey quichir' ri kach'alal aj pa Judea.

Tok ri Herodes rucamisan chic ri Jacobo, xutek ruchapic ri Pedro

12 ¹Ri rey Herodes chupan ri tiempo ri', ec'o c'a e ca'i-oxi' chiquicojol ri kach'alal ri xeruchop-el, richin chi yeruya' na pa tijoj-pokonal. ²Y can chi machet c'a xutek rucamisaxic ri Jacobo^r ri rach'alal ri Juan. ³Y roma ri Herodes xutz'et chi ri xuben chire ri Jacobo xa can xka' chiquivech ri israelitas ri man quiniman ta ri Jesucristo, rija' xutek c'a chuka' ruchapic ri Pedro. Re' xbanatej chupan ri nimak'ij pascua, tok nitij c'a chuka' caxlan-vey ri xa manek ch'en (ch'amilej-k'or) riq'uín.^y ⁴Tok chapon chic c'a pe ri Pedro, ri Herodes xutek-el c'a pa cárcel. Y roma ri Herodes ruch'obon chic chi c'a nic'o na can ri nimak'ij rubin'an pascua,^w c'ari' c'a xtrelesaj-pe richin nuk'et tzij pa ruvi' ri Pedro, chiquivech ri vinek, romari' can e caji^x c'a sol chajinela' ri xerucusaj richin niquichajij ri Pedro. Y can e caji' achi'a' ec'o pa jujun sol. ⁵Ri Pedro c'o c'a pa cárcel, y chajin jebel. Pero ri kach'alal ri ec'o chirí' pa tinamit, can quichapon c'a niquiben ora^z roma ri Pedro.

Tok ri Dios xutek-pe jun ángel chucolic ri Pedro

⁶Y can xe chic c'a ri junak'a' ri' nrajo' chi man napon ri ruch'obon ri Herodes, chi nrelesaj-pe ri Pedro y nuk'et tzij pa ruvi' chiquivech ri vinek. Y ri Pedro ximil c'a riq'uín ca'i' cadenas chiquicojol e ca'i' achi'a' chajinela', y niver. Y ri acuchi niban-vi-apo oquen ri pa cárcel ec'o c'a chuka' chajinela'. ⁷Y ri chirí' pa cárcel xapon c'a jun ángel^z richin ri Ajaf,^a y xsakir c'a ri chirí'. Ri ángel ri' xuyiquiya' ri Pedro richin xuc'asoj, y xubij chire: Chanin cayacatej.

Y ri cadenas, ri quiximben-vi ri ruk'a' ri Pedro, xetzak can. ⁸Y ri ángel xubij c'a chuka' chire ri Pedro: Tachojmirisaj c'a el avi', y tacusaj la axajab.

Y tok c'achojinek chic c'a ri Pedro, ri ángel xubij chire: Tabolkotij-el-avi' chupan la ak'u', y jo', xcha' ri ángel.

⁹Ri Pedro tzeketel c'a chirij ri ángel, pero man nril ta c'a achique nuch'ob, vi kitzij chi nicol-el roma ri ángel,^b o xa nachic'.^c ¹⁰Ri Pedro y ri ángel choj c'a xek'ax-el chiquicojol ca'i' sol chajinela'. Y tok xe'apon chuvech ri puerta banon riq'uín ch'ich', ri puerta ri' ruyon xjakatej^d chiquivech. Y rije' xe'el-el c'a pa bey richin ri tinamit, y xebe. Tok e biyinek chic c'a juba', ri Pedro xutz'et chi xa ruyon chic, roma ri ángel manek chic riq'uín. ¹¹Y jari' tok ri Pedro xuna' ruvech, y xubij: Vacami c'a, xinvetamaj chi ri ángel^e can kitzij vi chi takon-pe

r 2 Co. 9:1. s Ga. 2:10. t 1 P. 5:1. u Mt. 4:21; 10:2. v Ex. 12:14. w Mr. 14:1. x Jn. 19:23. y 2 Co. 1:11; Ef. 6:18. z Hch. 5:19; He. 1:14. a Sal. 34:7; Is. 37:36; Dn. 6:22. b He. 1:14. c Sal. 126:1; Hch. 10:3. d Hch. 16:26. e Dn. 3:28; 6:22.

roma ri Ajaf richin xinorucolo' can pa ruk'a' ri Herodes y chuvech ronojel ri quinojin ri nuvinak israelitas chi niquiben chuve, nicha-ka pa ránima ri Pedro.^f

¹²Rija' xuch'ob na c'a achique ri xtuben, y tok xch'obotej chuvech, xbe chirachoch ri María ri rute' ri Juan ri nibix chuka' Marcos chire.^g Y chupan ri jay ri' e q'uiy c'a kach'alal quimolon-qui' richin niquiben orar.^h ¹³Y tok ri Pedro xapon c'a chirachoch ri María y xoyon-apo ri pa puerta, xbe'el c'a pe jun xten rubini'an Rode. ¹⁴Re xten re', roma xrac'axaj chi ja ri Pedro ri noyon-apo ri pa puerta, janíla xquicot. Y roma xsach ruc'u'x, man xujek ta can ri puerta chuvech ri Pedro, y junanin xbe pa jay chubixic chi ri Pedro jari' ri noyon-apo ri pa puerta. ¹⁵Pero ri quimolon-qui' ri pa jay man xquinimaj ta ri xberubij ri Rode chique. Xa xquibij c'a chire ri xten: Xa xach'ujer la.

Y ri xten nubij chi can ja vi ri Pedro ri xrac'axaj rija'.

Y xquibij chire ri xten: Ri' man ja ta ri Pedro, xa ja chic ri ángel' chajiy richin, xecha'.

¹⁶Pero ri Pedro c'a noyon na apo ri pa puerta. Y ja tok xquijek ri puerta, xquitz'et c'a chi can ja na vi ri Pedro. Romari' can achique la xuna' ri cánima ri kach'alal ri', y xevolol chiquivech romari'. ¹⁷Pero rija' xuben c'a retal riq'uin ri ruk'a' richin man quevolol. Y xuchoy rutzijoxic chique ri xuben ri Ajaf Dios richin xrelesaj-pe ri pa cárcel, y xubij chuka' chique chi tiquiya' rutzijol chique ri Jacobo' y ri ch'aka' chic kach'alal. Y rija' xel c'a el richin xbe pa jun chic lugar.

¹⁸Y jac'a tok xseker ri ruca'n k'ij, ri achia' chajinela' man c'a niquil ta achique niquiben, roma ri Pedro ni ta retal chic. ¹⁹Y ri Herodes xutek c'a rucanoxic ri Pedro, pero ri achia' ri xebe canoy richin, man xbequila' ta pe. C'ari' c'a ri Herodes ri k'atoy-tzij, xeroyola' c'a ri achia' ri ec'o can chajinel, y tok e pa'el chic c'a apo chuvech, xuc'utula' c'a chique chi achique xuben ri Pedro. Y roma ri man jun etamayon, xubij chi quecamisex ri chajinela' ri'. Y ri Herodes xel c'a el ri pa Judea, y xbec'oje' pa Cesarea.

Ri Herodes xuc'ulvachij-el rucamic pa quik'a' jut

²⁰Ri rey Herodes can royoval c'a chique ri aj-Tiro y ri aj-Sidón. Pero ri aj-Tiro y ri aj-Sidón xquiya' c'a chiquivech richin yebe riq'uin ri Herodes. Y xquich'ec c'a ri jun rusamajel ri Herodes rubini'an Blasto, richin yeruc'uaj c'a chuvech ri rey y xtiquichojmirisaj chiquivech chi tiq'uis chiri' ri oyoval, roma ja ri chiri' pan Israel nel-vi-el ri nitij^k ri pa ca'i' tinamit, ri pa tinamit Tiro y ri pa Sidón. ²¹Y xbij c'a jun k'ij tok xtichojmirisex ri'. Y tok xapon ri k'ij, ri rey Herodes can xerucusaj c'a el ri tziek ri can yerucusaj jun rey. Xbetz'luye-pe ri pa ruch'acat,^l y xbec'h'on c'a pe chiquivech ri janipe' vinek quimolon-qui' ri chiri'. ²²Y ri vinek

f Sal. 34:7; 97:10; 2 Co. 1:8-10; 2 P. 2:9. g Hch. 12:25; 13:5, 13; 15:37; Col. 4:10; 2 Ti. 4:11; Flm. 24; 1 P. 5:13. h Hch. 12:5. i Gn. 48:16; Mt. 18:10. j Hch. 15:13; 21:18; Ga. 1:19; Stg. 1:1. k 1 R. 5:9; 2 Cr. 2:10, 15; Ez. 27:17; Hag. 1:8-11. l Mt. 27:19.

can riq'uin c'a ronojel cuchuk'a' yech'on-*apo*, y niqubij: La nich'on-pe chikavech can nik'alajin chi xa man jun achin ta, rija' can jun dios vi, yecha' c'a *apo*.^m

²³Y can chupan c'a ri misma hora ri', jun ángel richin ri Ajaf xuya' c'a jun yabil pa ruvi' ri Herodes, roma rija' xa man xubij ta chique ri vinek chi man tiquiya' ruk'ij, y man chuka' xuya' ta ruk'ij-ruc'ojlen ri Dios.ⁿ Ri Herodes xtij c'a coma jut, y jari' ri xoc-el chire richin xquen^o (xcom).

²⁴Y ri ruch'abel ri Dios xbe c'a rubixic chi nej chi nakaj, y e q'uiy c'a ri vinek ri yeniman.^p

²⁵Y ri Bernabé y ri Saulo yetzolin c'a pan Antioquía. Rije' xoquiya' c'a can ri pa Jerusalem, ronojel ri quitakon-pe ri kach'alal e aj pan Antioquía ri pa ru-tiempo ri vayjal. Pa quik'a' c'a ri uc'uey quichin ri kach'alal xoquiya-vi can.^q Y tok xetzolin, xquic'uj-el ri Juan ri nibix chuka' Marcos chire.^r

Tok ri Dios xerucha' ri Bernabé y ri Saulo

13 ¹Ri chiquicojol ri kach'alal ri niquimol-qui' pa rubi' ri Dios ri pan Antioquía,^s ec'o c'a kach'alal ri yek'alajirisan ri nibix chique roma ri Dios, y ec'o chuka' tijonela' ri yetijon quichin ri kach'alal chupan ri ruch'abel ri Dios, achi'el ri Bernabé,^t ri Simón ri nibix chuka' Niger chire, ri Lucio ri aj-Cirene, ri Manaén ri junan xq'uiytisex riq'uin ri Herodes ri xk'aton tzij chiri' pa Galilea, y ri Saulo. ²Y jun k'ij, tok man c'a e va'inek ta richin niquiya' ruk'ij ri Ajaf Dios, ri Lok'olej Espíritu xubij c'a chique: Ri Bernabé y ri Saulo can c'o jun quisamaj. Roma c'a ri' que'ich'ara^u can richin ri samaj' ri', xcha'.

³Y ri k'ij c'a ri can quibanon chi man e va'inek ta richin niqubien orar, jac'ari' tok xquiya' quik'a' pa quivi' ri Bernabé y ri Saulo, richin yebe chubanic ri samaj^w ri rubin can ri Lok'olej Espíritu.

Ri Bernabé y ri Saulo niquitzijoj ri ruch'abel ri Dios pa Chipre

⁴Y can jac'ari' tok ri Bernabé y ri Saulo xetak-el roma ri Lok'olej Espíritu. Romari' rije' xebe ri pa Seleucia. Y ri chiri' xe'oc-el pa jun barco richin xek'ax-*apo* ri pa Chipre.^x ⁵Y tok ec'o chic ri pa tinamit Salamina ri chiri' pa Chipre, xquichop c'a rutzijoxic ri ruch'abel ri Dios ri pa tak jay ri can richin vi chi ri israelitas niquimol-qui' richin nicac'axaj ri ruch'abel ri Dios. Ri Bernabé y ri Saulo quic'uan-el jun to'onel quichin y ri' ja ri Juan ri nibix chuka' Marcos chire.^y ⁶Ri Chipre jun c'a ruvach'ulef ri pa ya' c'o-vi. Romari', tok ri Bernabé, ri Saulo y ri Juan e k'axinek chic el chupan ri ruvach'ulef ri', xe'apon c'a ri juc'an chic ruchi'. Xe'apon ri pa tinamit rubini'an Pafos. Y chupan ri tinamit ri' c'o c'a jun achin israelita rubini'an Barjesús, jun achin aj-it^z, y jun chuka' tz'ucuy-tzij, roma rija' nubij chi can nuk'alajirisaj c'a ri nibix chire roma ri Dios. ⁷Y ri jun

m Jud. 16. n Sal. 115:1. o 1 S. 25:38. p Is. 55:11. q Hch. 11:29, 30. r Hch. 12:12. s Hch. 14:26. t Hch. 11:22. u Nm. 8:14. v Mt. 9:38. w Hch. 14:26; 15:40. x Hch. 4:36. y Hch. 12:25. z Ex. 22:18; Lv. 20:6; Dt. 18:10.

achin rubini'an Sergio Paulo jac'ari' ri k'atoy-tzij^a ri chiri', jun achin ri can c'o-vi etamabel riq'uin. Y jac'a riq'uin rija' ri nisamej-vi ri Barjesús ri achin aj-itz. Ri Sergio Paulo ri k'atoy-tzij xutek c'a coyoxic ri Bernabé y ri Saulo, roma nrajo' nrac'axaj ri ruch'abel ri Dios. ⁸Pero ri aj-itz^b ri nisamej riq'uin, ri nibix chuka' Elimas chire, man c'a xrajo' ta. Xrajo' ta xuben chire ri Sergio Paulo chi man ta nunimaj ri Jesucristo. ⁹Pero ri Saulo, ri rubini'an chuka' Pablo, can nojinek c'a ri ránima riq'uin ri Lok'olej Espíritu.^c Rija' xutzu-xutzu' ri achin aj-itz, ¹⁰y xubij chire: Rat xa nojinek avánima riq'uin ronojel ruvech k'oloy y riq'uin ronojel ruvech etzelal. Xa at jun ralc'ual ri itzel-vinek,^d roma navetzelaj ronojel ri utz. Rat xa can xotoxic nabén chire ri chojmilej bey richin ri Ajaf Dios. ¿Can man camí xcatane' ta chubanic ri? ¹¹Vacami c'a, ri Ajaf Dios xtuya-pe ruc'ayeval pan avi!^e Xcamoyir, y xtic'o c'a jun tiempo ri man xtatz'et ta ruvech ri k'ij.

Y can xe c'a xubij queri' ri Pablo, can jac'a chuka' ri' man xtzu'un ta chic^f ri achin aj-itz. Romari' rija' nucanoj c'a jun ri niyukén richin, roma xmake' can pa k'eku'n. ¹²Tok ri Sergio Paulo ri k'atoy-tzij rutz'eton chic ka ri xc'ulvachitej, man nril ta c'a achique nuch'ob chirij ri ruch'abel ri Ajaf. Y rija' xunimaj c'a chupan ri k'ij ri'.

Ri Pablo y ri Bernabé niqitzijoj ruch'abel ri Dios pa jun tinamit rubini'an chuka' Antioquía

¹³Y ri Pablo y ri rachibil xquiya' c'a can ri tinamit Pafos. Xquic'ovisaj-apo ri ya' richin xebe pa tinamit Perge ri c'o pa Panfilia. Jac'a ri Juan ri rubini'an chuka' Marcos,^g xerumalij can^h ri rachibil y xtzolin pa Jerusalem. ¹⁴Y tok ri Pablo y ri Bernabé e k'axinec chic el ri pa Perge, xebe c'a pa jun chic tinamit ri rubini'an chuka' Antioquía. Y re tinamit re' pa Pisidia c'o-vi. Y chupan c'a ri k'ij richin uxlanen, rije' xebe c'a pa jun jay ri can nitzijox-vi ri ruch'abel ri Dios,ⁱ y xebetzu'ye'. ¹⁵Jac'a tok xsiq'uix-ka ri ley richin ri Moisés^j y ri e quitz'iban can ri achia' ri xek'alajirisan^k ri ruch'abel ri Dios ojer can, ri principal-i' chupan ri jay' ri' c'o c'a jun ri xquitek-apo riq'uin ri Pablo y ri Bernabé, richin xberubij chique: Vach'alal, vi c'o c'a jun chive rix ri nrajo' nubij ca'i-oxi' ch'abel chique re quimolon-qui' vave', utz nubij, xcha' ri xapon quiq'uin.

¹⁶Y ri Pablo can jac'ari' xpae', y xuben c'a retal riq'uin ruk'a^m chi man jun tich'on, y xuchop c'a rubixic chique: Tivac'axaj rix nuvinak israelitas y tivac'axaj c'a rix ri man ix israelitas ta ri can nixibij-ivi' yixmacun chuveh ri Dios; tivac'axaj c'a re xtinbij chive: ¹⁷Ri ka-Dios roj israelitas can xerucha' c'a ri kati't-kamama', y xuben c'a chique chi xe'oc jun nimalej tinamit tok can c'a

a Hch. 18:12. b Ex. 7:11; 2 Ti. 3:8. c Hch. 4:8. d Gn. 3:15; Mt. 13:38; Jn. 8:44; 1 Jn. 3:8. e Ex. 9:3; 1 S. 5:6, 9, 11; Job 19:21; Sal. 32:4; 38:2; 39:10, 11. f 2 R. 6:18. g Col. 4:10. h Hch. 15:38. i Hch. 9:20; 17:2. j Hch. 15:21. k Lc. 4:17. l Mr. 5:22. m Hch. 12:17.

ec'o na chiri' pan Egipto,ⁿ ruvach'ulef ri xa man quichin ta rije'. Ri Dios can riq'uin c'a ri ruchuk'a' xerelesaj-pe ri chiri'.^o 18Y ri jubama cavinek juna^p ri xquic'ovisaj chupan ri tz'iran ruvach'ulef, ri Dios xucoch' ri quibanobal. 19Y xuben chuka' chi ri pa ruvach'ulef rubini'an Canaán xeq'uis ri vinek quichin vuku' tinamit,^q xaxe richin chi ri ulef ri' xuya' can pa quik'a' ri kati't-kamama'.^r 20C'ari' ri Dios xuya' jun ruvech k'atbel-tzij pa quivi', ri nibix juez^s chire. Y jac'a ri Samuel ri ruq'uisibel juez ri xc'oje'.^t Y ri Samuel can jun c'a chuka' chique ri xek'alajirisan ri ruch'abel ri Dios ojer can. Caji' c'a ciento juna' riq'uin nic'aj xek'aton tzij ri jueces pa quivi' ri kati't-kamama'. 21Pero rije' jun rey ri xcajo' richin nik'aton tzij pa quivi'.^u Y ri Dios can xuya-vi c'a ri qui-rey. Y cavinek juna' c'a xk'aton tzij pa quivi' ri kati't-kamama' ri jun rey xubini'aj Saúl. Ri Saúl ri' ruc'ajol c'a ri achin rubini'an Cis. Y ri Saúl jun riy-rumam can ri Benjamín.^v 22Y tok ri Dios xrajo' chi ri Saúl xel che rey, xuya' ri David richin chi xoc rey.^w Ri Dios can xubij c'a chirij ri rey David: Can c'o-vi jun ri xtuben ri nurayibel y can nika' chinuvech. Yin can nintz'et c'a chi ri xtibanon queri' ja ri David ri ruc'ajol ri Isaf. Queri' xubij ri Dios. 23Y jun c'a chique ri riy-rumam ri rey David, ja ri Jesús.^x Y ja ri Jesús ri yo'on-pe roma ri Dios richin yojrucol roj israelitas, can achi'el ri rusujun-vi chike. 24Y tok c'a man jani toka' ri Jesús, ri Juan ri Bautista^y xubij c'a chique ri kavinak israelitas chi titzolej-pe quic'u'x riq'uin ri Dios, y queban bautizar. 25Jac'a tok ri Juan napon yan chuveh ri camic, rija' xubij: ¿Achique c'a yin, nich'ob rix? Roma man ja ta yin ri Cristo. Roma ri Cristo c'a man jani tuchop samaj chi'icojol, y can jan'la ruk'ij. Y yin man ruc'amon ta c'a ni richin ninsol ri ruximbal ruxajab^z rija', xcha' c'a.

26Rix nuvinak israelitas, ri can oj riy-rumam can ri katata' Abraham, y rix ri man ix israelitas ta, ri can nixibij-ivi' yixmacun chuveh ri Dios, ninbij c'a chive, chi ri ruch'abel ri Dios, ri can nich'on c'a chirij ri colotajic, can ivichin c'a rix yo'on-pe. 27Xa ja ri vinek ri ec'o pa Jerusalem y ri principal-i' chuka' ri ec'o chiquicojol, xa jari' ri man xenaben ta achique ri' ri Jesús,^a ni man chuka' k'axinek ta chiquivech ri ruch'abel ri Dios tz'ibatel can coma ri achi'a' ri xek'alajirisan ri ruch'abel ojer can.^b Y pa ronojel c'a k'ij richin uxlanen nisiq'uix ri pa tak jay ri can richin nitzijox ruch'abel ri Dios. Romari', tok rije' xquibij chi tika' ri camic pa ruvi' ri Jesús, can ja rije' ri xeto'on chi kitzij xbe'el ri nubij ri ruch'abel ri Dios.^c 28Pero ri vinek y ri principal-i', stape' man jun rumac ri Jesús xquil richin nicamisex, rije' xquic'utuj chire ri k'atoy-tzij rubini'an Pilato chi ticamisex.^d 29Y chupan ri ruch'abel ri Dios, can tz'ibatel c'a can ronojel ri xtiban chire ri Jesús, y can queri' xbanatej.^e Chuka' ec'o ri xebekasan-pe

n Ex. 1:1, 7, 12. o Ex. 13:14, 16; Dt. 7:6-8. p Ex. 16:35. q Dt. 7:1. r Jos. 14:1, 2. s Jue. 2:16; 3:9. t 1 S. 7:15. u 1 S. 8:5. v 1 S. 9:1, 2; 10:1. w Os. 13:11. x Ro. 1:3. y Mt. 3:1. z Jn. 1:20, 27. a Jn. 8:28; 15:21; 16:3; Hch. 3:17. b 1 Co. 2:8. c Lc. 24:27. d Mt. 27:22, 23; Lc. 23:22, 23. e Jn. 19:28, 30, 36, 37.

chuva ri cruz, y c'ari' xbequimuku' can.^f 30Y ri Dios xuben chire ri Jesús chi xbec'astej-pe.^g 31Y q'uiy c'a k'ij ri xuc'utula-ri' ri Jesús chiquivech^h ri e benek riq'uín tok xel-el ri pa Galilea' richin xbe pa Jerusalem. Y jac'a ri zetz'eton richin, jari' ri yek'alajirisan ri Jesús chique ri vinek.

32Y roj, can jac'a ri utzil ri rusujun ri Dios chique ri kati't-kamama' ri ojer can, jac'ari' ri nikatzijoj chive.^j 33Roma xa can c'a ja re chikavech roj ri quiy-quimam can ri xbanatej ri rusujun can ri Dios. Rija' xuben c'a chi xbec'astej-pe ri Jesús, can achi'el vi ri nubij chupan ri ruca'n salmo: Ja rat ri Nuc'ajol. Romari' vacami ninya' ac'aslen,^k nicha'. 34Y ri ruch'abel ri Dios nubij c'a chuka': Ri utzil ri nusujun chire ri rey David, can kitzij vi, y can ninya' chuka' chive rix,^l nicha'. Queri' xubij ri Dios richin nuc'ut chikavech chi ri Jesús can xc'asox-vi roma ri Dios chiquicojol ri caminaki', y man chic xtiquen ta (xticom ta). 35Y ri David nubij-vi c'a chuka' chupan ri vuj rubini'an Salmos: Man c'a xtaya' ta k'ij chi ri ruch'acul ri Lok'olej Ac'ajol nik'ey ta,^m nicha'. 36Pero ri David, tok xa can ruq'uison chic c'a can ri samaj ri ruy'on-pe ri Dios chire, xquen (xcom), y xbemuk can ri acuchi e mukul-vi ri e rati't-rumama'. Xa can xk'ey-vi c'a ri.ⁿ 37Jac'a ri ruch'acul ri Jesús man xk'ey ta, roma ri Dios can xuben-vi c'a chire chi xbec'astej-pe chiquicojol ri caminaki'. 38Roma c'a ri' nuvinak israelitas, tivetamaj c'a chi xaxe roma ri Jesús tok nitzijox chive chi c'o cuyubel-mac.^o Y ja ri ruch'abel rija' ri kac'amon-pe chive. 39Roma ri ley richin ri Moisés man nitiquir ta nuben chive chi man jun imac nic'ulun chuveh ri Dios. Man achi'el ta ri nuben ri Jesús. Y conojel c'a ri xqueniman richin, man jun c'a quimac xquec'ulun chuveh ri Dios.^p 40Can tichajij c'a ivi', chi man ta pan ivi' rix tika-vi ri quitz'iban can ri achi'a' ri xek'alajirisan ri ruch'abel ri Dios ojer can. Chupan ri e quitz'iban can rije', ri Dios nubij:

41 Rix ri yixetzelan ri nuch'abel, titzu' c'a ri nimalej ruc'ayeval ri nika-pe pan ivi', y quixq'uis c'a, roma ri nimalej ruc'ayeval ri xtinya' pan ivi', can richin c'a chi nitej janíla pokon.

Jac'a rix, can man xtanimaj ta, stape' c'o jun ri niyo'on rutzijol chive.^q Queri' rubin can ri Dios, xcha' ri Pablo.

42Y jac'a tok ri Pablo y ri Bernabé xe'el-pe ri chiri' pa jay ri can richin vi chi ri israelitas niquimol-qui' richin nicac'axaj ri ruch'abel ri Dios, jari' tok ri vinek ri man e israelitas ta^r xquibij c'a chique: Yixkoyobej c'a ri vukubix apo, richin queri' nikac'axaj jun bey chic ri ch'abel ri ic'amon-pe.

43Y tok ri vinek ri quimolon-qui' chiri' xquitaluj c'a el qui', e q'uiy c'a ri xebe chiquij ri Pablo y ri Bernabé. Ec'o c'a israelitas, y ec'o c'a ri xa man e israelitas

f Lc. 23:53. g Mt. 28:6; Hch. 2:24, 32; He. 13:20. h Hch. 1:3; 1 Co. 15:5. i Mt. 28:16. j Gn. 12:3. k Sal. 2:7; Ga. 3:16; He. 5:5, 6. l Is. 55:3. m Sal. 16:10. n Sal. 78:72. o Jer. 31:34; Dn. 9:24. p Is. 53:11; Ga. 2:16. q Hab. 1:5. r Hch. 13:16.

ta ri can niqubien chuka' ri nubij ri ley richin ri Moisés, roma can e yo'ol-vi ruk'ij ri Dios. Y xbix c'a chique coma ri Pablo y ri Bernabé, chi can ticuker quic'u'x riq'uin ri Dios ri niyo'on ri utzil' chique ri vinek, xecha' chique.

⁴⁴Y chupan c'a ri k'ij richin uxlanen ri jun chic semana, xa jubama conojel ri vinek ri ec'lo chiril' pa tinamit ri xquimol-qui' richin nicac'axaj ri ruch'abel ri Dios. ⁴⁵Roma c'a ri', ri vinek israelitas ri man niqunimaj ta ri Jesús, tok xquitz'et chi e janfla vinek ri xe'apon, janfla itzel xquina', y niqubila' chi ri nubij ri Pablo xa man ja ta ri kitzij, y niqiyok' c'a. ⁴⁶Y ri Pablo y ri Bernabé man c'a xquixibij ta qui' chiquivech richin xquibij chique: Can nic'atzin c'a chi nabey na chivech rix ri kavinak^u nokabij-vi ri ruch'abel ri Dios, pero rix xa man nika' ta chivech. Y riq'uin ri' can nik'alajin c'a chi man ruc'amon ta chive rix ri c'aslen ri man q'uisel ta. Romari' quiq'uin ri vinek ri man e israelitas ta' ri yojbe-vi. ⁴⁷Y can jac'a ri Ajaf Dios biyon chike. Can rubin c'a:

At nuyo'on c'a richin sakil quichin ri vinek ronojel ruvach'ulef,^w
y avoma rat xtiqil colotajic ri vinek ec'lo chi nej chi nakaj.

⁴⁸Y tok ri vinek ri man e israelitas ta xcac'axaj c'a ri ch'abel xbix-ka, can janfla c'a xequicot pa cánima, y xquiya' c'a ruk'ij-ruc'ojlen^x ri ruch'abel ri Ajaf Dios. Y can e janipe' c'a ri c'lo chi niquil na ri c'aslen ri man q'uisel ta, xquinimaj. ⁴⁹Y ri ruch'abel ri Ajaf Dios xbetzijox c'a chi nej y chi nakaj, ri chiril' pa ruvach'ulef ri'. ⁵⁰Jac'a ri vinek israelitas ri man niqunimaj ta ri Jesús, xebe quiq'uin ri ixoki' ri man e israelitas ta, pero xa can niquiya-vi ruk'ij ri Dios. Ri ixoki' ri' can c'lo-vi quik'ij. Y xebe chuka' quiq'uin ri achi'a' c'lo quik'ij ri chiquicojol ri vinek, richin xbequiya' quina'oj, richin yecokotaj-el ri Pablo y ri Bernabé ri chiril' pa ruvach'ulef. Y can queri' vi xquiben-el chique.^y ⁵¹Romari' rije' xquitotala' c'a can (xquiquirala' c'a can) ri pokolaj ri c'lo pa caken chiquivech ri vinek, richin queri' tiquetamaj chi man utz ta ri ye'ajin chubanic.^z Y rije' xebe c'a pa jun chic tinamit rubini'an Iconio. ⁵²Y conojel c'a ri can e kach'alal chic ri ec'lo chiril' pan Antioquía ri c'lo pa Pisidia, can nojinek-vi c'a cánima riq'uin quicoten^a y ri Lok'olej Espíritu.

Tok ri Pablo y ri Bernabé xec'oje' ri pa tinamit Iconio

14 ¹Y ri Pablo y ri Bernabé xe'apon c'a ri pa tinamit rubini'an Iconio. Rije' xe'apon c'a pa jun jay ri can richin vi chi niqumol-qui' ri israelitas richin nicac'axaj ri ruch'abel ri Dios. Y ri ruch'abel ri Dios ri xquibij rije' chique ri vinek, can xuben c'a chique chi janfla e q'uiy ri xquinimaj ri Jesucristo. Ec'lo c'a israelitas y ec'lo c'a chuka' ri man e israelitas ta ri xeniman.^b ²Jac'a ri israelitas ri man xquinimaj ta, yequetzelaj ri xeniman ri Ajaf Jesucristo. Romari' rije' xquiyala' quina'oj^c ri man e israelitas ta, richin queri' quequetzelaj ri xeniman

s Tit. 2:11; He. 12:15; 1 P. 5:12. t Hch. 18:6; 1 P. 4:4; Jud. 10. u Hch. 3:26. v Dt. 32:21; Is. 55:5; Ro. 1:16; 10:19. w Is. 42:6; 49:6. x Hch. 2:47. y 1 Ts. 2:15, 16; 2 Ti. 3:11. z Lc. 9:5. a 1 P. 1:8. b Hch. 17:4. c Hch. 13:50.

ri Ajaf Jesucristo. ³Romari' ri Pablo y ri Bernabé c'a xec'oje' na c'a q'uiy k'ij quiq'uin ri kach'alal. Y roma can quicukuban quic'u'x riq'uin ri Ajaf Jesucristo, romari' can man jun c'a xibinri'il quiq'uin richin niquitzijo' ri ruch'abel ri Dios chique ri vinek, ch'abel ri nik'alajirisan ri rutzil ri Dios chiquivech. Y ri Dios can nuk'alajirisaj c'a chiquivech ri vinek, chi ri niqubij ri Pablo y ri Bernabé can e kitzij vi. Y romari' yequibanala' c'a q'uiy milagros.⁴ ⁴Romari' ri tinamit ca'i' c'a rubanon, roma ch'aka' yequito' ri israelitas ri man quiniman ta, y ri ch'aka' chic yequito' ri Pablo y ri Bernabé ri e apóstoles. ⁵Y jac'a tok ri vinek israelitas ri' y ri man e israelitas ta chuka' y ri quik'atoy tak tzij quiyo'on chiquivech chi janíla xtiqubiben chique ri Pablo^e y ri Bernabé, y hasta xquequicamisaj chi abej, ⁶ri Pablo y ri Bernabé xa xquinabej ri ch'obon chiquij. Romari' rije' xquevala-el-qui' richin xebe c'a pa Listra y c'a pa Derbe, ri tinamit ri ec'o pa Licaonia. Chuka' xebe pa ch'aka' chic lugar ri ec'o-pe chiquinakaj ri ca'i' tinamit ri'. ⁷Rije' jac'a ri pa tak tinamit y ri pa tak lugar ri' xquitzijoj-vi ri ch'abel richin colotajic.

**Ri vinek aj pa Listra xa xjalatej c'a quich'obonic
y romari' xquiq'uek chi abej ri Pablo**

⁸Y jac'a ri chiri' pa tinamit rubini'an Listra, c'o c'a jun achin ri can pa ralaxic chi man nitiquir ta nibiyin.^f Can man jun bey c'a biyinek ta juba'. Y re achin c'a re' tz'uyul ri chiri'. ⁹Rija' nrac'axaj c'a ri najin chubixic ri Pablo. Y ri Pablo xutz'et c'a chi ri achin ri' can rucukuban-vi ruc'u'x riq'uin ri Dios richin nic'achojirisex. ¹⁰Romari' ri Pablo can riq'uin ruchuk'a' xch'on chire ri achin, y xubij chire: Capa'e' c'a el choj.

Y ri achin can jari' jutzoc' xuya', xpa'e-el y xuchop nibiyin-el.^g ¹¹Tok ri vinek xquitz'et ri xuben ri Pablo, ri vinek xech'on c'a pa Licaónica, ri quich'abel rije'. Y can riq'uin c'a cuchuk'a' xquibila' ri pa quich'abel: Re achí'a' re yekatz'et, can ja ri e ka-dios^h ri e kajinek-pe chikacojol vacami.

¹²Niquibila' c'a chi ri Bernabé jari' ri qui-dios rubini'an Júpiter, y ri Pablo jari' ri qui-dios rubini'an Mercurio, roma ja rija' ri uc'uayon ri ch'abel. ¹³Y ri Júpiter ri qui-dios ri vinek ri', can c'o c'a jun rusamajel, y ri dios ri' c'o c'a chuka' rachoch c'a chuchi' el ri tinamit. Ri rusamajel c'a ri Júpiter c'a pa tak puertas c'a xeruc'uaj-vi ri váquix ri e vikon-pe (e vekon-pe) riq'uin cotz'ilj. Rija' y ri vinek nicajoj' c'a niquiya' quik'ij ri Pablo y ri Bernabé, romari' tok e quic'amalon-pe ri váquix richin yequicamisaj. ¹⁴Pero tok ri apóstol Bernabé y ri apóstol Pablo xquinabej ri niquich'ob ri vinek, rije' xpe bis pa cánima, y romari' rije' xquiretzela' ri quitziak ri cucusan. Y can jac'ari' tok xe'oc chiquicojol ri vinek, y niqubila' c'a chique: ¹⁵¿Achique roma tok rix niben quere'? Roj oj vinek achí'el rix, y oj petenek iviq'uin richin nokabij chive chi timestaj can re na'oj que tak re', ri xa man jun utz nuq'u'en-pe chive,ⁱ y tinimaj c'a ri c'aslic Dios ri banayon

d Mr. 16:20; Ro. 15:19; He. 2:4. e 2 Ti. 3:11. f Hch. 3:2. g Is. 35:6. h Hch. 28:6. i 1 S. 12:21.

ronojel.^j Ri banayon ri caj y ri ec'o chupan, ri banayon re ruvach'ulef y ri ec'o chuveh, ri banayon ri mar y ri ec'o chupan. ¹⁶Y stape' ri ojer can, ri Dios can xuya-vi k'ij chique ri vinek ri man e israelitas ta, chi xequic'uuala' ri bey ri xeka' chiquivech.^k ¹⁷Pero can ruk'alajirisan-vi c'a ri^l chiquivech riq'uin ri nuya-pe job^m ri chicaj, nuya-pe tico'n. Y can nuya' c'a pe ronojel richin nitij, richin queri' niqicot ri cánima. Can ruyo'on-vi-pe rutzil pa kavi' konojel, xecha'.

¹⁸Y stape' ri Pablo y ri Bernabé xquibij chique, can c'arunaj xetiquir xquiben chique ri vinek chi man xequicamisaj ta ri váquix richin niquiya' quik'ij rije'.

¹⁹Y ri chiri' pa tinamit Listra ec'o c'a israelitas ri e apovinek. Ri israelitas c'a ri' e petenek c'a pa tinamit Antioquíaⁿ y pa tinamit Iconio.^o Y re israelitas re' xquiya' quina'oj ri vinek aj chiri' pa Listra, y can xech'acon-vi chiquij, roma ri vinek aj chiri' xquiq'uek c'a chi abej ri Pablo, y c'ari' xquikirirej-el y xbequitorij can chuchi' ri tinamit, roma rije' xquich'ob chi ri Pablo caminek chic. ²⁰Y jac'a tok ri kach'alal quimolon-apo-qui' chirij ri Pablo, rija' xa xbepa'e-pe, y xtzolin chic c'a pa tinamit. Y pa ruca'n k'ij rija' y ri Bernabé xebe c'a pa jun tinamit rubini'an Derbe.

²¹Y ri chiri' pa tinamit Derbe xquitzijoj c'a ri ch'abel richin colotajic. Y janfla c'a e q'uuy vinek ri xeniman ri Jesús. Y c'ari' xetzolin. Y xebek'ax chic c'a pe ri pa Listra, ri pan Iconio y ri pan Antioquía. ²²Y ri tinamit ri xebek'ax-vi-pe, xquicukubala' c'a can quic'u'x ri kach'alal, y xquibila' can chique chi ticuker quic'u'x riq'uin ri Jesucristo. Roma nic'atzin chi riq'uin janfla tijo-pokona^p yojoc pa rajavaren o pa ruk'a' ri Dios. ²³Y xequichojmirisala' can ri samaj chiquicojol ri kach'alal. Xequicanola' can achi'a' uc'uey quichin ri kach'alal.^q Queri' xquibanala' can ri pa tak tinamit ri xek'ax-vi. Y can man c'a xquitej ta quivay richin xquiben orar, y xequijech can pa ruk'a' ri Ajaf ri quiniman chic.

Tok ri Pablo y ri Bernabé xetzolin pan Antioquía ri c'o pa ruvach'ulef Siria

²⁴Y c'ari' xebek'ax-pe ri pa Pisidia, y xe'apon ri pa ruvach'ulef Panfilia. ²⁵Y xquitzijoj c'a ri ruch'abel ri Dios ri chiri' pa tinamit Perge. Y c'ari' xebe ri pa tinamit Atalia. ²⁶Y ri chiri' pan Atalia xe'oc c'a el pa jun barco richin yetzolin c'a pan Antioquía, ri tinamit acuchi ri kach'alal e quijachon c'a el pa ruk'a' ri Dios ri Pablo y ri Bernabé, chi ja ta ri rutzil ri Dios ye'uc'uan, richin nequibana' ri samaj.^r Y vacami ri samaj ri' xc'achoj yan can. ²⁷Y tok ri Pablo y ri Bernabé xe'apon ri pan Antioquía, xequimol c'a conojel kach'alal ri niqimol-qui' pa rubi' ri Dios ri chiri', y c'ari' xquichop rubixic chique ri janipe' xeruto' ri Dios richin xquitiquiriba' can ri samaj, y ri xuben ri Dios, chi chuka' ri vinek ri man e israelitas ta, utz chuka' niqinimaj ri Jesucristo y niqil colotajic. ²⁸Y ri Pablo y ri Bernabé xec'oje' c'a ka q'uuy k'ij quiq'uin ri kach'alal aj-Antioquía, ri tinamit c'o pa ruvach'ulef Siria.

j Jer. 14:22. k Hch. 17:30. l Ro. 1:20. m Job 5:10. n Hch. 13:45. o Hch. 14:1, 2. p Mt. 10:38; 16:24; Ro. 8:17. q Tit. 1:5. r Hch. 13:1-3.

Ri ruc'uaxic ri ley ri richin ri Moisés xa jun ejka'n

15 ¹Ec'o c'a ach'i'a' ri e petenek pa Judea y xe'apon ri chiri' pan Antioquía, ri tinamit c'o pa ruvach'ulef Siria, niqubila' c'a chique ri kach'alal chi richin cha niqil ri colotajic, c'o c'a chi niban ri circuncisión chique,^s circuncisión ri nubij chupan ri ley richin ri Moisés. ²Y ri Pablo y ri Bernabé can jan'la vi xquich'ojij chique ri yebin queri'. Roma c'a ri', ri kach'alal ri ec'o chiri' xequicha' c'a el ri Pablo y ri Bernabé y chuka' ch'aka' chic kach'alal, richin yebe c'a pa tinamit Jerusalem' quiq'u'in ri apóstoles ec'o chiri' y ri uc'uey quichin ri kach'alal, richin nichojmirisex-pe, vi niban o man niban ta ri circuncisión chique ri kach'alal ach'i'a' man e israelitas ta.

³Y can xetak-vi c'a el ri ach'i'a' ri e cha'on richin yebe c'a pa Jerusalem. Xetak c'a el coma ri kach'alal ri can niqimol-vi-qui' pa rubi' ri Dios chupan ri tinamit ri'. Y ri e cha'on-el xebe c'a, y xek'ax ri pa tak tinamit ri ec'o pa Fenicia y ri pa Samaria, y niqitzijola' c'a can chique ri kach'alal chi e q'uuy vinek ri man e israelitas ta ri xquinimaj ri Jesucristo^u y xjalatej quic'aslen. Y ri kach'alal c'a ri xe'ac'axan can, jan'la c'a xquicot can cánima.

⁴Y tok xe'apon pa Jerusalem ri e takon-el, can xec'ul-vi c'a coma ri kach'alal^v e aj chiri', coma ri ach'i'a' uc'uey quichin ri kach'alal y coma chuka' ri apóstoles ri can chiri' ec'o-vi. Y ri Pablo y ri Bernabé xquichop c'a rutzijoxic chique, chi ri Dios jan'la e ruto'on rije', y romari' e q'uuy vinek man e israelitas ta ri xeniman yan ri Jesucristo,^w xecha'.

⁵Y ec'o c'a ach'i'a' fariseos ri quiniman chic ri Jesucristo, ri xebepa'e-pe y xquibij c'a: Ri kach'alal ri man e israelitas ta, tibix chique chi c'o chi niban ri circuncisión chique, y chi tiquibana' chuka' ri nubij chupan ri ley richin ri Moisés, xecha'.

⁶Y romari' ri apóstoles y ri uc'uey quichin ri kach'alal xquiben c'a jun molojri'il richin niqichoimirisaj, vi can niban o man niban ta ri circuncisión chique ri kach'alal man e israelitas ta. ⁷Y tok q'uuy c'a chic e ch'ovinek-ka chirij ri na'oj ri', ri Pedro xpa'e', y xubij c'a: Vach'alal, rix ri' noka' chi'ic'u'tx chi c'o yan juba' tiempo tic'o chire tok ri Dios xirucha-el chi'icojol richin chi xintzijoj ri utzilej ch'abel richin colotajic chiquivech ri vinek ri man e israelitas ta, richin queri' tiquinimaj chuka' rije!.* ⁸Ri Dios can xuk'alajirisaj chi yeruc'ul ri vinek ri'. Romari' xuya-pe ri Lok'olej Espíritu pa quivi!^y roma xutzul' ri cánima.^z Junan c'a ri xuben ri Dios chike roj israelitas y chique ri man e israelitas ta. ⁹Can man jun kacojol xuben.^a Rije' can xquinimaj ri Jesucristo. Romari' tok ri Dios xuch'ajch'ojirisaj chuka' ri cánima. ¹⁰Y rix ¿achique c'a roma tok nivajo' nitejtobej ri Dios? ¿Achique c'a roma tok nivajo' niya' jun ejka'n pa quivi' ri kach'alal ri man e israelitas ta? Roma ri ruc'uaxic ri ley

s Ga. 2:11, 12. t Ga. 2:1. u Hch. 14:27. v Hch. 21:17. w Hch. 14:27. x Hch. 10. y Hch. 10:44; 11:15. z 1 Cr. 28:9; 29:17; Jer. 11:20; 17:10; 20:12; Hch. 1:24. a Ro. 3:29, 30.

ri richin ri Moisés xa jun ejka'n ri man xetiquir ta xquic'uaj ri kati't-kamama', ni roj chuka' man yojcovin ta chuc'uaxic. ¹¹Romari' roj can kaniman-vi chi ri kacolotajic, xkac'ul roma ri rutzil ri Ajaf Jesús, jun colotajic ri sipan chike,^b can achi'el ri colotajic ri xquic'ul chuka' ri kach'alal ri man e israelitas ta, xcha' ri Pedro.

¹²Y romari' ri janipe' quimolon-qui' ri chiri' xa man xech'on ta apo, xaxe xcac'axaj ri niqutzijoj ri Bernabé y ri Pablo. Rije' niqutzijola' c'a ri janipe' milagros ri man jun bey e tz'eton ta, ri xequibanala' chiquivech ri vinek man e israelitas ta, roma rije' can ja ri Dios ri xyo'on cuchuk'a'. Can xk'alajin-vi chi ja ri Dios ri takayon quichin. ¹³Y tok ri Bernabé y ri Pablo e tanel chic ka, xpe ri Jacobo xch'on c'a, y xubij: Quinivac'axaj c'a, vach'alal: ¹⁴Ri Simón Pedro c'ari' nutzijoj-ka chike chi ri Dios can okavinek-vi chic quiqu'uin ri vinek ri xa man e israelitas ta. Can xerucha' c'a richin chi ye'oc rutinamit ri can yeyo'on-vi ruk'ij. ¹⁵Can kitzij c'a nic'ulun-vi ri quitz'iban can ri achi'a' ri xek'alajirisan ri ruch'abel ri Dios ojer can. Ri quitz'iban can, nubij c'a:

¹⁶C'ari' xquitzolin chic pe quiqu'uin ri israelitas e riy-rumam can ri rey David,

y xtinben c'a chique chi xqueyacatej chic pe jun bey, richin queri' niquiya' chic nuk'ij, achi'el tok can c'a c'o na ri David.

¹⁷Y yin ri Ajaf xtinben c'a queri' chique, richin queri' ri ch'aka' chic vinek niquicanoj ta c'a ruvech ri Ajaf.

Xa can conojel ta ri man e israelitas ta ri e nucha'on chic, que ta ri' xtiquben.^c

¹⁸Can que c'a ri' ri rubin can ri Ajaf Dios ri ojer can.

Queri' nubij ri ruch'abel, xcha' ri Jacobo.

¹⁹Y xubij c'a chuka': Yin ninch'ob chi man quekanek ri man e israelitas ta ri xtzolin-pe quic'u'x riq'uin ri Dios, riq'uin ri niban ri circuncisión chique. ²⁰Ri ruc'amon c'a nikaben, ja ri tikataka-el rubixiquil chique chupan jun vuj, chi man yequitej ri xa man utz ta richin nitij roma yo'on chic chiquivech dios ri xa man e kitzij ta, y ri achi'a' y ri ixoki' man tiquicanola-qui' richin yemacun,^d y man chuka' tiquitej ti'ij ri c'a c'o na quic' ruc'uan,^e achi'el ri quichin ri chicop ri xejik', ni man c'a chuka' tiquitej quic',^f kojcha-el chupan ri vuj. ²¹Roma can ojer c'a ri' chi pa ronojel tinamit, ri pa tak jay ri nitzijox-vi ri ruch'abel ri Dios chike roj israelitas, can ec'o c'a ri yetijon kichin chupan ri ley richin ri Moisés.^g Romari' ketaman achique ri can man ruc'amon ta chi nikaben. Y can pa ronojel ri k'ij richin uxlanen nikac'axaj ri nisiq'uix chikavech, xcha' ri Jacobo.

²²Y can jac'ari' tok ri apóstoles, ri achi'a' e uc'uey quichin ri kach'alal, y ri kach'alal xquich'ob c'a chi ec'o kach'alal xquequicha-el richin yebe c'a pan Antioquía y yecachibilaj-el ri Pablo y ri Bernabé. Ri xequicha' c'a el rije' ja ri Judas ri nibix chuka' Barsabás chire y ri Silas. E ca'i' kach'alal ri can c'o quik'ij chiquivech ri ch'aka' chic kach'alal. ²³Y xban-el jun vuj y xjach-el chic richin

b Ro. 3:24; Ef. 2:8. c Am. 9:11, 12. d Col. 3:5. e Gn. 9:4. f Lv. 3:17. g Hch. 13:15.

niquic'uaj chique ri kach'alal. Y ri vuj ri' nubij c'a: Roj ri apóstoles, roj ri uc'uey quichin ri kach'alal, y ri ch'aka' chic kach'alal, nikatek c'a el rutzil-ivech rix kach'alal ri man c'a ix israelitas ta, ri ixc'o pan Antioquía y pa ch'aka' chic tinamit richin ri Siria y ri ixc'o pa Cilicia. ²⁴Okavinek c'a rutzijol kiqu'uin chi ec'o c'a ri e apovinek iviq'uin, y can vave' e elenek-vi-el, pero man ja ta roj oj takayon-el quichin. Rije' xa jun vi chic ri xquibij chive y romari' xquisech ic'u'x, roma rije' niqubij chi rix c'o chi niban ri circuncisión chive,^h y ri ch'aka' chic ri nubij chupan ri ley richin ri Moisés.ⁱ ²⁵Y romari' tok roj xkach'ob c'a chi utz yekachael e ca'i' kach'alal richin chi yekatek-el chi'itz'etic. Y re e ca'i' re' yecachibilaj c'a el ri Bernabé y ri Pablo ri can janíla yekajo'. ²⁶Y can etaman-vi chi ri kach'alal Bernabé y ri Pablo can e apovinek pa tak tijoj-pokona' chutzijoxic ri ruch'abel ri Kajaf Jesucristo. ²⁷Roj jac'a ri kach'alal Judas y ri kach'alal Silas ri yekatek-el richin xquebech'on iviq'uin, y xtiquisol rij ri tzij katz'iban chuka' el chive. ²⁸Y ri nrajo' ri Lok'olej Espíritu,^k ja chuka' ri' ri nikajo' roj chive, chi man c'a titzekelbej ri janipe' c'o chupan ri ley, xa can xe c'a ri más nic'atzin, jari' tibana', ²⁹chi man titej ti'ij richin jun chicop ri xcamisex richin xsuj chire jun dios man kitzij ta, man titej quic',^l ni man c'a chuka' titej ti'ij ri c'a c'o na quic' ruc'uan, achi'el ri quichin ri chicop ri xejik', y chuka' ri achi'a' y ri ixoki' man tiquicanola-qui' richin yemacun.^m Vi ronojel c'a re' xtinimaj, utz c'a xquixbiyin. Dios c'a xtichajin ivichin.

³⁰Y xetak c'a el. Ja tok rije' xe'apon ri pa tinamit Antioquía, rije' xequimol c'a ri kach'alal, y xquijech ri vuj chique. ³¹Y tok ri kach'alal xquisiq'uij ri vuj, janíla c'a xequicot, y xcuker-ka quic'u'x roma ri ch'abel ri ec'o-el chupan. ³²Y ri Judas y ri Silas q'uiy c'a ch'abel xquibila' chique ri kach'alal richin xquicukuba' quic'u'x. Ri Judas y ri Silas can e k'alajirisey c'a richin ri nibix chique roma ri Dios.ⁿ ³³Y ri ca'i' kach'alal ri', ri Judas y ri Silas, xec'oje' c'a ka juba' k'ij quiqu'uin ri chirí' pan Antioquía. Jac'a tok xquich'ob yetzolin pa Jerusalem, c'a quiqu'uin ri e takayon-pe quichin, ri kach'alal ri ec'o chirí' pan Antioquía xequijech c'a el. Xquibij chique chi ja ta ri Dios tichajin quichin y nic'oje' ta uxlanen pa cánima. Queri' c'a xquibij-el chique.

³⁴Y tok can jari' ec'o chic richin yetzolin, ri Silas xa man xbe ta chic, xa xc'oje' can ri chirí' quiqu'uin ri kach'alal. ³⁵Y can que c'a chuka' ri' ri Pablo y ri Bernabé, xec'oje' can ri chirí' pan Antioquía. Rije' y e cachibilan c'a chuka' ch'aka' chic xequitijoj ri kach'alal chupan ri ruch'abel ri Ajaf, y xquitzijoj chuka' ri utzilej ch'abel richin colotajic chique ri vinek. Can e q'uiy vi c'a ri xebanon ri samaj.^o

Ri Pablo ca'i' yan bey re' nibe chubanic rusamaj ri Dios

³⁶Y biyinek chic c'a juba' k'ij ri chirí' tok ri Pablo xubij chire ri Bernabé: Jo', jo' chiquitz'etic ri kach'alal ri ec'o pa ronojel tinamit ri katzijolon-vi can ri ruch'abel ri Ajaf, xcha' chire.

h Tit. 1:10. i Ga. 2:4. j Hch. 13:50; 14:19. k Jn. 16:13. l Lv. 17:14. m Ap. 2:14. n Hch. 2:17, 18; 1 Co. 12:28. o Hch. 13:1.

³⁷Y ri Bernabé nrajo' c'a chi niquic'uaj ta chic jun bey ri Juan ri nibix chuka' Marcos chire.^p ³⁸Pero ri Pablo man c'a nrajo' ta chi nibe quiq'uin, roma tok xquic'uaj pa nabey, xerumalij c'a can ri chiri' pa Panfilia,^q y man xbe ta quiq'uin chubanic ri samaj. ³⁹Y romari' xejalajo', y xquich'er c'a qui'. Ri Bernabé xrachibilaj-el ri Marcos, y xe'oc-el pa jun barco richin xebe c'a pa Chipre.^r ⁴⁰Y ri Pablo xucha' c'a ri Silas richin nrachibilaj-el richin yebe. Y ri kach'alal aj chiri' pan Antioquía xequijech c'a pa ruk'a' ri Dios ri Pablo y ri Silas. ⁴¹Tok e benek chic, xe'ic'o c'a el ri pa ruvach'ulef Siria y Cilicia, niquicukubala' c'a can quic'u'x ri can pa rubi' ri Dios niquimol-vi-qui'.

Ri Pablo y ri Silas cachibilan-el ri Timoteo

16 ¹Y ri Pablo y ri Silas xe'apon c'a ri pa Derbe y ri pa Listra. Y jac'a ri chiri' pa tinamit Listra c'o jun kach'alal ala' rubini'an Timoteo, ral jun ixok israelita ri can runiman c'a chuka' ri Jesucristo,^s jac'a ri rutata' man israelita ta. ²Y ri kach'alal c'a ri ec'o pa Listra y ri pan Iconio janíla c'a jebel yech'on chirij ri Timoteo.^t ³Ri Pablo jac'a ri Timoteo ri nrajo' nrachibilaj-el richin nuben ri rusamaj ri Dios. Y can que na vi ri' xuben, pero c'o c'a chi xuben ri circuncisión chire, richin utz nitz'et coma ri israelitas^u ri ec'o pa tinamit Listra y ri ec'o chuka' pe nakaj chire ri tinamit, roma can conojel c'a e etamayon chi ri rutata' ri Timoteo, man israelita ta. ⁴Y ri tinamit ri yek'ax-vi ri Pablo y ri e rachibilan-el, niquibila' c'a can chique ri kach'alal ri man e israelitas ta, chi can tiquibana' c'a ri niquichilabej ri apóstoles e cachibilan ri uc'uey quichin ri kach'alal ri ec'o pa Jerusalem.^v Y man nic'atzin ta chi can niquiben ronojel ri nubij chupan ri ley richin ri Moisés. ⁵Y riq'uin ri', ri kach'alal ri niquimol-qui' pa rubi' ri Dios ri pa tak tinamit ri', can xcuker-vi quic'u'x,^w y k'ij-k'ij ec'o ri ye'oc-apo quiq'uin richin niquinimaj.

Tok xbig chire ri Pablo chi tik'ax pa Macedonia

⁶Y ri Lok'olej Espíritu man c'a xuya' ta k'ij chique ri Pablo y ri e rachibil, richin xebe pa ruvach'ulef rubini'an Asia richin nequitziyoj ri ruch'abel ri Dios chiri'. Romari' rije' xek'ax pa Galacia y pa Frigia. ⁷Y c'ari' xe'apon ri pa c'ulba't (mojón) richin ri ruvach'ulef rubini'an Misia. Y xquich'ob c'a chi yebe ri pa ruvach'ulef Bitinia, pero ri Lok'olej Espíritu man c'a xuya' ta k'ij chique richin xebe. ⁸Y xcojkaj c'a ri c'ulba't (mojón) richin ri Misia, y xe'apon c'a ka ri pa tinamit rubini'an Troas. ⁹Y chak'a' ri Pablo xutz'et c'a pa jun achi'el achic', chi c'o jun achin aj pa Macedonia ri pa'el-apo chuveh, y chi ri achin ri' nubij c'a chire: Tabana' utzil, cak'ax c'a kiq'uin pa Macedonia, y kojato', xcha' chire, xutz'et ri Pablo. ¹⁰Y jac'a tok ri Pablo rutz'eton chic ri jun achi'el achic' ri', jari' c'a tok conojel xquichojmirisaj-qui', y que chuka' ri' yin, Lucas, xinchojmirisaj-el-vi', y can jari' xkaben-el

p Hch. 13:5. q Hch. 13:13. r Hch. 4:36. s 2 Ti. 1:5. t 2 Ti. 3:15. u 1 Co. 9:20.
v Hch. 15:23-29. w Hch. 15:41; Col. 1:23; 2:2; Jud. 20, 21.

richin xojbe c'a pa Macedonia, roma xk'ax c'a chikavech chi roma ri can xk'alajirisex chuvech ri Pablo, nubij chi ri Dios nrajo' c'a chi yojbe c'a quiq'u'in ri aj-Macedonia richin nikatzijoj ri ch'abel richin colotajic chique.

Tok ri Pablo y ri Silas xec'oje' pa Filipos

¹¹Y can jac'ari' xojoc-el pa jun barco, y xkaya' can ri tinamit Troas. Y choj xojbe c'a pa Samotracia. Y c'a jac'a ri ruca'n k'ij ri xojel chic el chiri', richin xojapon ri pa tinamit rubini'an Neápolis. ¹²Y tok xkaya' c'a can ri tinamit Neápolis, xojbe ri pa tinamit rubini'an Filipos. Y ri Filipos jun c'a nimalej tinamit ri c'o chupan ri ruvach'ulef rubini'an Macedonia. Y ri vinek c'a ri ec'o chupan ri tinamit ri' e romanos. Tok xojapon ri pa tinamit ri', xojc'oje' c'a ka ca'i-oxi' k'ij chiri'. ¹³Y pa jun k'ij richin uxlanen, roj xojel c'a el ri pa tinamit richin xojbe chuchi' jun raken-ya', jun lugar ri can tiban-vi oración. Y xojbetz'uye' c'a chiri', y xkachop rutzijoxic ri ruch'abel ri Ajaf Jesucristo chique ri ixoki' ri xquimol-qui' ri k'ij ri'. ¹⁴Jun c'a chique ri ixoki' ri xquimol-qui' ri chiri', jun ixok rubini'an Lidia. Y re Lidia re' pa jun c'a tinamit rubini'an Tiatira nipe-vi. Rija' jun c'ayil richin jun ruvech tziek ri morado nitzu'un, y nibix púrpura chire. Y re Lidia re' yo'ol c'a ruk'ij ri Dios, y nrac'axaj c'a apo ri nubij ri Pablo. Y ri Ajaf Dios can xch'on-vi c'a pa ránima. Romari' tok rija' can xunimaj c'a. ¹⁵Y rija' y ri ec'o riq'u'in ri pa rachoch,^x xeban bautizar. Y jac'a tok e banon chic bautizar, ri Lidia xubij c'a chike: Vi can nich'ob chi yin xcuker nuc'u'x riq'u'in ri Ajaf, quixampe c'a viq'u'in, y quixoc'oje' pa vachoch, xcha'.

Ri ixok ri' can xuben-vi c'a chike chi xojbec'oje' riq'u'in ri chiri' pa rachoch.

¹⁶Y jun bey c'a tok kachapon-el bey richin yojbe c'a ri pa lugar ri can niban-vi oración, xkac'ul jun xten. Y re xten re' c'o c'a jun itzel espíritu riq'u'in, y jari' ri nibanon chire chi nitiquir nubij c'a ri xtiquic'ulvachila' ri vinek.^y Re xten c'a re' jun aj-ic' lok'on. Romari' ri janipe' mero ri niquiya' ri vinek chire richin niquitoj, choj c'a napon pa quik'a' ri rajaf. ¹⁷Y ri Pablo y roj can jantape' chic c'a oj tzelkelben roma re jun xten re'. Can riq'u'in c'a ruchuk'a' tok nich'on, y nubila' c'a chikij: Re achí'a' re' e rusamajela' ri nimalej Dios ri c'o chila' chicaj, y niquitzijoj c'a chive achique rubanic niben rix richin chi yixcolotej ta, nicha' c'a.

¹⁸Y ri xten ri', q'uiy c'a k'ij ri queri' xuben. Y jun k'ij ri Pablo man chic c'a xucoch' ta. Romari' rija' xupiscolij-ri', y xubij c'a chire ri itzel espíritu ri c'o riq'u'in re xten: Pa rubi' c'a ri Jesucristo ninbij chave chi catel-el riq'u'in re xten, xcha' ri Pablo.

Y re itzel espíritu re' can ja vi ri' xuya' can ri xten.^z ¹⁹Jac'a tok ri rajaf ri xten, lok'on aj-ic', xquitz'et chi xa man juba' chic xtiquich'ec ta qui-mero chirij ri caj-ic', roma xa man c'o ta chic ri itzel espíritu riq'u'in, xebequichapa-pe ri Pablo y ri Silas, y xequic'uaj c'a pa k'atbel-tzij chiquicojol

x Hch. 11:14. y 1 S. 28:7. z Mr. 16:17.

ri k'atoy tak tzij.^a ²⁰Y tok xebequipaba' chiquivech ri k'atoy tak tzij, xquibij: Re achi'a' re! e israelitas y niquiyoj (niquiyuj) quich'obonic ri vinek vave! pa tinamit.^b ²¹Y niquic'ut c'a jun chic ruvech costumbre chikavech, ri man ruc'amon ta chi nikac'ul y nikaben, roma roj can oj vinek romanos, xecha'.

²²Y can e janíla c'a vinek ri xebeyacatej-pe ri chiquij ri Pablo y ri Silas. Ri k'atoy tak tzij chuka', xequich'anaba' ri Pablo y ri Silas, y c'ari' xquitek quich'ayic riq'uin xic'a'y.^c ²³Y tok janíla chic e ch'ayon, xebet'apex can pa cárcel,^d y xbix chire ri chajinel chi jebel quichajixic tubana'. ²⁴Romari rija', can xe xbix queri' chire, can jac'a ri más chupan apo ri cárcel xeberuya-vi can ri Pablo y ri Silas. Y ri caken xeruk'atabala' can cojol ri che' nibix cepo chire, richin queri' man c'a xque'el ta.^e

²⁵Y pa nic'aj-ak'a' la'ek ri' tok ri Pablo y ri Silas niquiya' c'a ruk'ij ri Dios riq'uin bix, y niquiben c'a chuka' orar. Y ri ch'aka' chic c'a ri ec'o pa cárcel yecac'axaj c'a. ²⁶Can jac'ari' tok xoyiquiyo' jun nimalej silonel (cab-raken), y xusiloj c'a'f ri cárcel y hasta xebiyin ri ruxe'. Ri ruchi' ri cárcel xejakatej, y ri cadenas ri e ucusan richin e ximilon can ri ec'o pa cárcel, xquisk'opij-qui'. ²⁷Ri achin c'a ri chajiy quichin ri ec'o pa cárcel, xuna' ruvech roma ri silonel (cab-raken). Y tok rija' xutz'et chi ri ruchi' ri cárcel e jakatajinek, xrelesaj c'a ri rumachet richin nucamisaj-ka-ri', roma rija' xuch'ob chi xebe yan conojel ri ec'o pa cárcel. ²⁸Pero ri Pablo riq'uin ruchuk'a' xch'on-apo chire, y xubij: Man tacamisaj-avi', xa jare' oj'c'o konojel, xcha'.

²⁹Y ri achin chajinel xuc'utuj c'a jun candil. Y tok ruc'uan chic ri k'ak' ri', junanin c'a xoc-apo ri pa cárcel, pero can nibaybot (nibarbot) ruxibin-ri'. Y ri achin chajinel ri' xbexuque' c'a chiquivech ri Pablo y ri Silas. ³⁰Y c'ari' rija' xerelesaj-pe ri pa cárcel, y xuc'utuj chique: ¿Achique c'a ri nic'atzin richin ninben^g richin queri' yicolotej ta? xcha' rija'.

³¹Y ri Pablo y ri Silas xquibij chire: Tanimaj c'a ri Ajaf Jesucristo,^h rat y ri e aj pan avachoch, y xquixcolotej, xecha'.

³²Ri Pablo y ri Silas xquitzijoj c'a ri ruch'abel ri Ajaf chire rija' y chique chuka' conojel ri ec'o pa rachoch ri chajinel ri'. ³³Y man riq'uin c'a chi janíla nej ak'a' chic, rija' xuch'ajla' ri quisocotajic ri Pablo y ri Silas. Y xban c'a can bautizar rija' y conojel ri e aj pa rachoch. ³⁴Y c'ari' xeruc'uaj chirachoch richin xerutzuk-pe. Y rija' y ri e aj pa rachoch janíla c'a niquicot cánima,ⁱ roma xquinimaj ri Dios.

³⁵Y nimak'a' ruca'n k'ij ri k'atoy tak tzij xquitek c'a juk'at chic chajinela' richin xbequibij chire ri achin chajinel quichin ri ec'o pa cárcel, chi utz c'a que'elesex-el ri Pablo y ri Silas. ³⁶Y ri chajinel can xberubij-vi c'a chire ri Pablo: Ri k'atoy tak tzij xquitek c'a pe rubixic chuve chi quixinvelesaj-el. Vacami quixel c'a pe. Quixbiyin c'a y nic'oje' ta uxlanan pa tak ivánima, xcha'.

³⁷Pero ri Pablo xubij c'a chique ri juk'at chic chajinela': Roj oj achi'a' romanos.^j Pero ri ivir, ri k'atoy tak tzij can chanin yan xquitek

a Mt. 10:18. b Hch. 17:6. c 1 Ts. 2:2. d Lc. 21:12. e Mt. 5:10. f Hch. 4:31. g Hch. 2:37. h Jn. 3:16, 36. i Sal. 5:11. j Hch. 22:25.

kach'ayic chiquivech ri vinek y man jani quik'aton ta tzij pa kavi'. C'ari' xojquitz'apej can re vave' pa cárceel. Y re vacami can nicajo' chi man ta jun ri ninaben re yojel-el. Ri ka-ley man que ta ri' nubij. Te'ibij chique ri k'atoy tak tzij, chi ja rije' ri quepe chikelesaxic, xcha' ri Pablo chique.

³⁸Y ri juk'at chajinela' ri' xbequibij c'a chique ri k'atoy tak tzij ronojel ri xubij-el ri Pablo chique. Romari' ri k'atoy tak tzij xquixibij-qui', roma xquetamaj chi ri e ca'i' achi'a' e romanos chuka'.^k ³⁹Y ri k'atoy tak tzij xe'apon c'a quiq'uin ri Pablo y ri Silas ri chiri' pa cárceel, y xquic'utuj c'a cuyubel quimac chiquivech. C'ari' xequelesaj-pe ri pa cárceel y chuka' xquibij chique chi man chic c'a quec'oje-ka ri chiri' pa tinamit. ⁴⁰Tok ri Pablo y ri Silas xe'elesex-el ri pa cárceel, xebe c'a ri pa rachoch ri Lidia, y xquicukubala' can quic'u'x' ri kach'alal. Y tok e ch'ovinek chic can chique conojel, rije' xebe c'a.

Ri xc'ulvachitej pa Tesalónica

17 ¹Ri Pablo y ri Silas quichapon c'a bey. Xek'ax ri pa tak tinamit Anfípolis y Apolonia, y c'ari' c'a xe'apon ri pa tinamit rubini'an Tesalónica. Y ri vinek israelitas ri ec'o chiri', c'o c'a jun jay ri niquimol-vi-qui' richin nicac'axaj ri ruch'abel ri Dios. ²Y ri Pablo, can achi'el c'a rubanalon ch'aka' chic tinamit chi nabey na napon ri pa tak jay ri richin quimoljri'il ri israelitas, can ja chuka' ri' ri xuben chiri' pa Tesalónica. Xapon c'a ri pa jay ri richin ri quimoljri'il ri israelitas^m ri ruvinak, chupan ri k'ij richin uxlanen. Oxi' c'a semanas ri can queri' xuben, richin xquich'ob rij ri ruch'abel ri Dios. ³Y can ja ri ruch'abel ri Dios ri xrucusaj richin xuk'alajirisaj chiquivech ri vinek chi ri Cristo can c'o na chi xuc'ovisaj tijoj-pokonal,ⁿ y tok caminek chic el, xc'astej c'a pe. Y ri Pablo xubij c'a chuka' chique ri vinek: Ri Jesús ri nintzizijoj chive yin, jac'a rija' ri Cristo, xcha' chique.

⁴Y can ec'o-vi ri xeniman ri Ajaf Jesucristo. Ec'o israelitas ri xeniman, pero más e q'uiy ri xa man e israelitas ta ri can e yo'ol ruk'ij ri Dios. Y e q'uiy chuka' ixoki' ri nima'k quik'ij ri xeniman. Y conojel c'a rije' xequitzekelbej-el ri Pablo y ri Silas. ⁵Jac'a ri vinek israelitas ri xa man niquinimaj ta ri Jesucristo, itzel xquina' chique ri Pablo y ri Silas. Y romari' tok rije' xebequimolola-pe achi'a' ri e itzel y e k'or. Can e janíla c'a vinek ri xequimol, roma can xquiyec-vi ri tinamit. Y rije' xebe richin yebe'oc pa rachoch ri jun achin rubini'an Jasón, chiquicanoxic ri Pablo y ri Silas. Rije' nicajo' c'a yequelesaj-pe ri pa jay y yequiya-pe pa quik'a' ri vinek. ⁶Pero xa man xequil ta pe ri Pablo y ri Silas. Romari' tok xa ja chic ri Jasón y ch'aka' chic kach'alal ri xequic'uaj-el c'a chiquivech ri k'atoy tak tzij richin ri tinamit. Y can riq'uin c'a cuchuk'a' yech'on-apo, y niqubij: Ri achi'a' quibini'an Pablo y Silas e yojoy (e yujuy) quich'obonic^o conojel vinek richin re ruvach'ulef, y xe'oka' yan c'a

re vave' chupan re katinamit. ⁷Y ja re Jasón ri xc'tulun-apo quichin ri pa rachoch. Conojel c'a ri ye'ojkan quichin ri Pablo y ri Silas, man ja ta ri nubij ri ley richin re karuvach'tulef ri ye'ajin chubaníc. Rije' xa man niqunimaj ta ri nubij ri rey César, roma xa niqubij chi c'o jun chic qui-rey,^p y rubini'an Jesús, xecha'.

⁸Y tok ri vinek y ri k'atoy tak tzij richin ri Tesalónica xcac'axaj ri sujunic ri', xquixibij-qui' y romari' xe'volol-ka chiquivech. ⁹Y roma ri queri' x'bij chiquij ri Jasón y ri ch'aka' chic kach'alal, ri k'atoy tak tzij xquinojij c'a chi man niquyec ta ch'a'oj chiquij, chi xa yetiquir yecolotej-el, pero c'o chi niquiya' can mero pa quiq'uexel y yetz'et na c'a achique ri ye'quibanala'. Y ri Jasón y ri ch'aka' chic kach'alal xquiya' c'a can ri mero ri' y xe'el-pe.

Ri Pablo y ri Silas niqutzijoj ruch'abel ri Dios pa Berea

¹⁰Ri kach'alal ri', can chanin c'a xequitek-el^q ri Pablo y ri Silas c'a pa tinamit Berea. Chak'a' c'a xequitek-el. Y tok ri Pablo y ri Silas ec'o chic chirí' pa Berea, xebe c'a pa jun jay ri can richin vi chi ri israelitas niqumol-qui' richin nicac'axaj ri ruch'abel ri Dios. ¹¹Y ri israelitas ri' más c'a utz quina'oj que chiquivech ri israelitas ec'o pa Tesalónica, roma rije' can choj xquic'ul ri ruch'abel ri Dios. Y ri janipe' nicac'axaj-el quiq'uín ri Pablo y ri Silas, nequicanola' chupan ri ruch'abel ri Dios ri e tz'ibatel can,^r richin niqetamaj, vi kitzij ri niqubij o xa man kitzij ta. Ri vinek ri' can k'ij-k'ij c'a queri' niquben. ¹²Y can e q'uiy c'a ri xeniman ri Ajaf Jesucristo ri chiquicojol ri israelitas. Y can que c'a chuka' ri' chiquicojol ri vinek ri man e israelitas ta. Ec'o ixoki' ri can c'o quik'ij y achi'a' chuka'.^s ¹³Jac'a ri israelitas ri man quiniman ta ri ec'o pa tinamit Tesalónica, xcac'axaj c'a chi ri Pablo c'o pa Berea nutzijoj ri ruch'abel ri Dios chique ri vinek, y romari' rije' can xebe, c'a ri pa Berea. Y ri chirí' pa Berea xequitakchi'ij ri vinek richin xeyacatej chirij ri Pablo.^t ¹⁴Y ri vinek ri can e kach'alal chic ri ec'o pa Berea, can jari' xquitek-el ri Pablo c'a chuchi' ri nimalej ya' rubini'an mar. Y ri Silas y ri Timoteo c'a xec'oje' na c'a can ri pa Berea quiq'uín ri kach'alal.^u ¹⁵Y ri kach'alal ri xerachibilaj-el ri Pablo, tok ec'o chic chuchi' ri nimalej ya', xquic'uaj c'a el c'a pa jun tinamit rubini'an Atenas. Y ri kach'alal ri' xetzolin c'a, y bin-pe chique roma ri Pablo chi ri Silas y ri Timoteo^v que'apon yan chanin ri pan Atenas, roma chirí' yeroyobej-vi rija'.

Tok ri Pablo xc'oje' pan Atenas

¹⁶Y tok ri Pablo e royoben c'a ri Silas y ri Timoteo ri chirí' pa tinamit Atenas, ri ránima rija' can janíla c'a k'axo'n nuna',^w roma ri tinamit ri' nojinek chi vachibel. Y ri vachibel ri', jeri' ri e oquinek qui-dios ri vinek.^x

p Lc. 23:2; Jn. 19:12. q Mt. 10:23. r Is. 34:16; Lc. 16:29; Jn. 5:39. s Hch. 13:50. t Lc. 11:52; 1 Ts. 2:15. u Mt. 10:23. v Hch. 18:5. w Sal. 119:158; Mr. 3:5; 2 P. 2:8. x Ex. 32:19, 20.

17 Romari' ri Pablo napon c'a ri pa jay ri can nitzijox-vi ri ruch'abel ri Dios chupan ri tinamit ri', y niquich'ob c'a rij ri ruch'abel ri Dios,^y e rachibilan ri israelitas y ch'aka' chic vinek ri can e yo'ol-vi ruk'ij ri Dios.^z Y can queri' vi chuka' nerubana' ronojel ri ch'aka' chic k'ij ri pa c'ayibel. Niquich'ob c'a rij ri ruch'abel ri Dios quiquin ri ye'apon pa c'ayibel.

18 Y ec'o c'a ch'aka' achi'a' ri can e ajovey richin etamabel ri chiri' pan Atenas, achi'a' ri nibix epicúreo chique y ch'aka' chic ri nibix estoico chique, yebetziyon c'a riq'uin ri Pablo. Pero ec'o chuka' ri xa niquibij: ¿Achique cami nrajo' nubij chike re jun achin re!, xe nivolo? yecha'.

Y ch'aka' chic niquibila' c'a: Re achin re! achi'el xa nuya' quitziyoj ch'aka' chic dios quichin ch'aka' chic vinek ri xa man e aj vave' ta, yecha' c'a.

Y queri' ri niquibij ri vinek ri', roma ri nuzijoj ri Pablo chique, ja ri ruch'abel ri Jesús ri nic'amon-pe colotajic, y nubij chuka' chique chirij ri c'astajibel quichin ri caminaki'.^a 19 Y ri vinek ri' xquic'uaj c'a ri Pablo pan Areópago, ri acuchi niquimol-vi-qui' ri can nima'k quik'ij chiquicojol rije'. Y tok xe'apon c'a, rije' xquic'utuj chire ri Pablo: ¿Utz cami nuben chavech chi natzijoj chike chirij ri c'ac'a' etamabel ri nak'alajirisaj? 20 Roma roj can man kac'axan ta ri natzijoj rat, y nikajo' c'a chi nasol rij chikavech, xecha' chire.

21 Y queri' xquibij, roma conojel vinek ri ec'o chiri' pan Atenas, ri aj chiri' y ri yepe juc'an chic ruvach'ulef, man chic c'a jun niquiben ta, xa can xe ri nicac'axaj o niquibij jun chic na'oj ri can c'ac'a' ri chiquivech rije'.

22 Y tok ri Pablo xbepa'e-pe chiquivech ri vinek ri chiri' pan Areópago, xubij c'a: Rix ri ixc'o vave' pan Atenas, nintz'et c'a chi can iyo'on-vi quik'ij re i-dios.^b 23 Tok xik'ax c'a ri acuchi niya-vi quik'ij conojel i-dios, xintz'et c'a jun altar ri acuchi nubij-vi: Richin ri Dios man etaman ta ruvech, nicha'. Y jac'a Dios ri' ri man ivetaman ta ruvech, y can niya' ruk'ij rix, jari' ri nink'alajirisaj yin chivech re vacami.

24 Jac'a Dios ri' ri banayon re ruvach'ulef y ri janipe' ri c'o chuvech. Jac'a rija' ri Rajaf ri caj y re ruvach'ulef.^c Y rija' can Dios c'a ri', y man jun c'a vinek nitiquir ta nuben jun jay richin nic'oje' ta rija' chupan.^d

25 Chuka' ri vinek man yetiquir ta niquito' ri Dios, roma pa ruqu'oxel chi que ta ri' nibanatej, xa ja ri Dios ri nito'on richin ri vinek, roma can ja rija' ri niyo'on kac'aslen, ri cak'ik' ri nikajik'aj,^e y ronojel ri ch'aka' chic.

26 Chuka' can rubanon chike konojel ri ojc'o chuvech re ruvach'ulef chi xa riq'uin jun vinek oj petenek-vi, y katalun-ki' chuvech re ruvach'ulef re ojc'o-vif y rubin chuka' chic ri qui-tiempo re karuvach'ulef, 27 richin nikacanoj ri Dios, y acuchi la c'a xtikil-vi-pe. Y xa man nej ta c'o-vi, xa can nakaj c'o-vi-pe chike. 28 Y roma rija' tok c'o kac'aslen, roma rija' tok yojsilon, y roma chuka' rija' tok ojc'o, can achi'el c'a quibin ch'aka' achi'a' poetas ri chil'icojol, chi roj can oj ralc'ual c'a

y Hch. 17:2, 10; 18:4, 19; 19:8, 9. z Hch. 17:4. a Hch. 4:2. b Jer. 50:38. c Mt. 11:25. d Hch. 7:48. e Is. 42:5. f Dt. 30:20; 32:8.

chuka' ri Dios. ²⁹Y vi can oj ralc'ual c'a ri Dios, man xkojtiquir ta xtikabij Dios chire jun ruvachibek' ri xa achi'a' e banayon. Y ri' stape' ta riq'uin k'anapuek o sakipuek o riq'uin abej banon-vi, roma xa ruch'obonic jun vinek. ³⁰Ri vinek ri ojer can, xquibanala' vachibel richin xquiya' quik'ij, y ri Dios jan'la xerucoch', roma man quietaman ta achique ri ruc'amon chi niquiya' ruk'ij. Jac'a re k'ij re' rija' nubij chi conojel vinek titzolin-pe quic'u'x riq'uin.^h ³¹Roma rija' can rucha'on jun k'ij richin tok xtuk'et tzij pa quivi' conojel vinek. Rucha'on chic c'a Jun ri can choj vi xtik'aton tzij.ⁱ Y ri Dios xuk'alajirisaj chi kitzij chi ri Jun ri' xtik'aton tzij, roma xuben chire chi xbec'astej-pe chiquicojol ri caminaki'/ xcha' ri Pablo.

³²Y tok ri vinek xcac'axaj chi c'o Jun ri xc'astej-pe chiquicojol ri caminaki', xa xetze'en-apo chirij ri Pablo. Y ec'o xebin chire: C'a xcatkac'axaj na chic jun bey,^k xecha'.

³³Y ri Pablo xel-pe chiquicojol. ³⁴Y ec'o c'a ca'i-oxi' vinek ri xeniman ri Ajaf Jesucristo.^l Re vinek re' can xebe-vi c'a chirij ri Pablo. Chiquicojol ri vinek ri xeniman, c'o c'a ri jun achin rubini'an Dionisio, jun achin ri cachibil ri k'atoy tak tzij ri pan Areópago. Y c'o c'a chuka' jun ixok rubini'an Dámaris ri xniman ri Ajaf Jesucristo. Y ec'o chuka' ch'aka' chic.

Tok ri Pablo xc'oje' pa Corinto

18 ¹Y jari' tok ri Pablo xuya' can ri tinamit Atenas, y xbe ri pa tinamit rubini'an Corinto.^m ²Chiri' c'o c'a jun achin israelita rubini'an Aquila, y rija' alaxinek ri pa ruvach'ulef Ponto. Rija' rachibilan ri Priscilaⁿ ri rixjayil, xa c'a xe'apon c'a ri pa Corinto, e elenek c'a pe pan Italia, ri xec'oje-vi. Xe'el c'a pe ri pa ruvach'ulef ri', roma ri Claudio ri k'atoy-tzij chiri' xubij c'a chi ri vinek israelitas que'el-el ri pa tinamit Roma. Y ri Pablo xapon c'a chiquitz'etic. ³Y roma ri xa can junan c'a ri quisamaj che oxil', ri Pablo xc'oje' c'a ka quiq'uin. Che oxil' e banoy c'a jay riq'uin tziek, y junan xesamej.^o ⁴Jac'a ri pa tak k'ij richin uxlanen, ri Pablo nibe c'a chupan ri jay ri can nitzijox-vi ri ruch'abel ri Dios,^p nuk'alajirisaj c'a ri Jesús chiquivech ri vinek israelitas y ri man e israelitas ta. Can nutej c'a ruk'ij quiq'uin, richin nik'ax ta chiquivech.

⁵Y tok ri Silas y ri Timoteo^q e tzolijinek chic pe ri pa Macedonia y ec'o chic riq'uin ri Pablo pa Corinto, jari' tok ri Pablo más xujech-ri' chutzijoxic' ri ruch'abel ri Dios. Y can man nrevaj ta vi juba' richin nuk'alajirisaj chique ri israelitas ri ec'o chiril', chi ri Jesús can ja vi ri' ri Cristo. ⁶Pero ri israelitas ri' can man nika' ta c'a chiquivech ri nubij ri Pablo, y q'uuy c'a itzel tak tzij ri yequibila'.^s Romari' ri Pablo xutotaj (xquiraj) ri rutziaq,^t richin queri' tiquinabej chi man utz ta ri xquiben.^u Y xubij c'a chuka' chique: Ja rix c'o imac vi xquixbeka' pa ruc'ayeval.^v Yin xinell yan

g Is. 40:18. h Lc. 24:47. i Ro. 2:16; 2 Ti. 4:1. j 1 Co. 15. k Hch. 24:25. l Hch. 18:8. m 1 Co. 1:2; 2 Co. 1:1, 23. n Ro. 16:3. o Hch. 20:34; 1 Co. 4:12; 1 Ts. 2:9. p Hch. 13:14. q Hch. 17:14. r Job 32:18. s 1 P. 4:4. t Neh. 5:13. u Mt. 10:14; Lc. 9:5; Hch. 13:51. v 2 S. 1:16; Ez. 3:18; 18:13; 33:4, 9.

c'a chuvech, roma can xinya' ri rutzijol chive. Y re vacami yixinya' c'a can, richin yibe quiq'uin ri vinek ri xa man e israelitas ta,^w xcha' can chique.

⁷Y can jari' xel c'a pe ri Pablo ri chiri' chupan ri jay ri can nitzijox-vi ri ruch'abel ri Dios, y xbe chirachoch ri jun achin rubini'an Justo. Ri achin ri' can yo'ol c'a ruk'ij ri Dios, y ri rachoch, can riq'uin c'a apo ri jay ri richin molojri'il c'o-vi. ⁸Y jun chic achin rubini'an Crispo,^x jun achin ri can principal vi ri chiri' chupan ri jay ri richin molojri'il, xunimaj c'a ri Ajaf Jesucristo e rachibilan ri e aj pa rachoch. Y ec'o c'a chuka' ch'aka' chic vinek aj chiri' pa Corinto, xeniman ri Jesucristo tok xcac'axaj ri ruch'abel ri Dios. Y can xeban c'a chuka' bautizar. ⁹Y ri Ajaf xch'on c'a riq'uin ri Pablo pa jun chak'a', xuc'ut c'a ri' chuvech pa jun achi'el achic', y xubij c'a chire: Man c'a taxibij-avi'^y y man tatanaba' rubixic ri nuch'abel chique ri vinek. ¹⁰Y yin c'a ri xquichajin avichin vave', can man jun ri xtac'ulvachij ta^z pa quik'a' ri vinek. Roma re vave' pa tinamit Corinto e q'uiy vinek ri can e vichin chic yin, roma can xquinquinimaj, xcha' ri Ajaf.

¹¹Romari' jun juna' riq'uin nic'aj ri xc'oje-ka ri Pablo ri chiri' pa Corinto, rija' can nuc'ut-vi c'a ri ruch'abel ri Dios.

¹²Y chupan ri tiempo ri', jac'a ri jun achin rubini'an Galión ri k'atoy-tzij^a ri chiri' pa ruvach'ulef rubini'an Acaya,^b ri acuchi c'o-vi ri Corinto. Y ja tiempo ri' tok ri israelitas xquimol-qui' richin xeyacatej chirij ri Pablo. Xbequichapa-pe, xquic'uaj pa k'atbel-tzij,^c ¹³y xbequibij c'a chire ri Galión: Re jun achin re' nuben c'a chique ri vinek chi tiquiya' ruk'ij ri Dios, pero xa man achi'el ta rubanic ri nubij ri ley^d richin ri Moisés.

¹⁴Y tok ri Pablo xrajo' xch'on-ape, xa jac'a ri Galión ri xch'on-pe nabey, y xubij c'a chique ri israelitas ri': Man chic c'a jun tibij-pe chuve. Roma xa ta camic o jun ta chic ruvech ch'a'oj rubanon^e can re achin re', utz ta chi nibij-pe chuve. Pero xa man que ta ri'. ¹⁵Roma re rumac re achin re' xa chivech ka rix.^f Xa chirij tijonic, ri i-ley y ri bi'aj Jesús. Yin man ninvajo' ta c'a ninben ruchojmil re'. Xa tichojmirisaj-ka chivech rix, xcha'.

¹⁶Y xerelesaj-pe chiri' pa k'atbel-tzij.^g ¹⁷Can jac'ari' tok ri vinek xquichop ri Sóstenes^h chuvech ri Galión ri k'atoy-tzij, y xquich'ey. Re Sóstenes c'a re' jun principal ri chiri' chupan ri jay ri can nitzijox-vi ri ruch'abel ri Dios. Pero ri Galión can xuben chi man xutz'et ta ri xbanatej.

Ri Pablo xtzolin pan Antioquía y chiri' xel-vi-pe richin chi xbe chic jun bey chubanic rusamaj ri Dios

¹⁸Y ri Pablo q'uiy c'a k'ij ri xc'oje' na ka ri chiri' quiq'uin ri kach'alal pa Corinto, pero tok c'o c'a chi xbe, c'o chi xeruya' can. Y tok ch'ovinek chic can chique ri

w Hch. 28:28. x 1 Co. 1:14. y Hch. 23:11; 27:23, 24. z Is. 41:10; Jer. 1:8, 19; Mt. 28:20; Ro. 8:31. a Hch. 13:7. b Hch. 18:27; 19:21. c Mt. 10:18. d Hch. 18:15. e Hch. 23:29; 25:11, 19. f Mt. 27:4, 24. g Ro. 13:3, 4. h 1 Co. 1:1.

kach'alal, rija' xbe richin neruchapa-pe jun barco richin nibe c'a pa ruvach'ulef rubini'an Siria. Y e rachibilan c'a el ri Priscila y ri Aquila. Y ri Pablo c'o ri rusujun chire ri Dios. Romari' tok xe'apon pa Cencrea,ⁱ ri tinamit ri c'o chi ye'oc-el pa barco, ri Pablo xujuc'-el ri rusmal tak ruvi!^j richin retal chi rija' xuq'uis yan pa ruvi' ri rusujun chire ri Dios chi nuben. ¹⁹Y tok xek'ax juc'an-ya', xe'apon c'a ri pa tinamit rubini'an Éfeso. Ri Pablo xeruya' can ri Priscila y ri Aquila, y rija' xbe pa jun jay ri can nitzijox-vi ri ruch'abel ri Dios. Junan c'a niqich'ob rij ri ruch'abel ri Jesucristo, quiq'uin ri ruvinak e israelitas. ²⁰Y ri israelitas ri' xquibij c'a chire chi tic'oje-ka juba' quiq'uin ri chiri' pan Éfeso, pero rija' man xrajo' ta. ²¹Xa xubij c'a can chique chi can nic'atzin chi c'o pa Jerusalem^k ri k'ij richin ri nimak'ij ri petenek.^l Pero xquitzolin chic pe jun bey iviq'uin, vi queri' nrajo' ri Dios,^m xcha'.

Y tok ch'ovinek chic c'a can chique conojel, xuya' c'a can ri tinamit Éfeso y xoc chic el pa barco.

²²Tok xbeka' can ri pa Cesarea,ⁿ can choj c'a xbe ri pa Jerusalem. Y tok e ruk'ejelon chic can (e ruk'ijalon chic can) ri kach'alal ri niquimol-qui' pa rubi' ri Dios ri chiri', rija' xbe c'a pan Antioquía.^o ²³Y xc'oje' na c'a el juba' ri chiri' pan Antioquía. C'ari' xtzolin chic jun bey chucukubaxic quic'u'x^p ri kach'alal ri ec'o pa tak tinamit ri ec'o pa ruvach'ulef Galacia^q y ri ec'o chuka' pa ruvach'ulef Frigia.

Ri Apolos nutzijoj ri ruch'abel ri Dios pan Éfeso

²⁴Y ri chiri' pa tinamit Éfeso ri tiempo ri', xapon c'a jun achin israelita rubini'an Apolos,^r jun achin aj pa tinamit Alejandría. Y can jebel c'a retaman ri ruch'abel ri Dios ri tz'ibatel can, y jebel chuka' retaman nich'on chiquivech ri vinek, romari' jebel rubixic nuben chire. ²⁵Y can jebel vi rutijoxic banon chupan ri ruch'abel ri Ajaf Jesús. Y can riq'uin c'a ronojel ránima nutzijoj ri ruch'abel ri Ajaf^s chique ri vinek. Can jebel vi yerutijoj. Xa jac'a rija' xaxe ri bautismo richin ri Juan ri Bautista^t ri retaman. ²⁶Y can man nuxibij ta c'a ri' nutzijoj chiquivech ri vinek ri pa jay ri can nitzijox-vi ri ruch'abel ri Dios. Y ri Priscila y ri Aquila^u xcac'axaj c'a. Y rije' pa ruyonil c'a xech'on riq'uin, y xquiya' más rubeyal chuvech, chirij ri ruch'abel ri Dios. ²⁷Y can rurayibel vi c'a rija' chi nibe pa ruvach'ulef rubini'an Acaya.^v Romari' tok ri kach'alal ri ec'o pan Éfeso xquibij c'a chire chi utz ri nuch'ob, y xquiben chuka' el jun vuj richin nuya' chique ri can e nimanela' vi richin ri Jesús ri ec'o pan Acaya. Ri vuj ri' nubij c'a chi tiquic'ulu' ri Apolos.^w Y tok ri Apolos xapon, can janíla xucukuba' quic'u'x ri nimanela' ri ec'o chiri', ri can xsamej yan ri rutzil ri Dios ri pa tak cánima richin quiniman y e colotajinek chic. ²⁸Y ri Apolos can chiquivech c'a conojel tok xuk'alajirisaj chi

i Ro. 16:1. j Nm. 6:18; Hch. 21:24. k Hch. 19:21. l Dt. 16:1. m Mt. 26:39; Ro. 1:10; 15:32; 1 Co. 4:19; Stg. 4:15. n Hch. 8:40. o Hch. 11:26. p Is. 35:4. q Ga. 1:2. r 1 Co. 1:12; Tit. 3:13. s Ro. 12:11. t Hch. 19:3. u Hch. 18:2, 18. v Hch. 18:12. w 1 Co. 3:6.

ri israelitas ri man quiniman ta ri Jesucristo, man ja ta ri ye'ajin chubanic. Y ri israelitas ri' man jun c'a niquibij, roma ri Apolos can nrucusaj c'a ri ruch'abel ri Dios ri e tz'ibatel can, richin nubij chi ri Jesús can jari' ri Cristo.*

Tok ri Pablo xapon chic pan Éfeso

19 ¹Y jac'a tok ri Apolos c'o ri pa tinamit Corinto, jari' tok ri Pablo^y ruchapon c'a bey, y xbek'ax-pe ri pa tak tinamit ri ec'o-el chuvi-juyu' ri pa ruvach'ulef Galacia y Frigia. Y c'ari' xapon ri pa tinamit Éfeso, y xeberila' ch'aka' chic kach'alal ri chiri'. ²Romari' rija' xuc'utuj c'a chique: Tok xinimaj, ¿xka' c'a pe ri Lok'olej Espíritu^z ri pan ivi'? xcha'.

Y ri kach'alal ri' xquibij chire: Ni xa ta ketaman^a chi c'o Lok'olej Espíritu, xecha'.

³Y jari' tok ri Pablo xuc'utuj chic chique: ¿Achique c'a chi bautismo ri xban chive? xcha'.

Y ri kach'alal ri' xquibij: Roj ja ri bautismo ri ruc'utun can ri Juan ri Bautista^b ri xban chike, xecha'.

⁴Y ri Pablo xubij chique: Ri bautismo ri xuben ri Juan, retal chi ri vinek xtzolin-pe quic'u'x riq'uin ri Dios.^c Pero xubij c'a chuka' chi c'o Jun ri xtipe, y jari' ri tiquinimaj. Y ri' ja ri Jesús, roma ja rija' ri Cristo, xcha' ri Pablo.^d

⁵Y tok rije' xcac'axaj c'a ri queri', xcajo' chi xeban bautizar pa rubi' ri Ajaf Jesús.^e ⁶Y can xka' c'a pe ri Lok'olej Espíritu pa quivi', tok ri Pablo xuya' ruk'a' pa quivi'. Y xech'on c'a pa ch'aka' chic ch'abel ri man e quetamalon ta,^f y xquik'alajirisala' ri xbix chique roma ri Dios. ⁷Y ec'o la'ek jun cablajuj achi'a' chiconojel.

⁸Ri Pablo ox'i' ic' ri can xapoviyaj ri chiri' chupan ri jay ri can richin nitzijox ri ruch'abel ri Dios. Can man c'a nuxibij ta ri' nutzijoj ri ruch'abel ri Jesucristo chique ri vinek. Niquich'ob rij^g ri ch'abel ri nich'on chirij tok ri vinek ye'oc pa rajavaren o pa ruk'a' ri Dios.^h Rija' can nutej c'a ruk'ij quiq'uin. ⁹Pero ec'o c'a ch'aka' ri xquicovirisaj ri cánima, y man xeniman ta.ⁱ Xa pa ruqu'uxel xeniman ta, xa xquichop itzel yech'on chiquivech ri vinek chirij^j ri Ajaf Jesús, ri utzilej Bey.^k Romari' ri Pablo xuch'er-el-ri' quiq'uin, y xeruc'uaj c'a chuka' el ri can e nimanela' chic. Y pa jun jay richin tijonic ri richin ri achin rubini'an Tiranno niquimol-vi-qui', richin niquich'ob rij ruch'abel ri Dios ronojel k'ij. ¹⁰Y ca'i' juna' ri xuben queri' ri Pablo. Romari' tok can conojel xe'ac'axan ri ruch'abel ri Ajaf Jesús ri chiri' pa ruvach'ulef rubini'an Asia. Chi israelitas y man israelitas ta ri xe'ac'axan. ¹¹Y ri Dios xrucusaj c'a ri Pablo richin xerubanalala' nima'k tak milagros.^l ¹²Romari' hasta ri tziek^m ri nuya' chuva-ruc'u'x rija' tok nisamej y chuka' ri rusu't ri xe'uc'uex quiq'uin yava'i', ri yava'i' ri' can xec'achoj. Chuka' ri vinek ec'o itzel tak espíritu

x Hch. 9:22. y 1 Co. 1:12. z Hch. 8:16. a 1 S. 3:7. b Hch. 18:25. c Hch. 13:24. d Hch. 1:5; 11:16. e Ga. 3:27. f Hch. 2:4. g Hch. 17:2. h Hch. 1:3; 28:23. i 2 R. 17:14; 2 Cr. 30:8; Neh. 9:16, 17. j Jud. 10. k Hch. 9:2; 2 P. 2:2. l Mr. 16:20. m Mt. 14:36.

quiq'uin, ri itzel tak espíritu can xe'el-vi-el, riq'uin xe'uc'uex chuka' ri tziek quiq'uin.

¹³Y ec'o c'a achi'a' israelitas ri yebiyaj, ri can e elesey vi itzel tak espíritu.ⁿ Ch'aka' c'a chique rije' can nicajo' c'a niquicusaj ri rubi' ri Ajaf Jesús^o richin chi niquiben queri'. Romari' rije' niquibij c'a chique ri itzel tak espíritu: Pa rubi' ri Ajaf Jesús ri nutzijoj ri Pablo nikabij c'a chive chi quixel-el, yecha' c'a chique.

¹⁴Y can que c'a chuka' ri' nicajo' niquiben ri e vuku' ruc'ajol ri achin rubini'an Esceva, ri quitata'al ri sacerdotes. ¹⁵Pero jun bey tok rije' xquicusaj ri rubi' ri Jesús richin niquelesaj ri itzel espíritu c'o riq'uin jun achin, ri espíritu ri' xch'on-pe y xubij: Yin vetaman achique ri Jesús^p y chuka' vetaman achique chi achin ri Pablo. Jac'a rix, ¿yixtiquir camí nibij chuve ix achique? xcha' chique.

¹⁶Y ri achin ri c'o ri itzel espíritu riq'uin, xuq'uek c'a ri' chiquij ri achi'a' ri', y man jun chic c'a ri yetiquir niquiben pa ruk'a', xa can xch'acon-vi chiquij. Xuretz c'a ri quitziak chiquij y e socotajinek xe'anmej-el chupan ri jay ri'. ¹⁷Y re xbanatej xetamex c'a coma conojel. Can xetamex c'a coma ri israelitas y ri man e israelitas ta ri ec'o chupan ri tinamit Éfeso. Rije' can janíla c'a xibinri'il^q xpe chique roma ri xbanatej.^r Y ri Ajaf Jesús xuc'ul c'a ruk'ij-ruc'ojlen.^s

¹⁸Y e q'uiy c'a chique ri vinek ri can quiniman chic, ye'oka' chuk'alajirisaxic ri itzel tak quibanobal.^t ¹⁹E q'uiy c'a ri quiniman chic ri Ajaf Jesús, e aj-itza^u ri rubanon can. Romari' xequicanola-pe ri quivuj richin itz, y can ja ri chiquivech ri vinek xequiporoj-vi ri quivuj ri'.^v Y ri rajel ri janipe' vuj richin itz ri xporox, c'o la'ek jun lajúj mil quetzales. ²⁰Y roma c'a ri xbanatej, xk'alajin ri ruchuk'a' ri ruch'abel ri Ajaf Dios; y e janíla vinek ri yeniman.^w

²¹Y ri Pablo xpe c'a pa ránima chi nibe c'a pa Macedonia y pan Acaya chiquitz'etic ri kach'alal. Y chuka' xpe pa ránima chi nibe c'a pa Jerusalem,^x y c'ari' c'o chi nibe pa Roma. ²²Romari' xerutek c'a el ri Timoteo^y y ri Erasto,^z ri yeto'on richin, c'a pa Macedonia. Y rija' c'a xc'oje' na chic can juba' ri pa ruvach'ulef Asia.

Ri xquic'ulvachij ri Gaio y ri Aristarco pan Éfeso

²³Y ri pa tinamit Éfeso ri tiempo ri', ri vinek janíla c'a coyoval y xeyacatej c'a chirij ri kitzij bey.^a ²⁴Y ja ri jun achin samajiy-sakipuek ri rubini'an Demetrio, ri xetakchi'in ri vinek. Roma ri chirí' pan Éfeso, can c'o rachoch jun ruvachibel ixok ri nibix Diana chire, y jac'a ri ruvachibel ri jay ri' ri yerubanala' rija' riq'uin ri sakipuek, y yeruc'ayij. Y ri achin ri', e rachibilan ri samajela' janíla c'a yech'aon^b

n Mt. 12:27. o Mr. 9:38; Lc. 9:49. p Mt. 8:29; Mr. 1:24; 5:7. q Hch. 2:43. r Lc. 1:65; Hch. 5:5, 11. s Lc. 7:16. t Jer. 3:13; Mt. 3:6. u Dn. 2:2. v Is. 30:22. w Col. 1:6. x Hch. 20:22; Ro. 15:25; Ga. 2:1. y Hch. 16:1. z Ro. 16:23; 2 Ti. 4:20. a Hch. 9:2; 19:9. b Hch. 16:16, 19.

chiquij ri tak ruvachibel jay ri! ²⁵Romari' ri achin ri' xeroyoj ri samajela', y xerumul chuka' ri ch'aka' chic banoy ruvachibel ri jay richin ri Diana, y xubij chique: Rix ivetaman c'a chi re jun samaj kachapon, can c'o-vi ch'acoj chirij.^c ²⁶Pero rix itz'eton y chuka' ivac'axan chic chi ri achin ri nibix Pablo chire, nubij c'a chique ri vinek chi ri vachibel e banalon coma achi'a' man e dios ta.^d Y can e q'uiy ri rujalon chic quich'obonic y quiniman chic, man xe ta re vave' pan Éfeso, xa can jubama pa ronojel re ruvach'ulef Asia. ²⁷Y man xe ta chire ri kach'acoj ri c'ayef nuben, xa can c'ayef chuka' nuben chire ri rachoch ri ka-dios Diana, roma man jun ruk'ij niban can chire. Y vi queri' niban chire, netzelex c'a can ri nimalex ka-dios, y jun dios ri can niquiya' chuka' ruk'ij ri vinek ri ec'o pa ronojel tinamit richin re Asia y ri e richin ch'aka' chic ruvach'ulef, xcha'.

²⁸Tok xcac'axaj ri xubij ri Demetrio chique, ri achi'a' ri' xyacatej coyoval. Y can junan c'a tok xech'on riq'uin ronojel uchuk'a', y xquibij: ¡Nim ri Diana ri ka-dios^e roj aj-Éfeso! xecha' c'a.

²⁹Y can conojel c'a ri vinek richin ri tinamit Éfeso xebeyacatej-pe, stape' man quetaman ta achique roma. Rije' xa jac'a ri ca'i' achi'a' ri yepe pa Macedonia, ri e rachibil ri Pablo ri xequichop. Ri ca'i' achi'a' ri' quibini'an Gaio' y Aristarco.^g Y xequic'uaj-el ri acuchi niquimol-vi-qui' ri vinek ri'. ³⁰Y ri Pablo can xrajo' c'a xapon chupan ri lugar ri', y xoc ta apo richin nich'on chiquivech ri vinek, pero ri kach'alal man xquiya' ta k'ij chire. ³¹Chuka' ec'o c'a principal-i' richin ri ruvach'ulef Asia^h ri ec'o chiril' pan Éfeso,ⁱ ri xquitek rubixic chire ri Pablo chi man tapon ri acuchi quimolon-vi-qui' ri vinek. Xquiben c'a queri' ri achi'a' ri', roma can cachibil qui' riq'uin ri Pablo.^j ³²Jac'a ri najin-vi ri molojri'il, ri vinek janíla pa quichi' niquiben. Ec'o jun vi c'a ri niquibij. Y ri ch'aka' jun vi chic ri niquibila'. Y ri más e q'uiy ni man quetaman ta achique roma tok quimolon-apo-qui' quiq'uin. Can sachinek c'a quic'u'x ri vinek ri quimolon-qui'. ³³Y chiquicojol c'a ri vinek ri quimolon-qui' chiril', ec'o c'a vinek israelitas ri can chiril' pa tinamit ec'o-vi, y rije' richin chi niquito-qui' y man jun ta nipe chiquij, romari' xquiya' runa'oj jun achin ri can quivinak, ri rubini'an Alejandro^k y xquiben chire chi tich'on-pe chiquivech ri vinek. Y tok ri Alejandro c'o chic chiquivech ri vinek, richin niquicol ta qui', xuben c'a retal riq'uin ri ruk'a' chi quetane-ka.^l ³⁴Pero ri vinek ri' xa itzel niquina' chique ri israelitas. Romari', tok xquitz'et ri Alejandro y xquinabej chi israelita, jun la'ek ca'i' horas ri xquibij: ¡Nim ri Diana ri ka-dios roj aj-Éfeso! Can riq'uin c'a ronojel cuchuk'a' yech'on, y junan c'a tok yech'on.

³⁵Y tok ri aj-tz'ib richin ri tinamit ri' xtiquir xerutanaba-ka ri vinek, xubij c'a chique: Vinek richin re tinamit Éfeso, ¿can c'o ta cami jun vinek ri man ta etamayon chi ri aj vave' pan Éfeso can e chajinela' vi richin ri rachoch ri

c Pr. 15:27; 1 Ti. 6:10. d Sal. 115:4; Is. 41:24; 44:10-20; 46:7; Jer. 10:3; Hch. 17:29; 1 Co. 8:4. e Jer. 50:38; Hab. 2:18, 19. f Ro. 16:23; 1 Co. 1:14. g Hch. 20:4; 27:2; Col. 4:10; Flm. 24. h Hch. 16:6; 1 P. 1:1. i Ap. 1:11. j Pr. 16:7. k 1 Ti. 1:20; 2 Ti. 4:14. l Hch. 12:17; 13:16; 21:40.

Diana y que chuka' ri' richin ri ruvachibel ri nimalej dios Diana ri kajinek-pe chila' riq'uin ri dios Júpiter? ³⁶Y man jun c'a xtibanon chi man ta queri'. Xa tich'uch'u' c'a ka ri ivánima, man tiben ri xa man ruc'amon ta. ³⁷Roma re achi'a' re e ic'amon-pe, man jun itzel quibanon o quibin ta chirij ri Diana, ri i-dios. ³⁸Y vi ri Demetrio y ri samajela' ri e rachibil c'o nicajo' niquich'ojij chirij jun, romari' ec'o k'atoy tak tzij,^m ec'o k'atbel tak tzij, ri acuchi ruc'amon niquichojmirisaj-vi-qui'. ³⁹Y vi xa jun chic ruchojmirisaxic ri nivajo' rix, tikacha' c'a can jun k'ij tok xtikamol-ki' konojel y nikachojmirisaj, achi'el ri nubij ri ka-ley. ⁴⁰Roma xa choj queri' kamolon-pe-ki'. Y vi ta nic'utux chike chi achique roma tok kamolon-ki' y achique roma tok e yacatajinek-pe ri vinek,ⁿ man jun xtikabij. Y riq'uin juba' ri k'atoy tak tzij niquich'ob chi nikaben re molojri'il re' richin joyyacatej chiquij. Y ri' c'ayef chike roj.

⁴¹Y ri aj-tz'ib can xe c'a xubij ri ch'abel ri', xubij chi ri molojri'il ri' titane' can.^o

Ri Pablo xk'ax pa Grecia, pa Macedonia, y xapon pa Troas

20 ¹Y tok xtane' c'a ronojel y ri vinek quitulun chic el qui', ri Pablo xerumol c'a conojel ri kach'alal aj chiri' pan Éfeso, y xerupixabala' can. Y tok ch'ovinek chic can chique y e ruk'etelon chic can conojel, xuchop c'a el bey richin nibe c'a pa Macedonia.^p ²Xbe c'a chiquitz'etic ri kach'alal ri ec'o pa ronojel lugar ri chiri' pa Macedonia, y xberucukubala' c'a can quic'u'x riq'uin q'uiy ch'abel. Y c'ari' xbe pa ruvach'ulef Grecia. ³Y xc'oje' c'a oxil' ic' ri chiri'. Y tok rija' xrajo' xbe pa barco richin nitzolin pa ruvach'ulef Siria, jari' tok xunabej chi ruvinak israelitas^q ri man quiniman ta, c'o ri quich'obon chi niquiben chire tok xtoc-el ri pa barco. Y romari' rija' xa xujel ri ruch'obon, rija' xa xuch'ob chi xtic'o chic jun bey ri pa Macedonia. ⁴Ri yebe ta chirij ri Pablo c'a pan Asia ja ri Sópater aj pa Berea, ri Aristarco' y ri Segundo ri e aj pa Tesalónica, ri Gaio^s ri aj-Derbe, ri Timoteo,^t ri Tíquico^u y ri Trófimo^v ri e aj pan Asia. ⁵Pero re kach'alal re' xenabeyej yan c'a el chikavech roj, y xojcoyobej c'a ri chiri' pa tinamit Troas.^w ⁶Y c'a tok ic'ovinek chic c'a ri nimak'ij tok nitij ri caxlan-vey ri manek ch'en (ch'amilej-k'or) riq'uin,^x jac'ari' tok roj xojoc-el pa jun barco, y xkaya' can ri tinamit Filipos. Y vo'o' k'ij c'a ri xkacusaj roj richin chi xojapon quiq'uin, ri chiri' pa Troas.^y Y vuku' c'a k'ij ri xojc'oje-ka ri chiri'.

Ri xuc'ulvachij ri Eutico tok ruq'uisibel k'ij c'o ri Pablo pa Troas

⁷Y chupan ri nabey k'ij richin ri semana,^z xkamol-ki' quiq'uin ri kach'alal ri ec'o chupan ri tinamit ri' richin nikatej ri caxlan-vey natabel richin ri rucamic ri Ajaf Jesucristo.^a Y ri Pablo xch'on c'a

m Hch. 13:7. n 1 R. 1:41; Mt. 26:5. o Pr. 15:1; Ec. 9:17. p 1 Co. 16:5; 2 Co. 7:5. q 2 Co. 11:26. r Hch. 27:2. s Hch. 19:29. t Hch. 16:1. u Ef. 6:21. v Hch. 21:29; 2 Ti. 4:20. w Hch. 16:8. x Ex. 12:14. y Hch. 16:8. z Jn. 20:1. a Hch. 2:42.

chiquivech ri kach'alal, y xapon c'a nic'aj-ak'a, roma ja ri ruca'n k'ij c'o chi nibe. ⁸Y ri pa rox vik jay (rox vek jay), ri kamolon-vi-ki', jebel c'a sek roma q'uiy k'ak' e tzijon. ⁹Pero c'o c'a jun ala' rubini'an Eutico, ri tz'uyul pa ventana richin ri jay. Y roma ri Pablo can c'a nich'on na c'a ri nej chic ak'a, janíla c'a ruvaran xpe ri ala' ri'. Pero tok can xver-vi-ka, ri ala' xtzak-el, y c'a pan ulef xapon-vi-ka. Can jac'a ri pa rox vik jay (rox vek jay) xtzak-vi-el, c'a pa xulan ka. Y tok can xebe c'a chuyaquic, xa xquitz'et chi caminek chic. ¹⁰Y c'ari' ri Pablo xbeka-pe y xjupe' chirij ri ruch'acul ri ala',^b y xuk'etej. Y xubij c'a chique ri kach'alal: Man tixibij-ivi'. Re ala' xa xc'astej yan pe.

¹¹Y ri Pablo y ri ch'aka' chic xejote' chic el ri pa jay. Rija' xuper c'a (xupir c'a) ri caxlan-vey, y xquitej.^c Y xuchop chic c'a nich'on jun bey, y c'a ja tok ri niseker-pe tok xtane'. Y can jac'a chuka' ri' tok xbe. ¹²Y ri kach'alal can janíla c'a xcuker quic'u'x roma ri ala', roma can q'ues vi ri xquic'uaj.

Tok ri Pablo xapon pa Mileto

¹³Y ri Pablo chiraken xbe pa tinamit Asón. Pero xojnabeyej-el roj pa barco, richin queri' nekac'ama-pe ri Pablo ri chiri' pan Asón, roma can queri' ri ruchojmil ri rubin-el rija' chike. ¹⁴Tok xbekac'ulu-ki' ri chiri' pa tinamit Asón, rija' xoc c'a el kiquin ri pa barco richin xojbe c'a ri pa tinamit rubini'an Mitilene. ¹⁵C'ari' xojel chic c'a el ri chiri' pa Mitilene, y pa ruca'n k'ij xojk'ax chuvech ri Quío. Y can c'a ja ri pa ruca'n chic k'ij chire ri koj'ax chuvech ri Quío, jari' tok xojk'ax ri pa Samos, c'ari' ja ri pa tinamit Trogilio xojuxlan-vi-el. Y can c'a ja chic ri pa ruca'n k'ij ri xojapon ri pa tinamit rubini'an Mileto. ¹⁶Y man xojbe ta c'a pa tinamit Éfeso, roma ri Pablo man c'a nrajo' ta chi q'uiy chic tiempo ri nic'oje-ka pa ruvach'ulef Asia. Y xa can rurayibel c'a chi napon yan ri pa Jerusalem^d richin ri nimak'ij rubini'an Pentecostés,^e vi tiquirel.

Tok ri uc'uey quichin ri kach'alal pan Éfeso xe'oyox roma ri Pablo

¹⁷Y chiri' c'a pa tinamit Mileto oje'o-vi, tok ri Pablo xutek coyoxic ri uc'uey quichin ri kach'alal^f pan Éfeso. ¹⁸Jac'a tok e okavinek chic ri kach'alal ri', ri Pablo xubij chique: Rix jebel ivetaman achique rubanic ri nuc'aslen ri xinc'uaj chivech jampe' ri xic'oje' chil'icojol re vave' pa ruvach'ulef Asia. ¹⁹Can nuch'utininisan c'a vi' chuvech ri Ajaf Dios chubanic ri rusamaj. Stape' c'o ok'ej, ninben ri rusamaj. Y stape' chuka' ri nuvinak xinquiya' pa k'axo'n roma ri itzel yequich'obola' richin niquiben chuve,^g xinben ri rusamaj rija'. ²⁰Man jun bey c'a xinmalij ta ka chi man ta chic xintzijos ri ruch'abel ri Dios ri utz nuben chire ri ic'aslen. Y xixintijos c'a chupan ri ruch'abel ri Dios tok c'o molojri'il y ri pa tak ivachoch chuka'. ²¹Y chique

b 1 R. 17:21; 2 R. 4:34. c Hch. 20:7. d Hch. 18:21; 19:21; 21:4, 12. e Hch. 2:1; 1 Co. 16:8. f 1 Ti. 4:14. g Hch. 20:3.

ri nuvinak israelitas^h y chique ri vinek man e israelitas ta, nuk'alajirisan c'a chuka' chi titzolej-pe quic'u'x riq'uin ri Diosⁱ y tiquinimaj^j ri Kajaf Jesucristo. ²²Y re vacami, ri Lok'olej Espíritu nuben chuve chi yibe c'a pa Jerusalem,^k y man vetaman ta c'a achique ri xtinc'ulvachij ri chirí'. ²³Ri vetaman xaxe c'a ri ruk'alajirisan ri Lok'olej Espíritu chuve, chi yin xquit'zapex pa cárcel, y xtinte pokona^l tok xquinapon ri pa Jerusalem. Roma queri' ri ruk'alajirisan-pe ri Lok'olej Espíritu^m chuve ronojel tinamit ri xik'ax yan pe. ²⁴Pero man ja ta riⁿ ri más ninch'ob rij, ni man ja ta chuka' ri nuc'aslen ri ninch'ob más.ⁿ Ri más c'a ninch'ob, ja ri samaj^o ri ruyo'on ri Ajaf Jesús chuve,^p y riq'uin ta c'a quicoten ri xtinq'uis rutzijoxic chique ri vinek ri utzilej ch'abel richin colotajic, ri nik'alajirisan ri rutzil ri Dios.

²⁵Y yin vetaman chic c'a chi ja ruq'uisibel bey re^r ri xquiniz'tet-el. Rix c'a ri xivac'axaj tok xintzijo^s chive chirij tok ri vinek ye'oc pa rajavaren o pa ruk'a' ri Dios, rix xa can man xquiniz'tet ta chic el chuvech re ruvach'ulef. ²⁶Romari' can ninbij can chive, chi man numac ta yin vi ec'o ri xquebeka' c'a chupan ri ruc'ayeval.^q ²⁷Roma can man jun ri xinvejaj, y man ta xinbij chive, xa can ronojel ri ruch'obon ri Dios^r pa kavi' roj vinek xinbij chive. ²⁸Can tichajij c'a ka ic'aslen^s rix, y que chuka' ri^t tibanala' quic'uin conojel ri kach'alal, roma ri samaj^o ri ruyo'on ri Lok'olej Espíritu chive, ja chi jebel quic'uaxic niben, roma rije' can e richin chic ri Ajaf Jesús y e ru-iglesia chuka' chic, roma can ja rija' ri xcolon quichin, riq'uin ri ruquiq'uel^u ri xbiyin chuva ri cruz tok xcamisex. ²⁹Roma can vetaman chi can xe tok man xquipe ta chic yin, can jac'ari' xque'oka' can vinek ri achi'el quibanic utiva!^v Roma ri utiva', can xe ri ye'oc chiquicojol ri carne'l, yequitej y yequiq'uis. Can e que chuka' ri^w ri vinek ri', xque'oc chiquicojol ri kach'alal, y xtiquiben c'a chique chi man chic xtiquicukuba' ta quic'u'x riq'uin ri Ajaf Jesús. ³⁰Y ec'o c'a chuka' ch'aka' chive rix ri xquebek'alajin-pe.^y Y rije' man ja ta rubixic niqubien chire ri ruch'abel ri Dios, y xquequich'er ri can e nimanel vi richin ri Jesús, richin chi ri ch'aka' chique rije' can xquequitzelbej-el rije'. ³¹Roma c'a ri', can tichajij-ivi'. Toka' chi'ic'u'x chi yin oxí' juna' ri xic'oje' iviq'uin, y jantape' xixinvok'ej y xixinpixabaj.

³²Y vacami c'a vach'alal, yixinjech can pa ruk'a' ri Dios y ri ruch'abel. Y ri ch'abel ri' nuk'alajirisan^j ri rutzil ri Dios^w chikavech, y can nuben c'a chike chi ri kac'aslen niq'uiy^x y chuka' chi junan ri xtikichinaj^y quic'uin ri ch'aka' chic ri ch'ajch'oj chic quic'aslen y e richin chic ri Dios. ³³Y yin man roma ta c'a xinvajol' ri i-mero, ni man roma ta chuka' xinrayij ri itziak, roma ta ri' xintzijo^s ri ruch'abel ri Dios chive, man que ta ri'.^z ³⁴Roma rix can jebel ivetaman chi xisamej^a richin c'o xincusaj yin y c'o chuka' xquicusaj ri vachibil. ³⁵Yin can xinc'ut c'a chivech chi nic'atzin chi yixsamej richin

h Hch. 18:5. i Hch. 2:38. j Mr. 1:15. k Hch. 19:21. l 1 Ts. 3:3. m Hch. 21:4, 11. n Ro. 8:35. o Hch. 1:17; 2 Co. 4:16. p Ga. 1:1; 2 Ti. 4:7. q Hch. 18:6. r Lc. 7:30. s 1 Ti. 4:16. t Ef. 1:7; He. 9:14. u Mt. 7:15. v 1 Jn. 2:19. w He. 13:9. x Hch. 9:31. y Ef. 1:18; Col. 3:24. z 1 S. 12:3; 1 Co. 9:12. a 1 Co. 4:12.

nich'ec i-mero richin chi riq'uin ri' ye'itobej ri nic'atzin quito'ic.^b Y toka' c'a ch'il'ic'u'x ri rubin can ri Ajaf Jesús. Rija' rubin c'a can: Más niqúicot ránima ri vinek ri nisipan^c que chuveh ri nic'ulun jun sipanic.

³⁶Y tok rija' ch'ovinek chic ka, xxuque' c'a y xuben orar quiq'uin conojel ri ec'o chiri'. ³⁷Y ri quimolon c'a qui' ri chiri' xe'ok',^d xquik'etela' y xquitz'ubaj (xquitz'umaj) chuka' ri Pablo. ³⁸Y can janfla yebison roma ri Pablo, roma rija' xubij c'a chique chi man jun bey chic c'a xtiquitz'et-el ruveh chuveh re ruvach'ulef.^e Y xebe c'a riq'uin, richin xbequijacha' can ri pa barco.

Ri Pablo c'a ruchapon na c'a bey richin nibe pa Jerusalem

21 ¹Y tok kach'aron chic ki', ri kach'alal xec'oje' c'a can, y roj xojoc-el pa barco, y choj xojbe c'a pa jun ti ruvach'ulef ri c'o pa ya' y rubini'an Cos. Pa ruca'n k'ij tok xojel-el ri chiri', xojapon can pa jun chic ti ruvach'ulef c'o chuka' pa ya' y rubini'an Rodas. Y tok xojel-el ri pa Rodas, xojapon c'a ri pa tinamit rubini'an Pátara. ²Ri chiri' pa Pátara xbekila' c'a jun barco ri nibe c'a pa Fenicia. Xojoc c'a el chupan, y xkachop c'a el bey. ³Y jari' tok xkatz'et ri ruvach'ulef Chipre ri c'o pa ya', y ja ri pa kajxocon (izquierda) ri xe'oje-vi can, roma ri barco ri uc'uayon kichin, xa choj ruchapon bey c'a pa Siria.^f Y ja ri pa tinamit Tiro xojapon-vi, roma ri barco ruc'uan-el ejka'n richin ri chiri'. ⁴Y xekacanoj c'a ri kach'alal ri ec'o chiri'. Y vuku' k'ij ri xojc'oje' chiri' quiq'uin. Y ri kach'alal ri' xquibij c'a chire ri Pablo chi man tibe pa Jerusalem, roma can ja ri Lok'olej Espíritu ri k'alajirisayon chiquivech chi c'o nuc'ulvachij ri Pablo ri pa Jerusalem.^g ⁵Chupan c'a ri ruvuk k'ij kojc'oje' ri chiri', xkachoimirisajki' richin yojbe. Y conojel ri kach'alal cachibilan ri quixjaylal y ri calc'ual, xojbequijacha' c'a can ri chuchi' ri ya'. Y ri chiri' ri chuchi-ya', xojxuque-ka^h y xkaben orar.ⁱ ⁶Y richin c'a xkach'er-ki', xkak'etela' can ki'. Roj xojoc-el ri pa barco, y ri kach'alal xetzolin chi tak cachoch.

⁷Y ja tok xojel-pe ri pa Tiro richin xojbe c'a pa Tolemaida, jari' ri ruquuisibel k'ij ri xkaben ri pa ruvi-ya'. Y ri chiri' pa tinamit Tolemaida xebekak'ejela' c'a can (xebekak'ijala' c'a can) ri kach'alal, y xojc'oje-pe jun k'ij quiq'uin. ⁸Pa ruca'n k'ij ri Pablo y ri oj benek riq'uin, xojel c'a el chiri' pa Tolemaida, y xkachop-el bey richin yojbe c'a ri pa tinamit Cesarea. Jac'a tok xojapon, xojbe ri chirachoch ri Felipe^j ri nitzijon ri utzilej ch'abel richin colotajic.^k Rija' jun c'a chique ri vuku'^l diáconos ri xe'ilin quichin ri malcani'a' tak ixoki' ri pa Jerusalem. Y xojc'oje' c'a ka ri chirachoch ri Felipe. ⁹Y rija' ec'o c'a e caji' rumi'al ri man e c'ulan ta, y rije' niqúik'alajirisaj c'a ri nibix chique roma ri Dios.^m ¹⁰Y ca'i-oxi' yan k'ij kojc'oje' ri chiri' pa tinamit, tok jun achin rubini'an Agaboⁿ xapon chuka' ri chiri' pa

b 2 Co. 11:9; Ef. 4:28. c Mt. 10:8. d Gn. 45:14. e Hch. 20:25. f Jue. 10:6; 2 S. 8:6; Is. 7:2; Mt. 4:24; Lc. 2:2; Hch. 15:23, 41; 18:18. g Hch. 20:23. h Sal. 95:6; Mr. 1:40; Hch. 7:60. i 1 R. 8:54; Hch. 9:40; 20:36. j Hch. 8:26. k Hch. 8:40; Ef. 4:11; 2 Ti. 4:5. l Hch. 6:5. m Jl. 2:28; Hch. 2:17. n Hch. 11:28.

tinamit. Rija! petenek c'a pa Judea, y jun rusamajel ri Dios ri nuk'alajirisaj ri nibix chire roma ri Dios. ¹¹Y tok rija! xapon c'a chikat'etic, xberuc'ama-pe jun ximbel-rupan ri Pablo, y riq'uin ri' xuximila^o ruk'a-raken rija! mismo, y c'ari' xubij: Ri Lok'olej Espíritu rubin c'a chuve chi ri rajaf re ximbel re!, quere! xteban chire coma ri israelitas tok xtapon ri pa Jerusalem, y c'ari' xtiq'ijech pa quik'a! vinek ri xa man e israelitas ta, xcha!.

¹²Y tok xkac'axaj c'a queri!, roj y ri kach'alal aj-Cesarea can janíla c'a xkac'utuj chire ri Pablo chi man tibe ri pa Jerusalem. ¹³Pero ri Pablo xubij chike: ¿Achi que roma tok rix niya-pe bis pa vánima riq'uin la yixok!? Yin man c'a ninpokonaj ta vi! vi yicamisex^p roma ri nintz'ijoj ri ruch'abel ri Ajaf Jesús,^q c'a ta la' c'a chi xaxe yibexim ri chila' pa Jerusalem, xcha' ri Pablo.^r

¹⁴Y roma c'a ri man xojt'iq'uir ta xkaben chire chi man ta nibe ri pa Jerusalem, xaxe c'a xkabij: Ja ta c'a ri rurayibel ri Ajaf nibanatej,^s xojcha!.

¹⁵Y c'ari' xkachojmirisala-ki!, y xkachop-el bey pa Jerusalem. ¹⁶Y can ec'o kach'alal aj-Cesarea ri xekachibilaj-el. Y chiquicojol rije' benek c'a jun kach'alal ri aj-Chipre, y rubini'an Mnasón. Rija! c'o yan c'a chic tiempo runiman-pe ri Ajaf Jesús, y c'o jun rachoch ri pa Jerusalem ri xojbec'oje-vi.

Tok ri Pablo xapon riq'uin ri Jacobo

¹⁷Y tok xojapon c'a ri pa Jerusalem, riq'uin c'a quicoten xojc'ul coma ri kach'alal.^t ¹⁸Y pa ruca'n k'ij xkachibilaj c'a el ri Pablo richin xbekatz'eta' can ri Jacobo.^u Tok xojapon riq'uin ri Jacobo, conojel ri achi'a! ri e uc'uey quichin kach'alal, quimolon c'a chuka' qui' chiri!. ¹⁹Ri Pablo xeruk'ejela' (xeruk'ijala!), y c'ari' chi jujun chi jujun xutz'ijoj ri ruben ri Dios chiquicojol ri vinek man e israelitas ta,^v roma ri rusamaj^w rija!. ²⁰Y tok xcac'axaj ri xubij ri Pablo chique, rije' xquiya' c'a ruk'ij-rucojlen ri Dios romari!, y xquibij c'a chire ri Pablo: Kach'alal, janíla c'a niquicot ri kánima roma ri xatz'ijoj-ka chike, pero ec'o man que ta ri!. Rat can avetaman chic c'a chi pa mil israelitas ri quiniman chic, y ja rije' c'a ri yebin chi can nic'atzin chi niban ri nubij chupan ri ley^x ri richin ri Moisés. ²¹Y tzijon c'a cha chique chi rat nabij chique ri israelitas ri ec'o pa ch'aka' chic ruvach'ulef, chi man tiquiben ronojel ri nubij ri ru-ley ri Moisés,^y chi man tiquiben ri circuncisión chique ri c'ajola!, y chuka' man tiquiben ri ch'aka' chic ri rubin can ri Moisés chi c'o chi niban. ²²¿Achi que c'a xtikaben vacami? Roma tok rije' xtiquinabej chi atc'o, can xque'oka-vi. ²³Más c'a utz tabana' re xtikabij chave: Ec'o c'a caji' kach'alal achi'a! ri c'o quisujun chire ri Dios richin niquiben, y xa chua'k-cabij ri nitz'aket ri k'ij. ²⁴Que'ac'uaq c'a el, tich'ajch'ojirisaj-ivi! quiq'uin y tiya' chire ri Dios ri nubij ri ley richin ri Moisés. Y

o Hch. 21:33; Ef. 6:20; 2 Ti. 2:9. p 1 Co. 4:9; 2 Co. 4:10; Fil. 1:20; 2 Ti. 4:6. q Hch. 20:24; Ro. 8:35. r Col. 1:24. s 1 S. 3:18; Mt. 26:42; Lc. 22:42. t Hch. 15:4. u Hch. 15:13; Ga. 1:19; 2:9; Stg. 1:1. v Hch. 15:12; Ro. 15:18. w Hch. 20:24; 1 Co. 3:5-8. x Hch. 22:3; Ga. 1:14. y Hch. 6:14; Ga. 5:1.

ja rat calok'on ronojel ri nic'atzin. Y c'ari' rije' xtiqiuju'c'-el ri rusmal tak quivi'.^z Vi rat xtaben ronojel ri xkabij chave, ri vinek xtiquetamaj c'a chi xa man kitzij ta ri nitzijox chavij chi man naben ta ri nubij ri ley richin ri Moisés, xa xtiqubij c'a chi can at nimanel vi richin ri ley.^a ²⁵Y chique ri xa man e israelitas ta ri quiniman chic, xkatek yan c'a el vuj quiq'uin chirij re na'oj re c'ari' nikatziyoj-ka. Xaxe c'a xkachilabej chique chi man tiqutej ti'ij richin jun chicop ri xcamisex richin xsuj chire jun dios ri man kitzij ta,^b chi man tiqutej quic',^c man tiqutej ti'ij ri c'a c'o na quic' ruc'uan,^d achi'el ri quichin ri chicop ri xejik', chuka' ri achi'a' y ri ixoki' man tiquicanola-qui' richin yemacun,^e xecha' chire.

Tok ri vinek xeyacatej chirij ri Pablo ri pa rachoch ri Dios y xquichop-el

²⁶Y ri Pablo xeruc'uaj c'a el ri caji' achi'a' ri', y pa ruca'n k'ij xquich'ajch'ojirisaj c'a el qui', y xebe pa rachoch ri Dios^f ri c'o chiri' pa Jerusalem, richin xbequibij can jampe' xtitz'aket ri k'ij richin ri ch'ajch'ojirisanic^g y chiquijujunal xtiquiya' chire ri Dios ri nic'atzin chi niquiya'.

²⁷Y tok nitz'aket yan c'a ri vuku' k'ij, ri Pablo c'o c'a ri chiri' pa rachoch ri Dios; y jari' tok xtz'et coma ch'aka' israelitas ri yepe c'a quela' pan Asia. Y re israelitas re' xquiya' c'a chuka' quina'oj ri ch'aka' chic quivinak israelitas richin xquichop^h ri Pablo. ²⁸Y tok xquichop, can riq'uin c'a cuchuk'a' xquibila': ¡Kojito! ¡Kojito!, rix kavinak israelitas! ¡Ja achin re' ri nibiyaj ronojel tinamit, y yerutijoj ri vinek chi man tiquiben ri nubij chupan ri ley richin ri Moisés, y itzel chuka' nich'on chirij re rachoch ri Diosⁱ re c'o vave' pa Jerusalem.^j Q'uiy c'a chuka' ri nubij chikij roj israelitas, y vacami e rucusan-pe vinek ri man e israelitas ta, achi'el xa man rachoch ta ri Dios nuben chire re lok'olej jay re!

²⁹Que c'a ri' niquibila' ri vinek ri', roma quitz'eton ri pa tinamit chi ri Pablo junan benek riq'uin ri Trófimo^k ri aj-Éfeso, y rije' xquich'ob chi ri Pablo ruc'uan chuka' apo ri Trófimo ri pa rachoch ri Dios.

³⁰Y can conojel la'ek vinek richin ri tinamit ri xebeyacatej-pe, y junanin e petenek. Y can quikiriren c'a ri Pablo, xquelesaj-pe ri chiri' pa rachoch ri Dios.^l Y can ja chuka' ri' xetz'apelox can ri ruchi' ri rachoch ri Dios. ³¹Y niquicamisaj yan c'a ri Pablo. Pero xapon c'a rutzijol riq'uin ri achin ri uc'uey quichin ri soldados y can c'o ruk'ij achi'el ruk'ij jun Coronel, chi ri vinek richin ri Jerusalem e yacatajinek. ³²Romari' ri achin ri' can chanin c'a xerumol-pe ri achi'a' ri ec'o pa ruk'a', ri soldados y ri Capitanes, y junanin xebe acuchi quimolon-vi-qui' ri vinek. Y ri vinek, can xe c'a xequitz'et, xquiya' can ruch'ayic ri Pablo.^m ³³Y ri achin

z Nm. 6:2, 13, 18; Hch. 18:18. a 1 Co. 9:20. b 1 Co. 8. c Lv. 17:14. d Gn. 9:4. e 1 Co. 5:1, 9, 11; 10:8; 1 Ts. 4:3; He. 13:4. f Hch. 24:18. g Nm. 6:13. h Lc. 21:12; Hch. 4:3; 5:18; 26:21; 2 Co. 4:9. i Hch. 6:13. j Hch. 25:8. k Hch. 20:4; 2 Ti. 4:20. l 2 R. 11:15. m Hch. 23:27.

ri achiel jun Coronel xtiquir c'a xjel-apo c'a riq'uin ri Pablo, xberuchapa-pe, y xutek c'a ruximicⁿ riq'uin ca!ⁱ cadenas.^o Y c'ari' c'a xuc'utuj chi achique achin ri!, y achique ri xumacuj^p ³⁴Y ri achin achiel Coronel man jun c'a tzij xrac'axaj ta jebel, roma janíla e q'uuiy vinek ri ec'o chiri!. Jun vi c'a ri niqubij ch'aka!, y jun vi chic niqubij ri ch'aka!, y can riq'uin ronojel cuchuk'a' tok niqubij. Romari' xubij c'a chi tuc'uex ri Pablo coma ri soldados c'a chupan ri jay acuchi ec'o-vi rije!^q ³⁵Jac'ta tok e benek chuvech ri gradas ri ec'o chuvech ri acuchi ec'o-vi ri soldados, re soldados re' c'o chi xquitzekej ri Pablo chicaj, roma ri vinek más xyacatej coyoval. ³⁶Y conojel c'a ri vinek ri' can e tzeketel c'a el chiquij, y janíla pa quichi' niqubien y niqubila' c'a: ¡Ticamisex' la Pablo! yecha!

Ri Pablo nich'on c'a chiquivech ri vinek

³⁷Y jac'a tok nucusex yan apo chupan ri jay acuchi ec'o-vi ri soldados, ri Pablo xubij c'a chire ri achin achiel Coronel: ¿Utz yich'on juba' aviq'uin? xcha'!

Y ri achin xubij chire ri Pablo: ¿Yach'on chuka' pa quich'abel ri aj-Grecia rat? ³⁸¿Man ja ta rat ri' ri achin aj-Egipto ri c'o yan chic juba' tiempo queyacatej chirij ri k'atbel-tzij e rachibilan e caji' mil camisanela' tak achia', ri xquimol-qui' pa tz'iran ruvach'ulef? xuche'ex.

³⁹Pero ri Pablo xubij c'a: Yin in jun israelita^r ri xinalex pa Tarso,^t ri jun nimalej tinamit ri c'o pa Cilicia. Y ninc'utuj c'a utzil chave chi taya' k'ij chuve richin yich'on chique ri vinek.

⁴⁰Y ri achin achiel Coronel xuya' c'a k'ij chire richin tich'on. Y ri Pablo xpa'e' ri chiri' pa tak gradas, y xuben-pe retal riq'uin ri ruk'a' chique ri vinek richin quetane-ka. Y tok man jun chic c'a nik'ajan, rija' xbech'on-pe chiquivech pan hebreo,^u ri quich'abel ri israelitas:

22 ¹Nuvinak israelitas y rix principal-i' chupan re katinamit, can tivac'axaj c'a ri ch'abel ri xquenbij chive vacami,^v richin ninto-vi!, xcha'!

²Y tok ri vinek xcac'axaj c'a chi ri Pablo xa can nich'on-pe chique ri pan hebreo,^w ri quich'abel rije!, más man jun xch'on. Y ri Pablo xuchop c'a nich'on y xubij c'a: ³Yin can in jun israelita.^x Xaxe c'a chi yin xinalex ri pa tinamit rubini'an Tarso^r ri c'o pa Cilicia, pero can ja re vave' pa Jerusalem xiq'uuiy-vi. Y ja ri nimalej achin ri rubini'an Gamaliel^z ri xtijon vichin. Y xirutijoj c'a riq'uin ronojel ri nubij chupan ri ley^a ri yo'on can chique ri ojer tak kati't-kamama!^b Roma can rurayibel c'a ri vánima ri' richin ninben rusamaj ri Dios, achiel chuka' ri irayibel chil'ivonojel rix chupan re k'ij re!. ⁴Roma tok rubanon can, yin janíla c'a pokon ri xinbanala' chique ri vinek ri quitzekelben ri Ajaf Jesucristo, ri kitzij Bey. Xenchapala' c'a pe richin xenya' pa cárcel. Xenc'ujaj pa camic. Y chi achia'

n Jue. 15:13; Hch. 22:25-29. o Hch. 12:6; 28:20. p Hch. 20:23. q Hch. 21:37; 22:24; 23:10, 16. r Lc. 23:18; Jn. 19:15; Hch. 22:22. s Fil. 3:5. t Hch. 9:11. u Hch. 22:2; 26:14. v Hch. 7:2. w Hch. 21:40. x Ro. 11:1; 2 Co. 11:22; Fil. 3:5. y Hch. 9:30. z Hch. 5:34. a Hch. 26:5. b Ga. 1:14.

y chi ixoki' ri queri' xinben chique.^c ⁵Y ri nimalej sacerdote y conojel ri rijita'k achi'a' ri c'o quik'ij'^d jebel quetaman, roma can ja rije' ri xeyo'on-el k'atbel-tzij pa nuk'a', y tz'ibatel-el chuvech vuj richin ninjeh pa quik'a' ri kavinak ri ec'o pa tinamit Damasco. Y xibe c'a chiquichapic ri vinek ri yetzekelben ri Jesucristo, richin e ximon yenq'uen-pe vave' pa Jerusalem,^e y c'ari' yeny'a' c'a pa pokonal.

Ri Pablo nutzijoj c'a achique rubanic tok rija' xunimaj

⁶Pero pa jun nic'aj-k'ij tok kachapon-el bey y xa juba' chic nrajo' chi man jojapon ri pa tinamit Damasco,^f c'o c'a jun nimalej sakil petenek chila' chicaj ri xka' pa nuvi!^g ⁷Y romari' yin xitzak pan ulef. Y jac'ari' tok xinvac'axaj chi c'o Jun ri nich'on chuve, y nubij c'a: Saulo, Saulo, ¿achique c'a roma tok achapon ch'a'oj chuvij yin?^h xcha'. ⁸Y yin xinc'utuj c'a: ¿At achique c'a rat? xicha'. Y xubij c'a chuve: Ja yin ri Jesús aj-Nazaret ri achok hij achapon rubanic ch'a'oj,ⁱ xcha' chuve. ⁹Y ri e benek viq'uin xquixibij-qui!^j roma xquitz'et ri sakil, pero man xcac'axaj ta ri xubij ri Jun ri xch'on^k viq'uin. ¹⁰Y yin xinbij c'a: Ajaf, ¿achique c'a ri rucl'amon chi ninben ta? xicha'. Y ri Ajaf xubij chuve: Cayacatej c'a el, y cabiyin pa Damasco, y chiri' xtibix c'a chave ri rucl'amon chi naben, xinuche'ex. ¹¹Pero can c'a ja na ri vachibil ri xeyuken-el vichin chinuk'a' richin xojbe c'a pa Damasco, roma ri ruchuk'a' ri sakil ri xintz'et, can xirumoyirisaj can.

¹²Y ri chiri' pa Damasco c'o c'a jun achin rubini'an Ananías,^l jun achin ri can nuben-vi ri nubij chupan ri ley richin ri Moisés. Y conojel kavinak israelitas ri ec'o chiri', jebel c'a yech'on chirij^m ri Ananías ri'. ¹³Y rija' xapon c'a viq'uin, y xberubij chuve: Vach'alal Saulo, catzu'un chic c'a, xcha'. Y yin can jari' xitiquir xitzu'un,ⁿ y xintz'et c'a ruvech ri Ananías. ¹⁴Y rija' xubij c'a chuka' chuve: Ri Dios ri quichin ri kati't-kamama^o xarucha^p richin navetamaj ri rurayibel rija' y richin chuka' xatz'et ri Ajaf Jesucristo^q ri can choj,^r y xavac'axaj ri ruch'abel.^s ¹⁵Y jac'a rat ri xcak'alajirisan^t chique ri vinek ri xatz'et^u y xavac'axaj.^v ¹⁶¿Pero utz cami abanon chi quela' atc'o-ka y ri tiempo junanin benek? Cabiyin c'a richin naben bautizar avi,^w y tanimaj rubi' ri Ajaf Jesús,^x richin nicuyutej ri amac,^y xcha' chuve.

Ri Pablo nutzijoj c'a ri rubanic tok rija' xuchop samaj chiquicojol ri man e israelitas ta

¹⁷Y tok xitzolin-pe y xinoka' vave' pa Jerusalem,^z xibe c'a pa rachoch ri Dios chubanic orar. Y ja tok yinajin chire ri oración, xinben c'a jun achilel achic,^a ¹⁸roma ri Kajaf Jesucristo xuc'ut-ri' chinuvech, y xubij c'a chuve: Junanin catel-el

c Hch. 8:3; Fil. 3:6; 1 Ti. 1:13. d Lc. 22:66; Hch. 4:5. e Hch. 9:2. f Hch. 26:12. g Hch. 9:3. h Hch. 9:4. i Hch. 9:5. j Dn. 10:7. k Hch. 9:7. l Hch. 9:17. m Hch. 10:22; 1 Ti. 3:7. n Hch. 9:17, 18. o Hch. 3:13; 5:30. p Ro. 1:1; Ga. 1:1. q Hch. 26:16; 1 Co. 9:1. r Hch. 3:14; 7:52. s 1 Jn. 1:1. t Hch. 23:11. u Hch. 26:16. v Hch. 4:20. w Hch. 9:18. x Ro. 10:13. y Hch. 2:38. z Hch. 9:26. a Hch. 10:10; 11:5; 2 Co. 12:1-4.

vave' pa Jerusalem, roma ri vinek ri ec'o vave' man xtiquinimaj ta ri xtak'alajirisaj chuvij yin,^b xcha' chuve. ¹⁹Romari' yin xinbij c'a chire: Ajaf, rije!^c quetaman c'a chi ja yin ri xinapon ri pa tak jay ri can richin nitzijox ri ruch'abel ri Dios, chiquichapic ri e nimayon avichin, xenc'uj pa cárce!^c y xench'ey.^d ²⁰Y tok xcamisex ri Esteban ri xk'alajirisan ri abi', can xka-vi chinuvech^e ri xban chire, can inc'o chuka' apo quiqu'uin ri camisanela', nuchajin ri quitziak^f ri e quich'lilon can chiquij, xicha'. ²¹Pero ri Ajaf Jesucristo xubij chuve: Cabiyn c'a, roma can yatintek c'a el pa tak tinamit ri nej ec'o, richin ne'atzijoj ri nuch'abel chique ri vinek ri xa man e israelitas ta,^g xcha' chuve, xubij ri Pablo chique ri ruvinak israelitas.

Tok ri Pablo c'o chic c'a pa ruk'a' ri achin achi'el Coronel

²²Y ri vinek ri' man chic c'a xcajo' ta xca'axaj ri Pablo. Xa xquichop c'a niquibila' riq'uin janíla cuchuk'a': ¡Ticamisex^h la jun achin la', roma xa man ruc'amon ta chic chi q'ues!ⁱ yecha'.

²³Y roma c'a ri vinek can riq'uin janíla cuchuk'a' yech'on y niquic'akala' chuka' ri quitziak ri yequich'ilila-el chiquij, y xbequimok'ela-pe ulef richin xquiqu'uek chicaj roma coyoval, ²⁴romari' ri achin achi'el Coronel xubij c'a chi tuc'uex-apo ri Pablo chupan ri jay acuchi ec'o-vi ri soldados,^j y tich'ay, richin queri' tuk'alajirisaj achique roma tok ri vinek janíla pa quichi' niquiben chirij. ²⁵Y jac'a tok ximon chic ri Pablo richin nich'ay, ri Pablo xubij chire ri Capitán: Yin in jun achin romano. ¿Ruc'amon cami chi yinich'ey, tok xa man jani tik'at tzij pa nuvi?^k xcha'.

²⁶Ri Capitán tok xrac'axaj queri', xberubij c'a chire ri achin achi'el jun Coronel: ¿Achique nach'ob chi naben vacami? Roma ri Pablo jun achin romano, xcha' chire.

²⁷Y tok ri achin achi'el Coronel xrac'axaj ri', xbe c'a riq'uin ri Pablo, y xberuc'utuj chire: ¿Kitzij c'a chi rat at jun achin romano? xcha' chire.

Y ri Pablo xubij chi ja'.

²⁸Y ri achin achi'el Coronel xubij c'a: Yin janíla q'uuiy mero xinya' richin queri' xinoc jun achin romano, xcha'.

Y ri Pablo xubij: Yin man que ta ri', yin can xinvalaxibej-pe chi in jun achin romano, xcha' ri Pablo.

²⁹Y riq'uin xquinabej chi ri Pablo jun achin romano, ri achi'a' ri ec'o chic apo richin niquich'ey, xejel-el chiquij. Y ri achin achi'el Coronel ruxibin chuka' ri,^l roma xuxim ri Pablo.

Tok ri Pablo xuc'uex chiquivech ri achi'a' ri can pa comon yek'aton tzij

³⁰Y pa ruca'n k'ij, roma ri achin achi'el Coronel nrajo' nretamaj achique mac rubanon ri Pablo chiquivech ri israelitas, romari' rija' xutek

b Mt. 10:14. **c** Hch. 8:3. **d** Mt. 10:17; 1 Co. 15:9; Fil. 3:6; 1 Ti. 1:13. **e** Lc. 11:48; Hch. 8:1. **f** Hch. 7:58. **g** Hch. 18:6; 26:17; Ro. 11:13; 15:16; Ga. 1:16; 2:7, 8; Ef. 3:7, 8; 1 Ti. 2:7; 2 Ti. 1:11. **h** Hch. 21:36. **i** Hch. 25:24. **j** Hch. 21:34. **k** Hch. 16:37. **l** Hch. 16:38.

coyoxic ri principal-i' tak sacerdotes y ri e cachibil ri can pa comon yek'aton tzij.^m Y c'ari' xberesaj-pe ri Pablo, y xberupaba' chiquivech.

23 ¹Y ri Pablo xerutzu' c'a ri achi'a' ri can pa comon vi yek'aton tzij, y xubij chique: Achi'a' ri ix nuvinak yin, can man jun c'a achique ta nuna' ri vánima, roma ri nuc'aslen chuveh ri Dios can choj c'a rubanon-pe,ⁿ xcha'.

²Romari' ri Ananías ri nimalej sacerdote^o xubij c'a chique ri ec'o-apo chunakaj ri Pablo, chi tiquiya' jun k'a' chiruchi'.^p ³Pero ri Pablo chandin xubij-apo chire ri Ananías: ¡Ri xtibanon c'a quere! chive rat ja ri Dios! ¡Rat jun achin ri xa ca'i' rupalej! Roma can at tz'uyul c'a pe chiri' richin nak'et tzij pa nuvi',^q y chuka' nac'ovisaj pa nuvi' ronojel ri ley richin ri Moisés nabij, ¿pero achique c'a roma tok rat naben chi quich'ay, y ri ley^r richin ri Moisés man que ta ri' ri nubij? xcha' ri Pablo.

⁴Y ri vinek quimolon-qui' chiri' xquibij c'a chire ri Pablo: ¿Achique roma tok itzel yach'on-apo chire la nimalej ru-sacerdote^r ri Dios? xecha' chire.

⁵Y ri Pablo xubij: Nuvinak^t israelitas, yin man vetaman ta ri' vi ja rija' ri nimalej sacerdote, roma vi ta vetaman man ta xinbij^u ri c'ari' ninbij-ka, roma chupan ri ruch'abel ri Dios nubij c'a: Man itzel cach'on chirij jun k'atoy-tzij richin ri atinamit,^v nicha', xcha' ri Pablo.

⁶Y ri Pablo xoka' chuc'u'x chi chiquicojol ri achi'a' ri can pa comon yek'aton tzij, ec'o c'a achi'a' saduceos y ec'o c'a chuka' fariseos. Romari' rija' riq'uin ruchuk'a' xch'on-apo y xubij: Nuvinak israelitas, yin in fariseo,^w y can que chuka' ri' ri nata'. Y vacami rix nik'et tzij pa nuvi', roma yin can cukul nuc'u'x chi ri caminaki' can xquec'astej-vi,^x xcha' ri Pablo.

⁷Y tok ri achi'a' fariseos y saduceos xcac'axaj ri xubij-ka ri Pablo, xquichop c'a niquich'ojila' chiquivech, y pa ca'i' xel-vi ri molojri'il ri'.

⁸Roma ri saduceos man niquinimaj ta chi ri caminaki' xquec'astej,^y ni man niquinimaj ta chuka' chi ec'o ángeles y espíritus, pero ri achi'a' e fariseos can niquinimaj-vi ri'. ⁹Y janíla c'a pa quichi' niquiben. Y ri etamanela' chirij ri ley ri ec'o quiq'uin ri achi'a' fariseos xeyacatej c'a y xquibij: Re jun achin re' man jun itzel rubanon.^z Y riq'uin juba' jun espíritu o jun ángel takon-pe roma ri Dios, ri biyon chire ri ch'abel ri yeruk'alajirisaj chikavech. Y vi queri', man c'a ruc'amon ta chi yojel ch'ojinela' chirij ri Dios,^a xecha'.

¹⁰Y pa ca'i' c'a xel-vi ri jun molojri'il ri'. Janíla c'a ri niquibila' chiquivech. Can xquichop c'a qui' riq'uin ch'abel. Romari' ri achin achi'el jun Coronel xeroyoj c'a ri soldados richin xbequelesaj-pe ri Pablo y tiquic'uaj-el c'a ri pa jay acuchi ec'o-vi ri soldados, roma xuch'ob chi ri vinek ri' niquivech' ri Pablo.

m Mt. 10:17; Lc. 21:12. n Hch. 24:16; 2 Co. 1:12; 2 Ti. 1:3. o Hch. 24:1. p 1 R. 22:24. q Dt. 25:1. r Jn. 7:51. s Jn. 18:22. t Hch. 24:17. u Jud. 8. v Ex. 22:28. w Fil. 3:5. x Hch. 28:20. y Mt. 22:23; Mr. 12:18; Lc. 20:27. z Pr. 16:7; Lc. 23:4. a Hch. 5:39; 9:4, 5; 11:17; 22:7.

¹¹Y ri jun chic c'a ak'a' ri', ri Ajaf Jesucristo xuc'ut-ri' chuveh^b ri Pablo, y xubij chire: Man c'a taxibij-avi',^c xa tacukuba' ac'u'x,^d roma can achí'el ri nuk'alajirisaxic xaben vave' pa Jerusalem, can nic'atzin c'a chi queri' ne'abana' pa Roma, xcha' chire.

Ec'o achí'a' ri xe'ajovan xquicamisaj ta ri Pablo

¹²Y pa ruca'n k'ij chire ri tich'on ri Ajaf Jesucristo riq'uin ri Pablo, ec'o c'a chique ri israelitas pan evel (pan eval) xquich'obola' achique ri xtiquiben chire ri Pablo. Y can xquibij chi man xqueva' ta ni man xque'uc'ya' ta, vi man xquetiquir ta xtiquicamisaj.^e Y xquibij chuka' chi can ja ta c'a ri Dios ri xtiyo'on ruc'ayeval pa quivi',^f vi xtiquik'ej ri quitzij.^g ¹³Y ri xebin chi pan evel (pan eval) niquiben queri', ec'o la'ek cavinek achí'a' israelitas. ¹⁴Ri achí'a' ri' xe'apon quiq'uin ri principal-i' tak sacerdotes y ri rijita'k achí'a' ri c'o quik'ij, y xbequibij chique: Roj kach'obon chic c'a chi nikacamisaj ri Pablo, y can kabin chic chi man xkojva-xkojuc'ya' ta c'a jampe' xkojtiquir chirij, y vi xtikak'ej ri katzij, ja ta c'a ri Dios xtiyo'on-pe ruc'ayeval pa kavi'. ¹⁵Y vacami nikajo' c'a chi rix y ri ch'aka' chic ri pa comon yixk'aton tzij ne'ibij ta chire ri achin achí'el jun Coronel, chi rix nivajo' chi nuc'uex-apo ri Pablo chivech ri chua'k roma c'o más nivajo' nic'utuj chire. Y roj xtikak'elebej ri pa bey, y xtikacamisaj ri Pablo, xecha'.

¹⁶Pero ronojel re' xac'axex roma jun ala' ral ri rana' ri Pablo. Romari' ri ala' ri' xbe y xoc-apo chupan ri jay acuchi ec'o-vi ri soldados, roma chirí' c'o-vi ri Pablo, y xberubij chire ri Pablo ronojel ri rac'axan-el.^h ¹⁷Y tok ri Pablo xrac'axaj ri', xroyoj c'a jun Capitán, y xubij chire: Tac'uaj juba' re ala' re' c'a chuveh ri achin achí'el jun Coronel, roma c'o jun nrajo' nubij chire, xcha' chire.

¹⁸Ri Capitán xuc'uaj na vi el ri ala' c'a chuveh ri achin achí'el jun Coronel, y xberubij chire: Ri Pablo ri c'o pa cárcel xiroyoj, y xuc'utuj utzil chuve richin tinc'ama-pe re ala' re' chavech, roma c'o nrajo' nubij chive, xcha'.

¹⁹Y ri achin achí'el jun Coronel xuc'uaj c'a el, xuyukej-el juc'an chic, y c'ari' xuc'utuj chire: ¿Achique c'a ri navajo' nabij chuve? xcha' chire.

²⁰Y ri ala' xubij c'a chire: Juley chique ri nuvinak israelitasⁱ xquiya' c'a chiquivech chi xtoquic'utuj utzil^j chive, chi chua'k tac'uaj ri Pablo chiquivech ri achí'a' ri pa comon yek'aton tzij, roma xtoquibij chive chi c'o más ri nicajo' niquic'utuj chire ri Pablo. ²¹Pero rat man tanimaj ri', roma ec'o e más e cavinek achí'a' ri xquek'eleben^k richin ri Pablo ri pa bey, y ri achí'a' ri' can quibin c'a chi man xqueva-xque'uc'ya' ta, c'a jampe' xquetiquir xtiquicamisaj,^l y chi ja ta ri Dios ri xtiyo'on ruc'ayeval pa quivi', vi xtiquik'ej quitzij.^m Y vacami xaxe chic c'a coyoben ri achique xtabij-el rat, xcha' ri ala'.

b Hch. 27:23. **c** Hch. 18:9. **d** Sal. 46:1; 109:31; Is. 41:10; 43:2; Jer. 15:19-21; Hch. 2:25. **e** Hch. 25:3. **f** Mt. 26:74. **g** 1 S. 3:17; 20:12, 13; 1 R. 19:2; Is. 8:9, 10. **h** Job 5:13; Pr. 21:30. **i** Hch. 20:3. **j** Hch. 25:3. **k** Sal. 10:9. **l** Sal. 37:12, 32; Pr. 1:16; 4:16; Is. 59:7. **m** Hch. 23:12.

22Y ri achin achí'el jun Coronel xubij chire ri ala' chi titzolin, y man tutzijoq chi xberubij yan can chire rija'.

Tok ri Pablo xuc'ueq pa Cesarea chuvech ri k'atoy-tzij rubini'an Félix

23Y can jac'ari' tok rija' xeroyoq e ca'i' Capitanes, y xubij chique chi a las nueve chupan ri ak'a' ri', nrajo' c'a chi quichojmirisan chic qui' e setenta soldados ri yebe chirij quiej y caji' ciento soldados ri yebe chicaken. Nic'aj c'a chique rije' ri que'uc'uan chuka' el lanzas. Richin yebe c'a pa Cesarea.ⁿ 24Y chuka' tibana' cutzil jun ca'i' ruquiej ri Pablo, richin yeruch'ocolbej, roma yin ninvajo' chi rix nic'uaj-el ri Pablo c'a chuvech ri k'atoy-tzij^o rubini'an Félix. Y ninvajo' c'a chi man jun tuc'ulvachij-el pa bey.

25Y xutz'ibaj c'a el jun vuj richin niqijech pa ruk'a' ri k'atoy-tzij, y chupan ri vuj ri' rubin c'a el: 26Yin Claudio Lisias nintek c'a el rutzil-avech^p rat nimalej kak'atoy-tzij Félix. 27Jac'a ri jun achin ri uc'uan-apo chavach, chapon c'a coma ri israelitas y jubama xquicamisaj. Y ja yin y ri soldados^q ri xojapon chucolic pa quik'a^r ri vinek, roma xinnabej chi rija' jun achin romano.^s 28Chanin c'a xinc'uaj chiquivech ri achí'a' ri can pa comon yek'aton tzij chiquicojol ri israelitas, roma xinvaq' xinvetamaj achique mac ri e rubanalon' y romari' niqisujuj. 29Y xintz'et c'a chi niqisujuj^t roma man nuben ta ri nubij ri quiley^u rije'. Pero man roma ta ri' ruc'amon ta chi nitz'apex pa cárcel o nicamisex ta.^w 30Y vacami xintek-el re achin re' aviq'uin, roma xobix chuve chi ri vinek israelitas quik'eleben re achin re', richin niqicamisaj. Y xinbij chuka' chique ri vinek ri e chapayon ch'a'oj chirij ri Pablo, chi quebe c'a aviq'uin rat^x richin nequibij achique ri e rubanalon. Ri nurayibel yin chi utz ta avech. Querí' c'a nubij ri vuj ri'.

31Y ri soldados can xquiben-vi c'a ri xbix chique. Xquic'uaj-el ri Pablo c'a pa jun tinamit rubini'an Antípatris ri ak'a' ri'. 32Pa ruca'n k'ij xquichop chic el bey. Y xaxe ri setenta soldados ri e benek chirij quiej, xaxe chic ri' ri xebe riq'uin ri Pablo, y ri caji' ciento soldados xetzolix can. 33Y tok xe'apon pa Cesarea^y ri e uc'uayon-el richin ri Pablo, xbequijacha' c'a ri vuj pa ruk'a' ri Félix ri k'atoy-tzij, y xquijech chuka' apo ri Pablo chire. 34Y tok rutz'eton chic c'a ri nubij ri vuj, ri k'atoy-tzij ri' xuc'utuj c'a chire ri Pablo chi achique ruvach'ulef petenek-vi. Tok rac'axan chic c'a can chi pa Cilicia^z petenek-vi, 35xubij c'a chire: Tok xque'oka' ri e sujunela^a chavij, xtinvac'axaj c'a chuka' ri ch'abel ri xque'abij richin nato-avi^b, xcha' ri k'atoy-tzij.

Y xubij c'a chuka' ri k'atoy-tzij ri' chi tuc'ueq ri Pablo c'a ri pa palacio^c richin ri Herodes, y tichajix coma soldados.

n Hch. 8:40. o Mt. 27:2; Hch. 23:26, 33, 34. p Hch. 15:23. q Hch. 23:10. r Hch. 24:7. s Hch. 22:25-29. t Hch. 22:30. u Mr. 15:3. v Hch. 18:15; 24:5, 6. w Sal. 27:12; Hch. 25:25; 26:31. x Hch. 24:8. y Hch. 8:40. z Hch. 6:9; 21:39. a Hch. 24:1. b Hch. 25:16. c Mt. 27:27.

**Ri Pablo y ri e yacayon-el ch'a'oj chirij e pa'el
c'a apo chuveh ri Félix ri k'atoy-tzij**

24 ¹Y vo'o' yan c'a k'ij c'o ri Pablo ri chiri' pa Cesarea, tok xapon-ka ri Ananías ri nimalej sacerdote e rachibilan-el ch'aka' chique ri rijita'k tak achi'a' ri c'o quik'ij y jun chuka' licenciado rubini'an Tértulo. Y xe'apon c'a chuveh ri Félix ri k'atoy-tzij, richin xbequisujuj ri Pablo.^d ²Y tok xoyox ri Pablo chuveh ri k'atoy-tzij, jac'ari' tok ri Tértulo xuchop-apo ri sujunic chirij ri Pablo. Ri Tértulo que c'a re' ri xerubila-apo chire ri Félix: Nimalej k'atoy-tzij, roj janíla nikamatioxij chave, roma re pa katinamit quicoten ojc'o, y manek oyoval, roma c'o ana'oj, y riq'uin ri' o'j ac'uan-vi.^e ³Nikamatioxij c'a chave rat nimalej achin, ri utzil ri abanon chike jantape' y xabachique lugar. ⁴Y man nikajo' ta c'a nikesaj janíla tiempo chave, pero xaxe c'a roma ketaman chi rat can janíla jebel ana'oj, romari' nikajo' c'a chi navac'axaj ta juba' ri ca'i-oxi' ch'abel ri nikajo' nikabij. ⁵Roma re jun achin re', can ketaman chi jun itzel achin.^f Ja rija' ri nibanon chi ri israelitas yeyacatej pa ronojel lugar.^g Ja rija' ri principal chiquicojol ri juley vinek ri yenatan rubi' ri Jesús aj-Nazaret. ⁶Y ja chuka' rija' ri xajovan ta xuben can itzel ri pa rachoch ri Dios^h ri c'o pa Jerusalem. Romari' roj xkachop richin xkak'et ta tzij pa ruvi' achi'el nubij ri ka-ley.ⁱ ⁷Pero ri achi'el jun Coronel rubini'an Lisias xoc chikacojol, y xberutz'oko-pe pa kak'a!^j ⁸Y xubij c'a chi ri yebin chi ri Pablo c'o rumac, quepe c'a chavech rat. Y jac'a tok xta'utuj ri rumac e rubanalon, xtavetamaj c'a chi can kitzij ri yojajin chubixic chave chirij ri Pablo, xcha' ri Tértulo.

⁹Y ri vinek ri e rachibilan-el ri Tértulo, can niqubij c'a chi kitzij ri xubij. ¹⁰Y ri Félix ri k'atoy-tzij xuben c'a pe retal riq'uin ri ruk'a' chire ri Pablo richin tich'on. Y rija' xch'on c'a apo, y xubij c'a: Vetaman c'a chi rat c'o yan pe juna' ri ak'aton tzij pa ruvi' re ruvach'ulef re'. Romari' man xtinpokonaj ta xquich'on-apo, richin nink'alajirisaj chi man jun ch'a'oj ri nubanon ta. ¹¹Y rat yatiquir c'a navetamaj vi kitzij ri niqubij chuvij o xa man kitzij ta. Roma yin xa c'ari' cablajuj k'ij re xinoka' chic el jun bey re pa Jerusalem,^k y xipe chuya'ic ruk'ij ri Dios. ¹²Y tok xinquil xa can ni ta oyoval riq'uin jun chic vinek riq'uin ch'abel ri yinajin ta chubanic, can man jun. Ni man e nuyacon ta chuka' el vinek richin niqubien oyoval, ri chiri' pa rachoch ri Dios^l y ni ta ri pa tak jay ri can nitzijox-vi ri ruch'abel ri Dios. Y chuka' ni ta ri pa tak bey richin ri tinamit xinquil ta chi c'o ta ri yinajin chubanic. ¹³Y ri vinek ri yebin chi ja numac ri' ri e nubanalon, man c'a xquetiquir ta xtiquibij chi can kitzij, vi ta can nic'utux chique chi tiquik'alajirisaj. ¹⁴Pero ri can nink'alajirisaj-apo chave chi can kitzij vi, chi yin can vojkan-vi ri Jesús ri Bey, ri niqubij rije' chi man utz ta. Roma xa can riq'uin ri vojkan ri Jesús, yin can ninsamajij-vi ri Dios ri quichin ri kati't-kamama' roj israelitas.^m Can ninnimaj-vi ronojel ri tz'ibatel

d Hch. 23:2, 30, 35; 25:2. e Sal. 12:2; 55:21; Jud. 16. f 1 P. 2:12, 19. g Hch. 17:6; 21:28. h Hch. 21:28. i Jn. 18:31. j Hch. 21:33; 23:27. k Hch. 21:26. l Hch. 25:8. m 2 Ti. 1:3.

can chupan ri ley richin ri Moisés, y chupan chuka' ri e quitz'iban can ri achi'a' ri xek'alajirisan ri ruch'abel ri Dios ojer can.^a ¹⁵Y yin can cukul c'a nuc'u'x riq'uin ri Dios chi ri caminaki' c'o na jun k'ij tok xquec'astej.^o Can xquec'astej c'a pe ri e choj y ri man e choj ta. Y ri nuvinak can que chuka' ri' ri coyoben chi nibanatej. ¹⁶Y romari' yin can nintej c'a nuk'ij chi man ninben ta ri itzel chuvech ri Dios y chiquivech chuka' ri vinek. Y queri' ri vánima can utz vi c'a nuna!^p

¹⁷Y c'o yan chic c'a juna' ri man in c'ojevinek ta vave'. Y re xipe, nuc'amon c'a pe sipanic ri molon-pe richin nonjacha' chique ri nuvinak ri c'o nic'atzin chique, y chuka' nuc'amon-pe ri nu-ofrenda yin richin pa rachoch ri Dios.

¹⁸Jari' yinajin chubanic ri chiri' pa rachoch ri Dios, tok ri nuvinak israelitas ri e petenek c'a quela' pa ruvach'ulef Asia xinquitz'et. Yin nuch'ajch'ojirisan chic c'a vi,^q achi'el nubij ri ley richin ri Moisés, man in benek ta c'a quiq'uin vinek, ni man jun chuka' oyoval ninben. Xa ja ri ca'i-oxi' israelitas ri' ri xetiquiriban ronojel. ¹⁹Y rije' can ruc'amon chi ec'o ta pe vave' chavech re vacami y niquibij ta apo chave vi c'o ri nicajo' niquik'alajirisaj chuvij, vi c'o jun mac ri nubanon' chiquivech. ²⁰Y roma c'a ri xa man ec'o ta pe, jac'a re ec'o-pe vave' quebin-pe ri achique numac xquil tok yin xinuc'uex chiquivech ri achi'a' ri can pa comon yek'aton tzij.^s ²¹O xaxe vi rije' niquich'ob chi mac ri xinben tok xich'on riq'uin uchuk'a' ri chiri' chiquicojol y xinbij; Nik'et tzij pa nuvi' vacami roma yin ninnimaj chi ri caminaki' can xquec'astej-vi.^t Que c'a ri' ri xubij ri Pablo.

²²Ri Félix ri k'atoy-tzij can retaman-vi c'a achique quibanic ri ye'ojkan ri Jesucristo, ri kitzij Bey. Man riq'uin vi ri', xupaba' ri ch'ojinic ri' tok rac'axan chic ka ri xubij ri Pablo, y xubij c'a chique conojel: C'a xtipe na c'a ri Lisias ri achin achi'el jun Coronel, c'a k'ij c'a ri' xtinvetamaj más chirij re jun ch'a'oj re ichapon.

²³Y ri Félix xubij c'a chire ri Capitán chi can tuchajij jebel ri Pablo, pero chuka' man can xe titz'ape', xa tuya' juba' k'ij chire chi nel juba'. Y man queruk'et ri ye'apon riq'uin richin c'o utzil ri niquiben chire o nequitz'eta' can.^u

²⁴Y tok ic'ovinek chic c'a ca'i-oxi' k'ij, xpe c'a ri Félix ri k'atoy-tzij rachibilan ri Drusila ri rixjayil, jun ixok israelita. Xutek c'a royoxic ri Pablo, roma rija' nrajo' c'a nretamaj achique rubanic ri' ri nacukuba' ac'u'x riq'uin ri Jesucristo. ²⁵Y ri Pablo xapon quiq'uin, y xuchop c'a rubixic chique chirij ri achique rubanic jun c'aslen choj, ri achique rubanic richin nak'il-avi' richin man naben ta ri mac, y chi ri pa ruq'uisibel, ri Dios xtuk'et tzij pa quivi' ri vinek. Y ri Félix janíla xuxibij-ri' riq'uin ri xrac'axaj, y xubij chire ri Pablo: Vacami c'a cabiyin. Y tok xtijame' chic c'a juba' nuvech, xcatinvoyoj chic c'a jun bey,^v xcha' ri Félix.

n Sal. 119:46; Hch. 26:22. o Dn. 12:2; Mt. 22:31; Hch. 23:6. p Hch. 23:1. q Hch. 21:26. r Hch. 23:30. s Hch. 22:30. t Hch. 23:6; 26:6, 8; 28:20. u Hch. 27:3; 28:16. v Hch. 17:32.

²⁶Y ri k'atoy-tzij ri' q'uiy bey c'a nroyoj ri Pablo richin nich'on riq'uin, roma xroyobej chi ri Pablo xusuj ta mero chire^w richin nucol-el. Pero man jun xusuj chire. ²⁷Y ca'i' c'a juna' xk'ax, y ri Pablo c'a c'o na c'a chiri' pa cárcel. Y ri Félix ri k'atoy-tzij xjal-el y xpe ri Porcio Festo pa ruq'uexel. Y ri Félix xaxe richin utz nitz'et^x coma ri vinek israelitas, can c'a xuya' na can pa cárcel ri Pablo.

Tok ri Pablo c'o c'a apo chuveh ri Festo

25 ¹Y ri Festo xoka' c'a pa Cesarea richin noruc'ulu' can ri rusamaj, roma ja rija' ri noc can k'atoy-tzij. Y pa rox k'ij c'a chire ri tuq'u'en can ri rusamaj, rija' xbe c'a el pa tinamit Jerusalem. ²Tok c'o chic c'a ri chiri' pa Jerusalem, ri principal-i' tak sacerdotes y ri vinek israelitas ri más nim quik'ij, xe'apon c'a riq'uin, y xbequisujuj ri Pablo,^y y c'o c'a jun ri can janíla xquic'utuj utzil chire chi tubana'. ³Rije' xquic'utuj c'a jun nimalej utzil chire ri Festo chi tutaka' ruc'amic ri Pablo, roma xa can quinojin chic ajc'a jebel chi tok xtic'an-pe pa Jerusalem, ni quik'elebej ri pa bey, y ni quicamisaj.^z ⁴Pero ri Festo xa xubij c'a chique: Ri Pablo tz'apel pa cárcel chila' pa Cesarea, y yin xa yitzolin yan c'a ka jun bey chic chila'. ⁵Más ta utz ye'icha-el ri más c'o quik'ij chi'icojol, y yenvachibilaj-el ri yojbe-ka c'a pa Cesarea, richin queri' c'a chila' ni quibij-vi chuve ri rumac rubanon ri achin ri', xcha' ri Festo chique.

⁶Y rija' xaxe la'ek jun vaxkaki' o lajuz k'ij ri xc'oje-el ri pa Jerusalem, y xxuleka pa Cesarea. Y pa rucan k'ij, rija' xbetz'uye' c'a pe ri pa k'atbel-tzij, y xutek c'a ruc'amic ri Pablo. ⁷Y tok ri Pablo xoc-apo, ri vinek israelitas ri e petenek pa Jerusalem xquisurij^a rij (xquisutij rij), y ni quisujuj c'a apo riq'uin q'uiy y nima'k tak mac. Pero man xetiquir ta xquiya' pa sakil vi can kitzij chi e rubanalon ri mac ri', tok xc'utux chique. ⁸Romari' ri Pablo, richin nuto-ri', xch'on c'a apo, y xubij: Yin man jun c'a numac nubanon chuveh ri ley kichin roj israelitas, ni man jun chuka' itzel nubanon ta ri pa rachoch ri Dios^b ri c'o pa Jerusalem, y ni man jun c'a chuka' nubanon chuveh ri ley ri yo'on roma ri César, xcha' ri Pablo.

⁹Y roma ri Festo nrajo' chi utz nitz'et^c coma ri israelitas, xuc'utuj c'a chire ri Pablo: ¿Navajo' c'a chi c'a pa Jerusalem yojbe-vi, chuchojmirisaxic ri ch'a'oj najin chavij? xcha' ri Festo.

¹⁰Pero ri Pablo xubij chire: Yin in jun vinek romano, y romari' can ja ri ruk'atbel-tzij ri César ri c'o chi nik'aton tzij pa nuvi', achi'el re acuchi inc'o-vi re vacami chavech rat. Y chuka' rat jebel avetaman chi yin man jun itzel ri nubanon ta chique ri nuvinak israelitas. ¹¹Y vi c'o ta c'a mac ri nubanon y can c'o chi yicamisex, man c'a chuka' ninbij ta chi man quicamisex.^d Pero vi xa man jun chique ri ni quibij chuvij nubanon, man jun c'a c'o ruk'a' chuve richin yirujech ta el chique ri yebin chi c'o

w Ex. 23:8; Dt. 16:19; 1 S. 8:3; 12:3; 2 Cr. 19:7; Job 15:34; Sal. 26:10; Pr. 17:8, 23; 29:4.

x Ex. 23:2; Pr. 29:25; Hch. 12:3; 25:9. y Hch. 24:1. z Hch. 23:12. a Est. 3:8; Sal. 27:12; 35:1; Mr. 15:3. b Hch. 21:28. c 2 Cr. 19:6; Pr. 29:25; Hch. 12:3; 24:27. d Hch. 18:14.

numac. Roma c'a ri' ninvajo' chi can ja ri César^e ri tik'aton tzij pa nuvi', xcha' ri Pablo chire ri Festo ri k'atoy-tzij pa Cesarea.

¹²Ri Festo xtzijon c'a quiq'uin ri k'atoy tak tzij ri yeto'on-apo richin, y c'ari' xubij chire ri Pablo: Rat xac'utun chi ja ri César nik'aton tzij pan avi'. Can jac'ari' ri', yabe c'a pa Roma chuvehch ri César, xuche'ex ri Pablo.

Ri rey Agripa nrajo' nrac'axaj ri Pablo

¹³Y ca'i-oxi' k'ij ri', ri rey rubini'an Agripa y ri Berenice xe'apon pa Cesarea chuk'ejeloxic^f (chuk'ijaloxic) ri Festo. ¹⁴Y roma c'a ri rey Agripa y ri Berenice q'uiy k'ij ri xec'oje-ka ri chiri', ri Festo xutzijoj c'a chire ri ruc'ulvachin ri Pablo.^g Y xubij c'a: Vave' c'o jun achin ri yo'on can pa cárcel roma ri Félix ri c'a juba' tel-el. ¹⁵Y tok c'are' can xibe-el pa Jerusalem, ri principal-i' tak sacerdotes y ri rijita'k tak achi'a' israelitas ri c'o quik'ij, xe'apon viq'uin y xbequibij chuve ri mac ri e rubanalon re achin re', y xquic'utuj c'a chuve chi can tinbana' chi nika' ruc'ayeval pa ruvi'. ¹⁶Pero yin xinbij c'a chique chi ri ka-ley roj romanos man nuya' ta k'ij chi choj ta natek pa camic jun vinek. Ri ka-ley roj nubij c'a chi ri chapon ch'a'oj chirij c'o chi nuto' na ri'.^h C'o chi nich'on na quiq'uin ri e chapayon ch'a'oj chirij richin nuto-ri' chiquivech. ¹⁷Y romari', can xe c'a xe'oka' re pa Cesarea, man c'a xinya' ta k'ij chi xbe ta más tiempo, xa can ja ri ruca'n k'ij xibetz'uye' ri pa k'atbel-tzij y xintek c'a ruc'amic ri achin. ¹⁸Y ri sujunela' chirij ri achin, manek can ta c'o xquibij chirij ri achique ta ri e rubanalon, man achi'el ta ri nuch'obon yin. ¹⁹Roma ri rumac ri xquibij rije' chi e rubanalon, xaxe ri chiquivech ka rije' ri e nimey richin ri Dios,ⁱ y xquinataj chuka' jun Jesús.^j Pero ri Jesús ri' xa caminek chic el, y ri Pablo nubij chi xc'astej-el. ²⁰Y roma c'a yin man ninvil ta achique ninben riq'uin ri jun ch'ojinic ri', xinc'utuj c'a chire ri Pablo: ¿Navajo' c'a chi c'a pa Jerusalem yojbe-vi, chuchojmirisaxic ri ch'a'oj najin chavij? xicha' chire. ²¹Y rija' xubij: Ja ri César ri ninvajo' richin nik'aton tzij pa nuvi'. Y romari' yin c'a nuyo'on pa cárcel, c'a tok xquitiquir na c'a xtintek-el pa Roma chuvehch ri César, xcha' ri Festo.

²²Y ri rey Agripa xubij c'a chire ri Festo: Yin ninrayij ninvac'axaj achique ri nubij ri jun achin ri'.

Y ri Festo xubij c'a chire ri rey Agripa: Chua'k xtavac'axaj c'a ri achin ri',^k xcha'.

²³Y pa ruca'n k'ij, xban c'a jun nimalej c'ulunic chique ri rey Agripa y ri Berenice. Rije' e cachibilan-el ri achi'a' ri ec'o pa quivi' ri soldados y ri achi'a' ri nima'k quik'ij ri chiri' pa Cesarea, tok xe'oc-apo chupan ri jay ri richin molojri'il. Y c'ari' ri Festo xutek ruc'amic ri Pablo. ²⁴Y ri Festo xubij c'a: Rey Agripa y ivonojel rix ri imolon-pe-ivi' kiq'uin vacami, jac'a achin re' ri rubini'an Pablo. Ri

e Hch. 26:32. f 1 S. 13:10; 25:14; 2 S. 8:10; 2 R. 10:13; Mr. 15:18. g Hch. 24:27. h Dt. 17:4; 19:17, 18; Pr. 18:13; Hch. 26:1. i Hch. 23:29. j Hch. 18:15. k Hch. 9:15.

vinek israelitas ri ec'lo pa Jerusalem y ri ec'lo chuka' vave', e okavinek viq'uin y can riq'uin cuchuk'a' quic'utun chuve chi man ruc'amon ta chic ri q'ues.¹ 25 Jac'a' yin nintz'et chi re jun achin re' man jun itzel^m rubanon richin queri' nicamisex ta. Y rija' xuc'utuj c'a chuve chi ja ri César ri nik'aton tzij pa ruvi', y yin nintek c'a el riq'uin ri César c'a chila' pa Roma. 26 Y roma c'a ri man vetaman ta achique ninbij-el chire ri vajaf ri rey César, jac'are' nupaban chivech re vacami, y chivech c'a chuka' rat rey Agripa, richin queri' tac'utuj c'a chire ri rumac e rubanalon, richin ja rumac ri' ri xtintz'ibaj-el chire ri César. 27 Roma chinuvech yin can man ruc'amon ta chi nintek-el jun ri c'lo pa cárcel, y man nintek ta el rubixic achique rumac e rubanalon, xcha' ri Festo chire ri rey Agripa.

Ri Agripa xuya' k'ij chire ri Pablo richin nich'on

26 ¹ Y jac'ari' tok ri rey Agripa xubij chire ri Pablo: Ninya' c'a k'ij chive richin yach'on,ⁿ xcha' chire.

Y ri Pablo xutzekej c'a ruk'a', y jare' ri ch'abel ri xerucusaj richin nuk'alajirisaj chi man jun rumac. Y xuchop rubixic: ² Yin janíla ninmatioxij y janíla chuka' yiquicot, roma chivech rat rey Agripa in pa'el-vi richin ninto-vi'. Roma ri kavinak israelitas niqubij chi janíla cha mac e nubanalon. ³ Y yin más yimatioxin roma rat can jebel vi avetaman^o ri achique nuben jun israelita chupan ri ruc'aslen, ri achique nic'atzin chi nuben. Chuka' can jebel avetaman chi jun vi nuch'ob ri jun y jun vi chic nuch'ob ri jun. Romari' ninvajo' c'a chi yinavac'axaj ta juba' y man ta c'a nic'lo ac'u'x roma ri ch'abel ri ninvajo' ninbij.

Ri Pablo nutzijoj rubanic ri ruc'aslen tok c'a man jani runiman ta

⁴ Y ri kavinak israelitas can quetaman c'a pe achique rubanic ri nuc'aslen tok c'a in ac'ual na, queri' ri pa nutinamit y que chuka' ri' ri pa Jerusalem. ⁵ Y rije' can quetaman c'a chuka' chi can c'a in c'ajol na chiril' tok xic'oje' yan pe quiq'uin ri achi'a' fariseos. Y jac'a roj ri achi'a' fariseos ri más yojniman ri nubij ri ley^p richin ri Moisés. Y vi ta re kavinak re' nicajo' niquik'alajirisaj, can nik'alajin chi kitzij ri yinajin chubixic. ⁶ Pero re vacami inc'o-pe vave' richin nik'at tzij pa nuvi', xaxe roma yin cukul nuc'u'x chi ri caminaki' c'lo na jun k'ij tok xquebec'astej-pe,^q achi'el rusujun can ri Dios chique ri kati't-kamama' ojer can.^r ⁷ Y man xe ta c'a yin in oyobeyon re jun c'astajibel re', xa can que chuka' ri' ri kavinak israelitas. Roj ri quiy-quimam can ri cablaju^s ruc'ajol ri Israel nikanimaj chi ri caminaki' xquec'astej na pe, y romari', can chi pak'ij^f chi chak'a' nikasamajij ri Dios ri biyon can queri'. Rey Agripa, yin jari' ri numac ri niqubij. ⁸ ¿Achique roma tok chivech rix ri Dios man nitiquir ta nuc'asoj jun ri caminek chic el?^u

l Hch. 22:22. m Lc. 23:4; Jn. 18:38; Hch. 23:9, 29; 26:31. n Pr. 18:13; Hch. 25:16.

o Dt. 17:14-20; Hch. 25:26. p Hch. 22:3; Ga. 1:13; Fil. 3:5. q Hch. 23:6. r Hch. 13:32.

s Stg. 1:1. t Lc. 2:37; Fil. 3:11. u Dn. 12:2.

Ri Pablo nutzizoj ri xuben quiq'uin ri nimanela' richin ri Cristo

⁹Roma tok rubanon can, yin xinch'ob c'a ri' chi can c'o chi yenvetzelaj' ri vinek ri quiniman ri Jesús aj-Nazaret, y chuka' can c'o chi ninben chique chi niquitej janfla pokon pa nuk'a'. ¹⁰Y can que vi ri' xinben chique ri chiri' pa Jerusalem. Y riq'uin chic chi ri principal-i' tak sacerdotes xquiya' k'atbel-tzij pa nuk'a', yin e q'uuiy c'a lok'olej tak vinek ri quiniman ri Jesús aj-Nazaret ri xenya' pa cárcel.^w Y tok c'o jun chique ri nimanela' ri' nicamisex, yin ninbij c'a ri' chi utz rubanic chire. ¹¹Y can q'uuiy c'a bey ri xinben pokon chique, richin queri' niquiyok' ta can ri ruch'abel ri Jesús. Queri' xinbanala' chique ri pa tak jay^x ri can nitzijox-vi ri ruch'abel ri Dios. Y can janfla c'a voyoval yacatajinek chiri'. Romari' hasta xibe pa tak tinamit quichin ch'aka' chic ruvach'ulef chiquicanoxic ri quiniman ri Jesús, richin chi xenya' pa tijoj-pokonal.

Ri Pablo nutzizoj chic c'a jun bey achique rubanic tok rija' xunimaj

¹²Y chubanic c'a ri' tok xitak-el coma ri principal-i' tak sacerdotes c'a ri pa tinamit Damasco,^y y can yo'on c'a el chuka' k'atbel-tzij pa nuk'a' coma rije'. ¹³¡A nu-rey! Pero ri pa nic'aj-k'ij tok nuchapon-el bey pa Damasco, xintz'et jun sakil ri petenek chila' chicaj, ri más ruchuk'a' que chuvech ri k'ij, ri xka-pe pa nuvi' yin y pa quivi' chuka' ri vachibil. ¹⁴Y romari' konojel xojtzak c'a pan ulef. Y xinvac'axaj c'a chuka' chi c'o Jun ri xch'on-pe pan hebreo, ri kach'abel roj israelitas, y xubij c'a chuve: Saulo, Saulo, ¿achique c'a roma tok achapon ch'a'oj chuvij yin? Xa ayon c'a rat nasoc-avi', roma achapon ch'a'oj chuvij. Xa ayon rat naya-avi' chutza'n ri puya, xcha' chuve. ¹⁵Y jari' tok xinbij chire: ¿At achique c'a rat? xicha' chire. Y rija' xubij chuve: Ja yin ri Jesús. Y chuvij yin achapon-vi ch'a'oj. ¹⁶Pero can tasic'a' c'a avi', y cayacatej. Xinc'ut-vi' chavech roma yac'atzin chuve,^z y richin chuka' ne'atzizoj chique ri vinek ri xatz'et y ri xquenc'ut chavech chupan ri k'ij e benek-apo. ¹⁷Ri xcatapon-vi, xcatinto' c'a chiquivech ri avinak, y chuka' chiquivech ri vinek man e israelitas ta. Y quiq'uin c'a ri vinek ri' yatintek-el^a re vacami. ¹⁸Yatintek c'a el quiq'uin, richin chi rije' nijakatej ri runak' tak quivech,^b y ye'el-pe chupan ri k'eku'n^c y yec'oje' chupan ri sakil,^d ye'el c'a chuka' pe chuxe' ri rutzij ri Satanás y ye'oc chuxe' rutzij ri Dios, richin niquic'ul ri cuyubel quimac,^e y ri Dios c'o xtuya' chique richin niquichinaj,^f e cachibilan ri ch'aka' ri ch'ajch'oj chic ri quic'aslen y e richin ri Dios, roma xquicukuba' chuka' quic'u'x viq'uin, xcha' ri Jesús chuve.

v Jn. 16:2. w Hch. 8:3; 22:5. x Hch. 22:19. y Hch. 9:3; 22:6. z 1 Ti. 1:12. a Hch. 22:21; Ro. 1:5. b Is. 35:5; 42:7. c Lc. 1:79; Jn. 8:12; 2 Co. 6:14. d Ef. 4:18; 5:8; Col. 1:13; 1 P. 2:9. e Lc. 1:77; 1 Jn. 3:5. f Hch. 20:32; Ef. 1:11.

**Ri Pablo nutzijoj chi can xunimaj-vi ri xbix chire
chupan ri jun achi'el achic' ri xuben**

¹⁹¡A rey Agripa! Yin can xinben c'a ri xk'alajirisex chinuvech, roma ri xk'alajirisex chinuvech chupan ri jun achi'el achic' ri', chicaj c'a petenek-vi. ²⁰Romari' can xin chop c'a rutzijoxic^g nabey chique ri vinek ec'o pa Damasco, c'ari' chique ri vinek ec'o pa Jerusalem y chique c'a chuka' ri vinek ri ec'o pa ronojel tinamit vave' pa Judea, y c'ari' chique c'a ri vinek ri man e israelitas ta, chi nej chi nakaj. Chique conojel c'a xinbij chi titzolej-pe^h quic'u'x riq'uin ri Dios, tijalatej ri quic'aslen, y can tiquik'alajirisaj-qui' riq'uin ri quibanoba^l chi e jalatajinek chic. ²¹Jari' ri xinben. Y xaxe romari' tok ri kavinak israelitas xinquichop-pe^l chiri' pa rachoch ri Dios ri c'o pa Jerusalem, y xcajo' ta xinquicamisaj. ²²Pero ri Dios can c'o-pe viq'uin. Romari' man jun c'a ri nuc'ulvachin pa quik'a' ri vinek. Can nubin c'a pe ri ruch'abel ri Dios chique conojel ri vinek, chique ri jan'la quik'ij y chique chuka' ri manek oc quik'ij. Y xaxe c'a ri quibin can ri achi'a' ri xek'alajirisan ri xbix chique roma ri Dios ri ojer can y ri rubin can ri Moisés,^k ri nintzijoj yin, roma ja rije' ri e biyon can ri nibanatej. ²³Ja rije' ri e biyon can chi ri Cristo xtuc'ovisaj na tijoj-pokonal y xticamisex.^l Jac'a rija' ri xtic'astej-el^m nabey chique conojel ri e caminek chic el. Y romari' rija' can xtuya-vi c'a sakilⁿ chique ri vinek, chique vinek israelitas y chique chuka' ri man e israelitas ta.

Xk'alajin c'a pe chi ri Pablo man jun rumac

²⁴Y jac'a ch'abel ri' ri najin chubixic ri Pablo richin nuk'alajirisaj chi rija' man jun rubanon. Pero ri Festo can jari' xch'on riq'uin uchuk'a', y xubij: Pablo, roma jan'la na'oj c'o aviq'uin, xpe ch'ujiric have,^o xcha' chire.

²⁵Pero ri Pablo xubij chire ri Festo: Nimalej achin, yin manek ch'ujiric chuve, roma ronojel ri ninbij, can kitzij, y ronojel chuka' pa rubeyal ninbij-vi. ²⁶Vave' c'o-vi ri rey Agripa. Romari' man c'a ninxibij ta vi' yich'on-apo, roma yin ninch'ob chi can ronojel ri e banatajinek e retaman, roma xa can pa sakil ri banatajinek-vi. ²⁷¡A rey Agripa! ¿Nanimaj rat ri quibin can ri achi'a' ri xek'alajirisan ri xbix chique roma ri Dios chupan ri ojer can tiempo? Yin vetaman chi can nanimaj.

²⁸Pero ri Agripa xubij chire ri Pablo: Rat nach'ob chi chanin nabey chuve chi yinoc jun chuka' nimey richin ri Cristo.^p

²⁹Y ri Pablo xubij chire: Vi chanin o man chanin ta, ri Dios xtuben ta c'a have achi'el xuben viq'uin yin. Xuben chuve chi xincukuba' nuc'u'x riq'uin ri Ajaf Jesucristo. Y can que c'a chuka' ri' ri nurayibel iviq'uin rix ri

g Hch. 9:20. **h** Is. 55:7; Mt. 3:8; Lc. 3:8-14. **i** Lc. 19:8, 9; Ef. 5:1-25. **j** Hch. 21:30. **k** Jn. 5:46; Ro. 3:21. **l** Sal. 22; Is. 53; Zac. 12:10; Lc. 18:31-33; 24:26. **m** Mt. 27:53; 1 Co. 15:20; Col. 1:18; Ap. 1:5. **n** Is. 42:6; 60:1. **o** 2 R. 9:11; Jn. 10:20. **p** Mr. 6:20.

yixac'axan-pe vichin re vacami. Pero man c'a nurayibel ta chi yixtz'apex pa cárcel, achiel banon chuve yin, y in ximil riq'uin cadena,⁹ xcha' ri Pablo.

³⁰Y can xe c'a xtane' chi nich'on-apo ri Pablo, ri rey Agripa y ri Berenice,⁷ ri Festo ri k'atoy-tzij y ri ch'aka' chic ri can e tz'uuyul chuka' quiqu'uin, xeyacatej y xe'el-el. ³¹Y tok xbequimolo' chic c'a qui' juc'an, niquibila' c'a chiquivech: Ri Pablo man c'a ruc'amon ta chi c'o pa cárcel, c'a ta la' chic c'a chi nitak pa camic, roma man jun^s itzel rubanon richin niban ta queri' chire.

³²Romari' ri rey Agripa xubij chire ri Festo: Man ta na rubin chic chi ja ri César ri nik'aton tzij pa ruvi',^t nel ta el, xcha' ri Agripa.

Tok ri Pablo xtak-el pa Roma

27 ¹Y tok bin chic c'a chi ri Pablo y ch'aka' chic ri ec'o pa cárcel yetak-el c'a pa Roma,^u ri tinamit ri c'o pa ruvach'ulef rubini'an Italia, xejach c'a el pa ruk'a' jun achin rubini'an Julio. Re Julio re' jun Capitán quichin jun ciento soldados, y ri soldados ri' e richin ri jutzobaj (juk'ataj) soldados ri e Richin ri Augusto nibix chique. ²Romari' yin, Lucas, vachibilan c'a ri kach'alal Aristarco,⁹ ri nipe pa tinamit Tesalónica ri c'o pa Macedonia, xojbe c'a chirij ri Pablo. Xojoc-el pa jun barco ri petenek c'a quela' pa jun tinamit rubini'an Adramitio, y nibe pa ch'aka' tinamit ri ec'o chuchi' ri nimalej ya' ri chiri' pa ruvach'ulef rubini'an Asia. ³Pa ruca'n k'ij xojapon c'a ri pa tinamit rubini'an Sidón. Ri chiri', ri Julio^w ri uc'uey quichin ri soldados, xuben c'a jun nimalej utzil chire ri Pablo, roma xuya' k'ij chire chi xbe chiquik'ejeloxic (chiquik'ijaloxic) ri kach'alal y richin chuka' chi ri kach'alal xquito-pe ri Pablo. ⁴Xojoc chic c'a el chupan ri barco, y xkaya' can ri tinamit Sidón. Jac'a tok oj benek, xbekac'ulu' jun cak'ik' janíla nim ri petenek, y romari' c'o chi xojk'ax chuvech ri Chipre ri jun ruvach'ulef ri c'o pa ya', roma xaxe chiri' ri man can ta pa rubey cak'ik' c'o-vi. Pa kajxocon c'a (izquierda c'a) xic'o-vi can ri Chipre chike. ⁵Y tok kac'ovisan chic el ronojel ri ya' ri c'o-apo chiquivech ri Cilicia y Panfilia, xojapon c'a pa tinamit rubini'an Mira. Y re Mira re' pa ruvach'ulef Licia c'o-vi.

⁶Ri chiri' pa tinamit Mira, ri Julio ri Capitán xberila' c'a jun barco ri petenek c'a quela' pa jun tinamit rubini'an Alejandría,^x y nibe c'a pan Italia. Y chupan chic ri barco ri' xojrucusaj-el richin nikaben ri ch'aka' chic bey ri c'a c'o chikij. ⁷Y q'uiy c'a k'ij ri janíla ekal xojbe. C'ari' c'a xojic'o chuvech ri tinamit rubini'an Gnido, roma ri cak'ik' can c'a chikavech na c'a petenek-vi, y yojrutzolij. Romari' xojic'o chuvech ri Salmón, y xbekasutij-pe chuka' rij ri Creta ri jun ruvach'ulef ri c'o chuka' pa ya'. ⁸Y can riq'uin c'a chuka' ruc'ayeval oj benek, kac'uan-el ri ruchi' ri ya', y pa kajquik'a' c'o-vi can ri Creta chike. Y tok xbekila' ri lugar rubini'an Buenos Puertos, xojc'oje' c'a el chiri'. Re lugar c'a re' c'o-apo chunakaj ri tinamit rubini'an Lasea.

q Hch. 21:33; 22:30. r Hch. 25:23. s Hch. 23:9; 25:26; 1 P. 3:16; 4:14. t Hch. 25:11.
u Hch. 25:12. v Hch. 19:29; 20:4; Col. 4:10. w Hch. 28:16. x Hch. 28:11.

⁹Y can janíla yan c'a k'ij ri tibiyn, y c'a xe chiri' que'apon-vi. Y c'ayef chic c'a chi niban binen pa ruvi' ri nimalej ya', roma ja tiempo ri' ri richin cak'ik'. Y romari' ri Pablo xubij chique ri achi'a' ri nuch'ob rija' chi utz chi niquben. ¹⁰Rija' xubij c'a chique: Yin ninch'ob chi vi nikachop chic el bey pa ruvi-ya', c'ayef, man xaxe ta chire re barco y ri ejka'n ri ruc'uan-el, xa can que chuka' ri' chike roj, xcha'.

¹¹Pero ri Julio ri Capitán man xunimaj ta ri xubij ri Pablo chire. Xa ja ri xubij ri rajaf ri barco y ri xubij ri achin ri más ruk'ij ri uc'uayon richin ri barco, xa jari' ri xuben. ¹²Y roma c'a ri chiri' xa man can ta utz richin chi yec'oje-ka richin niquic'ovisaj na el ri ru-tiempo ri cak'ik', romari' jubama conojel ri xquich'ob chi xa más ta utz chi niquiya' can ri acuchi ec'o-vi, roma riq'uín c'a juba' xa yetiquir ta ye'apon ri pa Fenice, ri c'o chuka' ri chiri' pa Creta. Roma ri Fenice' can man pa rubey ta c'a cak'ik' c'o-vi, stape' vi ri cak'ik' nipe pa ruvi' el juba' ri acuchi nikatz'et chi nika-vi ri k'ij o stape' ta vi nipe pa xulan pe juba' ri acuchi nikatz'et chi nika-vi ri k'ij.

Ri barco ri benek-vi ri Pablo xuc'ul jun cak'ik' pa ruvi' ri nimalej ya'

¹³Y tok xpe c'a ri xocomil (viento del sur), rije' xquich'ob chi utz niquben-el rutzijol chi yojbe c'a ri pa Fenice. Tok xojel c'a el, xaxe c'a ri ruchi' ri ya' richin ri Creta oj benek-vi. ¹⁴Pero c'a juba' c'a kojel-el chiri', tok xoc'ulun jun nimalej cak'ik' ri petenek pa ruvi' el juba' ri acuchi nikatz'et chi nel-vi-pe ri k'ij, jun cak'ik' ri janíla ruchuk'a', y norupaxij-ri' chuveh ri barco ri oj benek-vi. ¹⁵Y roma ri janíla ruchuk'a' ri cak'ik', xuchop c'a yojruc'ua-j-el. Y man c'a yojtiquir ta yojbiyin chikavech. Romari' c'o chi xkaya' k'ij chi xojruc'ua-j. ¹⁶Xojk'ax c'a el chirij jun ti ruvach'ulef ri c'o pa ya', rubini'an Clauda. Y ri chiri' man can ta janíla c'a ri ruchuk'a' ri cak'ik', pero c'a c'ayef na xuben chikavech richin xkajotoba-el ri lancha ri kiriren-el roma ri barco ri oj benek-vi. ¹⁷Y tok ri lancha c'o chic el pa barco, ri achi'a' ri e uc'uayon ri barco ri', xquijitz' ri barco pa nima'k rupan colo' richin niquito' juba'. Y roma jotoban ri nimalej tak tziek richin ri barco, ri cak'ik' ruchapon yerunim c'a chupan ri man nim ta rupan ya' ri rubini'an Sirte, romari' xepe ri uc'uey richin ri barco xequikasaj ri tziek, richin chi man xebeka' ta chiri'. Roma rije' can janíla quixibin-qui' vi ta yebeka' chiri'. ¹⁸Y pa ruca'n k'ij, roma ri cak'ik' can c'a ja na ruveh, xquic'akala' c'a can pa ya' ch'aka' chire ri ejka'n ri ruc'uan ri barco. ¹⁹Y ri pa rox k'ij, roma ri cak'ik' can c'a janíla, can xojto'on c'a chuka' roj, richin chi q'uuy chire ri rusamajibal ri barco xkac'akala' can pa ya'.^b ²⁰Y roma can janíla nim ri cak'ik' ri nimiyon kichin, y q'uuy yan k'ij ri man katz'eton ta ruveh ri k'ij ni quivech ri ch'umila', roma c'a ri' xa kacamic chic koyoben y man chic koyoben ta chi yojcolotej.

²¹Y roma can c'o yan chic k'ij ri man jebel ta katijon kavay, ri Pablo xbepa'e-pe ri chiri' chiquicojol conojel, y xubij chique: Xivac'axaj ta na

juba' ri xinbij chive ri pa Creta, man ta na xojel-pe, man ta ojc'o pa c'ayef roj, re barco, ri rusamajibal y ri ejka'n ri ruc'amon-pe. ²²Pero re vacami ninbij c'a chive: Ticukuba' ic'u'x, roma man jun ri xtiquen (xticom), xaxe re barco ri xtiq'uis can. ²³Roma chak'a' xuc'ut-ri' chinuvech jun ángel ri rutakon-pe ri Dios,^c ri Dios ri Vajaf y ri ninsamajij^d chuka'. ²⁴Y ri ángel ri' xubij c'a chive: Pablo, man c'a taxibij-avi!^e Rat can c'o c'a chi yatapon na ri pa Roma chuvech ri César.^f Romari' man jun c'a xtac'ulvachij.^g Y avoma c'a rat, ri Dios xquerucol c'a chuka' ri e avachibilan-el chupan re jun barco re'. Can man jun c'a xtiquen can (xticom can) chive, xinuche'ex roma ri ángel. ²⁵Roma c'a ri', ticukuba' ic'u'x^h chi xquixcolotej, roma yin can vetaman-vi chi ri Dios can xkojrucol na vichi'el ri xorubij can ri ángel chive. ²⁶Y c'o c'a chi pa jun ruvach'ulef ri c'o pa ya'ⁱ xkojbeka-vi can, xcha' ri Pablo chique conojel ri achi'a' ri e benek chupan ri jun barco ri'.

²⁷Y ca'i' yan c'a semanas tuchop-vi-pe ri cak'ik' ri, y kachapon c'a binen pa ruvi' ri nimalej ya' rubini'an mar. Y ri lugar ri', ri ya' rubini'an Adria. Y pa nic'aj-ak'a' la'ek ri' tok ri achi'a' ri e uc'uayon richin ri baraco xquinabej chi nakaj chic ojc'o-vi-apo chire jun ruvach'ulef. ²⁸Y rije' xquetaj janipe' rupan ri ya'. Y xquitz'et c'a chi treinta y seis metros rupan ri ya' tok xquetaj ri pa nabey. Jac'a tok oj biyinek chic juba' más, xquitz'et c'a chi xa más xax nuben-ka ri ya', roma xaxe chic veinte y siete metros rupan. ²⁹Y roma niqixibij-qui' chi ri barco nupaxij-ri' chiquivech abej, romari' xquich'akila-ka pa ya' caji' ch'ich' ri nibix ancla chique, richin chi ri barco man tibiyn. Re caji' anclas re' pa rachek c'a ka ri barco ec'o-vi. Rije' coyoben c'a jampe' niseker. Pero xa niseker, xa niseker, y man jun bey c'a niseker. ³⁰Y ri achi'a' ri e uc'uayon ri barco nicajo' c'a ye'anmej-el. Romari' xquikasaj-ka ri lancha pa ya', y niqiben c'a chi achi'el ja ri ch'aka' chic anclas ri ec'o chuvech ri barco ri ye'ajin chukasaxic. ³¹Romari' ri Pablo xberuya' c'a rutzijol chire ri Capitán quichin ri soldados y chuka' chique ri soldados. Rija' xubij c'a chique chi vi xtiq'uiya' k'ij chi ye'anmej-el ri can ye'uc'uan-vi richin ri barco, man jun chique rije', ri xquecanej can, ri xticolotej ta chuvech ri camic.

³²Romari' xepe ri soldados xequikupila' can ri colo' ri achok iq'uin quiyukuban-vi ri lancha chuvech ri barco, richin chi ri lancha tibe na can.

³³Jac'a tok xuchop niseker-pe, ri Pablo xubij c'a chi queva'. Que c'a re' ri xubij rija' chique conojel ri e benek pa barco: Vacami nitz'aket ca'i' semanas ri man ix varinek ta jebel, ni man chuka' ix va'inek ta jebel. ³⁴Roma c'a ri' ninbij chive vacami, chi quixva' chi utz richin c'o ivuchuk'a'. Roma can xkojcolotej konojel, achi'el ri xk'alajirisex chinuvech. Can man jun c'a ri c'o ta xtuc'ulvachij/

³⁵Y tok ch'ovinek chic c'a ka ri Pablo, rija' xberuc'ama' c'a pe jun ruvay, xumatioxij^k chire ri Dios ri chiri' chiquivech conojel, xuper (xupir) y xuchop

c Am. 3:7; Hch. 23:11. d Ro. 1:9; 2 Ti. 1:3. e Is. 41:10, 14; 43:1, 2. f Hch. 19:21; 23:11; 25:11. g Gn. 39:5, 23; Job 22:29, 30. h Lc. 1:45. i Hch. 28:1. j 1 R. 1:52; Mt. 10:30; Lc. 12:7; 21:18. k 1 S. 9:13; Mt. 15:36; Mr. 8:6; Jn. 6:11; 1 Ti. 4:3, 4.

c'a rutijic. ³⁶Y tok conojel más chic c'a cukul quic'u'x, can jac'a chuka' xquiben, xquichop va'in. ³⁷Y konojel c'a ri oj benek ri pa barco, oje'o c'a ca'i' ciento riq'uin setenta y seis. ³⁸Y tok e va'inek chic ka chi utz, xquichop c'a can ruc'akic ri trigo pa ya', richin tzojotzic nuben can ri barco.

Xq'uis c'a chiri' ri barco

³⁹Tok xseker c'a, ri achi'a' ri e uc'uayon richin ri barco man quetaman ta achique ruvach'ulef xebeka-vi. Xaxe c'a xquitz'et chi c'o jun ruk'a-ya', y jebel ri ruchi'. Romari' xquich'ob c'a chi riq'uin juba' yetiquir niquic'uaj-apo ri barco chiri'. ⁴⁰Romari' xquikupila' can ri colo' ri richin ri anclas, y ri anclas xebe can chuxe' ya'. Y xequisol can ri uc'uabel richin ri barco. C'ari' xquijotoba' ri jun nimalej tziek ri c'o-apo chuvech ri barco, y ri cak'ik' xuchop runimic ri barco chuchi' ri ya'. ⁴¹Y can c'a man jani rutzijol chi yojapon chuchi-ya', tok xbekila' jun boloj sanayi' c'o chuxe' ya', y chiri' xberukebuj-ri' ri ruxe' ri rutza'n ri barco,^l y chiri' xk'ate-vi can. Can man xsilon ta chic. Y ri rachek ri barco can tijok'ok' c'a benek roma ri ya' can riq'uin c'a uchuk'a' nerupaxij-ri' chiri'. ⁴²Romari' tok ri soldados xquich'ob^m chi yequicamisaj c'a conojel presos, richin chi man jun ri nuc'ovisaj ta el ri ya' richin nibe c'a ri chuchi' richin nanmej-el. ⁴³Pero ri Capitán man c'a xrajo' ta chi xquiben queri',ⁿ richin chi nicolotej ri Pablo. Xa xubij c'a chi janipe' ri can yetiquir niquic'ovisaj ri ya' richin yebe c'a chuchi', tiquic'aka-el-qui' y quebe nabey. ⁴⁴Jac'a ri ch'aka' chic ri man yetiquir ta, xubij c'a chique chi yequichapala-el tz'alén o xabachique che' richin ri barco ri e jok'otajinek chic el, richin man yejik'. Y queri' xkaben richin xojel-el c'a chuchi' ri ya',^o y man c'a jun ri xquen ta (xcom ta) chike.

Tok ri Pablo xc'oje' ri pa Malta

28 ¹Y tok konojel oj colotajinek chic el ri pa ya', xketamaj c'a chi ri ruvach'ulef ri', ri c'o pa ya',^p rubini'an Malta. ²Y ri vinek ri aj chiri' pa Malta, janíla c'a jebel quina'oj xquiben kiq'uin,^q roma xquibox jun k'ak'. C'ari' xojcoyoj konojel richin tikamek'a-ki' ri chi k'ak', roma janíla tef nuben y najin job. ³Y tok ri Pablo xberuc'ama-pe juboraj xic'a'y y najin c'a ka chuya'ic ri pa k'ak', xberuc'aka' c'a pe ri' jun cumetz chupan, tok xuna' ri k'ak'. Y re cumetz re' xberuch'ica-ri' chirij ruk'a' ri Pablo, y man c'a nitzak ta el. ⁴Y tok ri vinek ri aj chiri' pa Malta xquitz'et chi ri cumetz tzekele chirij ruk'a' ri Pablo, niquibila' c'a chiquivech: La' can nik'alajin chi jun camisanel achin, roma stape' xcolotej chuvech ri ya', ja la cumetz c'a xticamisan-el richin vacami. Can c'o c'a chi nutoj ri etzelal rubanon,^r yecha' c'a ri vinek ri'.

1 2 Co. 11:25. m Pr. 12:10; Ec. 9:3; Is. 59:7; Ro. 3:15. n Pr. 16:7; Jer. 38:10; Hch. 23:10.
o Sal. 107:30. p Hch. 27:26. q He. 13:1, 2. r Lc. 13:2; Jn. 9:2.

⁵Xpe ri Pablo xutotaj can (xuquiraj can) ri cumetz^s pa k'ak', y man jun retal chi c'o ta ri nuc'ulvachij. ⁶Pero conojel ri vinek quitzuliben-quitzuliben-apo ri Pablo, coyoben c'a jampe' xtesipoj-pe o xtiquen-ka (xticom-ka). Y tok xic'o q'luiy tiempo y niquitz'et chi xa man jun rubanon, man chic c'a xquibij ta chi ri Pablo jun camisanel achin, xa xquibij c'a chi rija' jun dios.^t

⁷Y chunakaj apo ri lugar ri ojc'o-vi, c'o c'a jun li'aj ulef richin jun achin rubini'an Publio. Y rija', jari' ri k'atoy-tzij chupan ri lugar ri'. Jebel xojruc'ul ri pa rachoch, y oxil' c'a k'ij ri jebel xojrilij. ⁸Jac'a ri rutata' ri Publio kajinek pa varabel roma yabil. C'aten y quic' chupan ri noc c'a chire. Y ri Pablo xapon c'a chutz'etic. Xuben orar, y xuya' chuka' ruk'a' pa ruvi', y ri yava' xc'achoj.^u ⁹Xa riq'uin c'a ri', ri xuben ri Pablo xbe rutzijol. Y xe'oka' c'a riq'uin ri Pablo ri ch'aka' chic yava'i' ri ec'o chiri' pa Malta. Y ri Pablo xeruc'achojyrisala-el. ¹⁰Y ri vinek ri aj chiri' pa Malta janfla c'a xquiya' kak'ij' y can jebel vi quina'oj xquiben kiquin. Y tok xojbe, rije' xquiyala' ri xtic'atzin chike chupan ri kabey.

Ri Pablo xapon c'a pa Roma

¹¹Y oxil' ic' ri xojc'oje' c'a ri chiri' pa Malta. Y c'o c'a jun barco ri c'a quela' pa jun tinamit rubini'an Alejandría^w tipe-vi. Ri barco ri' ruc'uan c'a ri quivachibel ca'i' dios ri chutz'a'n. Ri dios ri' quibini'an Cástor y Pólux. Y c'o c'a ri chiri' pa Malta, roma chiri' xc'oje-vi chupan ri tiempo ri richin cak'ik'. Y chupan c'a ri barco ri' xojbe-vi. ¹²Y xojapon pa jun tinamit rubini'an Siracusa, y xojc'oje' oxil' k'ij ri chiri'. ¹³Y xe xojel-el ri chiri', xkac'uj-el ri ruchi' ri ya', y xojapon chic pa jun tinamit ri rubini'an Regio. Y pa ruca'n k'ij chire ri kojapon pa tinamit Regio, xkachop chic c'a el binen tok xpe ri xocomil (viento del sur). Y pa rox k'ij chire ri kojapon-vi ri pa tinamit Regio, jari' tok xojapon ri pa tinamit rubini'an Puteoli. ¹⁴Y chiri' chupan ri tinamit ri', ec'o c'a kach'alal^x xebekila', y rije' xquibij c'a chike chi kojc'oje-ka' jun semana quiquin. Tok xtz'aket c'a ri jun semana ri', c'ari' choj xojbe c'a pa Roma. ¹⁵Ri kach'alal ri ec'o chiri' pa Roma cac'axan chic c'a chi yojapon. Romari' xojoquic'ulu' ri pa bey, pa jun tinamit rubini'an Foro de Apio, y ri chiri' chuka' pa jun chic lugar rubini'an Tres Tabernas. Tok ri Pablo xerutz'et c'a ri kach'alal ri', xumatioxij chire ri Dios. Y re' xuya' ruchuk'a' xuna' rija'. ¹⁶Y tok xojapon c'a ri pa Roma, ri Julio ri Capitán xerujech c'a ri presos pa ruk'a' ri jun achin ri uc'uey quichin ri achia' e chajinela'. Jac'a chire ri Pablo xbix chi utz nic'oje' pa jun chic jay,^z chajin roma jun soldado.

s Sal. 91:13; Mr. 16:18; Lc. 10:19. t Hch. 8:10; 10:25; 14:11; Ap. 22:8, 9. u 1 R. 17:20-22; Mt. 9:18; Mr. 6:5; 7:32; 16:18; Lc. 4:40; Stg. 5:14. v 1 Ti. 5:17. w Hch. 27:6. x Sal. 119:63. y Mt. 10:11; Hch. 9:42, 43; 19:1; 21:4, 7, 8. z Hch. 24:23.

Ri Pablo nutzizoj ri ruch'abel ri Dios pa Roma

17Y oxil yan c'a k'ij tapon ri Pablo pa Roma, tok xutek coyoxic ri principal-i' chiquicojol ri israelitas ri ec'o pa Roma. Y tok xe'apon riq'uin, xubij c'a chique: Nuvinak, yin man jun achique ta c'a nubanon^c chique ri ch'aka' chic kavinak israelitas, ni man jun chuka' achique ta nubin chirij ri quibin can ri kati't-kamama' chi c'o chi nikaben, pero can ja yan ri chiri' pa Jerusalem xichap y xijach pa quik'a' ri k'atoy tak tzij romanos. 18Y tok rije' xquic'utuj chuve achique ri nubanon, xquich'ob c'a yinquesaj, roma man jun itzel ri nubanon ta,^b richin queri' yitak ta pa camic. 19Pero ri kavinak israelitas man xcajo' ta chi xinelese can, y romari' yin xinc'utuj c'a chi ja ri César^c ri tik'aton tzij pa nuvi', y man roma ta c'a chi c'o sujunic nuc'amon-pe chiquij ri nuvinak, roma ta ri' xinc'utuj queri'. Man tich'ob queri'. 20Xa romari' xintek ivoyoxic richin chi can yixintz'et y richin chuka' chi rix can viq'uin yin nivetamaj-el achique c'a roma quere' nuc'ulvachin. Roma konojel roj israelitas cukul kac'u'x chi ri caminaki' c'o na jun k'ij tok xquec'astej-pe,^d y xa roma jari' ri nuniman yin, romari' tok in ximil riq'uin cadena^e vacami, xcha' ri Pablo.

21Y ri israelitas ri' xquibij chire ri Pablo: Roj man jun vuj kac'ulun ri petenek pa Judea ri nich'on ta chavij. Ni man jun chuka' chique ri kavinak ri e petenek chirij ri yebin ta chi c'o itzel ri abanalon. Man jun. 22Pero roj ketaman c'a chi ronojel lugar, ri vinek can janíla c'a yech'on chivij rix ri yixnatan ri rubi' ri Jesús,^f y nikajo' c'a nicketamaj achique rubanic ri na'oj ri ac'amon-pe rat, xecha' chire.

23Y xquicha' c'a can jun k'ij richin queri' niqumol-qui', y ri Pablo xtubij c'a ri achique nicajo' niqumtamaj. Y tok xapon c'a ri k'ij, janíla c'a vinek ri xbequimolo-qui' riq'uin ri Pablo, y rija' xuchop c'a nutzizoj y nuk'alajirisaj chirij tok ri vinek ye'oc pa rajavaren o pa ruk'a' ri Dios, jampe' xel-pe ri k'ij c'a tok xtzak na ka, roma rija' xrajo' c'a chi xk'ax ta chiquivech chi ri Jesús^g jari' ri Cristo, ri tz'ibatel can roma ri Moisés y coma ri achi'a' ri xek'alajirisan ri ruch'abel ri Dios ojer can. 24Ec'o c'a ri xeniman^h ri xubij ri Pablo, y ec'o ri man xeniman ta.ⁱ 25Y roma ri xa man junan ta c'a quivech, xquichop c'a yebe. Pero can c'a xcac'axaj na el ri ruq'uisibel tak ch'abel ri xubij ri Pablo. Y rija' xubij: Ri ch'abel ri xuya' ri Lok'olej Espíritu chire ri Isaías ri k'alajirisey ruch'abel ri Dios, richin chi xubij chique ri kati't-kamama', can utz chuka' nuben chive rix, roma ri Lok'olej Espíritu xubij c'a:

26 Cabiyyin quiq'uin ri avinak, y te'abij chique:

Xaxe c'a choj xtivac'axaj^j y man xtik'ax ta chivech ri xtivac'axaj.

Xaxe ta c'a choj xtitzu' ri' y man xtitz'et ta jebel ri nitzu'.

a Hch. 21:33; 24:12; 25:8. b Hch. 22:24; 24:10; 25:8; 26:31. c Hch. 25:11. d Hch. 26:6, 7. e Hch. 26:29; Ef. 3:1; 4:1; 6:20; 2 Ti. 1:16. f Hch. 24:5. g Lc. 24:24; Hch. 17:2, 3; 26:22, 23. h Hch. 18:6-8. i Hch. 14:4; Ro. 3:3. j Js. 6:9; Jer. 5:21; Ez. 12:2; Mt. 13:14; Mr. 4:12; Lc. 8:10; Jn. 12:40; Ro. 11:8.

27 Roma ri cánima re vinek re' xa xquicovirisaj.
 C'ayef c'a chi noc pa quixiquin ri nicac'axaj.
 Ri runak' tak quivech, quimoyin, roma man nicajo' ta yetzu'un.^k
 Rije' can man jun nicajo',
 can man nicajo' ta nicac'axaj,
 can man nicajo' ta nika' pa tak cánima,
 man nicajo' ta nitzolin-pe quic'u'x, richin chi yin ninchojmirisaj
 ri quic'aslen.

Queri' xubij ri Lok'olej Espíritu.

28 Roma c'a ri' tivetamaj can rix, chi ri vinek man e israelitas ta, xapon yan quiq'uin
 ri colotajic richin ri Dios.^l Rije' can nicac'axaj-vi ri ch'abel ri takon-pe chique.

29 Y tok ri Pablo xubij queri' chique ri ruvinak israelitas, xebe y janíla
 c'a niquich'ojila' chiquivech.

30 Y ri Pablo can tz'aket c'a ca'i' juna' ri xc'oje' chupan ri rachoch
 rukajon, y yeruc'ul c'a conojel vinek ri ye'apon riq'uin. 31 Y rija' nutzijola'
 chique chirij tok ri vinek ye'oc pa rajavaren o pa ruk'a' ri Dios, y yerutijola'
 c'a chuka' ri vinek chirij ri samaj ri xorubana-ka ri Ajaf Jesucristo. Rija'
 can chique c'a conojel man xupokonaj^m ta xubij. Y can man jun c'a chuka'
 xbin chire ri Pablo chi man chic tutzijoj ri ruch'abel ri Dios.